

**OBSIDIO
BREDANA. ARMIS
PHILIPPI 4.
AUSPICIIS
ISABELLÆ...**

Cornelis Galle, Herman Hugo




8

41



~~A-IV-5-25~~

8 - 7 - D - 41



ANTVERPIÆ, EX OFFICINA PLANTINIANA, M. DC. XXIX.

THE UNIVERSITY OF CHICAGO

ISABELLAE

CLARAE EVGENIAE

HISPANIARVM

INFANTI

HEROINAE FORTISSIMAE,

VICTRICI,

MATRI PATRIAE.



XIMIAE Regum animæ,
excelsæque illæ mentes,
ISABELLA SERENIS-
SIMA, etsi res maximas
abs se gestas, consuetu-
dine quadam perpetuæ
Maiestatis, obliuisci soleant; non inuitè ta-
men ad earum memoriam auditione subin-



de reuocantur. Eâ cogitatione ausus sum
belli Tui Bredani recentem admirandam-
que Victoriâ **C**ELSI^TVDINI **T**VAE me-
morare scribendo; vel eò lubentiùs, quòd,
etsi Tua ea sit, præcipuè tamen sit **D**E I,
Arbitri Pacis Bellique. Ita sentire Te, scio;
quæ cùm Bredam venisses, non priùs Ti-
bi festorum ignium hilaria, quàm **D**E O
Victoriæ Auctori, Sacrum fieri permisisti.

*Tacitus
de A-
grippinâ.*

MVNIA quidem **D**V^CIS **G**ESSI-
STI, **I**NGENS ANIMI, non dicam,
FEMINA, sed Heroina: atque vt Am-
brosij in Te (quæ ille in victricem viduam
Debboram) verba conferam; **V**IDVA
POPVLOS **R**EGIS, **V**IDVA **D**V-
CIS **E**XERCITVM, **V**IDVA **D**V-
CES **E**LIGIS, **V**IDVA **B**ELLA
DISPONIS. quæ omnia etsi insolita
maximâque in Te fuere; tantæ tamen mo-
lis Victoria supra Tuas, imò supra homi-
num omnium vires fuit. Vtar publico no-
stro hostiùmque Testimonio. Mauritius
Arausij Princeps, vir rarâ militiæ pruden-
tiâ,

*Ambro-
sius libro
de Vi-
ditiâ.*

tiâ, Ambrosij Spinolæ Ductoris Tui fortissimi conatus, initiò, quasi Giganteos iridebat. Ordines foederati, ærarium omne effundebant, vt in certissimam obsidij solutionem vtilissimè expensum. Hollandiæ plebs Comœdijs, Mimisque, cœptam circumuallationem proscindebat. Socij Foederatique, nullo perdendæ operæ metu, auxilia submittebant. Exteri Principes tam parum Bredæ metuebant, quàm Hispaniæ Rex ipse, extremâ etiam obsidione, sperabat. Nostrorum multi (quod augurabantur) depositis æris magni pignoribus, malè euenturum bellum contendebant. Famæ denique nuntiisque post Victoriam dimissis, apud multos negata fides est. Fortè & Posteritas admirabunda dubitabit; nisi quæ præsens vidi, scripsero, dum viuus, dum viuunt, qui videre quæ scribo. Sed illud nimirum è sacro bellicæ Poëtriæ carmine præfandum est, ad faciendam fidem:

DE CAELO DIMICATVM EST CONTRA EOS. Indicium
5. cap.

De Cælo profectò ; nam hominum stragemata esse non possunt , sed vnus Archistrategi D E I , quotquot hoc bello portenta præsidiaque sunt visa : AEstatem atque Autumnum castris nostris fuisse salubrem , hostibus pestilentem . Hiemem ferè sine niuibz gelúque transire ; tum demum gelare ac ningere , cùm nos circumuallationem propè absoluissemus , hostis verò suppetias nauigijs submittere conaretur . Cùm auxilia hostium mari apportarentur , æstus de more non concitari , ventum subito in contrarium verti , classem conflictari , naufragia fieri , militem mori simul & appellari . Seditionem nullam in castris nostris , aut diuturnâ obsidij asperitate , aut exili rarâque stipendiorum numeratione , aut annonæ sæuitiâ , efflagrare . Portenta haud dubiè , sed debita scilicet Pietati Tux , I S A B E L L A Princeps Religiosissima , vel Pij belli causâ . Orbis vidit quæ scribo , nec beneficio nec iniuriâ laceffitus , sed fidem incorruptam absque

absquē odio & studio professus ; (& verò blandiri publicè , nec locus nec gratia est) quamquam laudari Te , etiam dum viuis , omnes sine obtreptione permittunt . Adeò Virtus Tua supra inuidiam est atque calumniam , vt eam immortalitatis gloria non sequatur (vt post mortem ceteros) verùm etiam præcurrat . Vnus mihi grauior est metus , vt facta dictis exæquem . Sed quem vnquam

SCRIPTOREM ET AVCTOREM ^{Salsum.}
RERVM , PAR GLORIA CONSECVTA EST ? Pictoribus non modò venia , at laus etiam datur , si viuas imagines coloribus mortuis aliquatenus assequantur . Mihi certè amplius aliquid à

CELSITVDINE TUA sperare licebit , quæ fortitudine , felicitatēque rerum gestarum , non tantùm exilem meam , sed excellentissimam quoque Scriptorum omnium eloquentiam superasti . Patiēre igitur , pro insigni rarāque Modestiā Tuā , vnico Te Victorinæ elogio , velut angusto

Virtu-

*Trebel-
lius Pol-
lio de
xxx. Ty-
rannis.*

Virtutum Tuarum compendio , appellari

MATREM CASTRORVM.

Qualem Te olim Posteritas, nunc ego præ-
sentem venerabor,

ISABELLA HEROINA FORTISSIMA,

Clientium tuorum minimus

Hermannus Hugo
Societatis IESV.



OBSI-

O B S I D I O B R E D A N A .



VRBIS Bredæ obsidionem res multæ supra præteritorum bellorum memoriam magnitudine suâ celebrarunt. Inprimis maximarum suppetiarum auxilia vnde-
 quaque ab hoste euocata, quasi non de vrbis vnus salute, sed Imperij totius summâ fuisset dimicatum. Adeò famam

Qua res celebrari obfidionem Bredanæ.

1. Auxilia maxima euocata, exterrumq; amulatio.

2. Admiranda magnitudo depicta circumuallationis.

*3. Multitudo incredibilis operum.
 a Redoutes.
 b Forts.
 c Batteries.*

4. Difficultas supportandi a longinquo comminatus, cum summâ amona caritate.

5. Singulare Dei præsidium, ac ferè portentosum.

studia auxere exterorum, ipsa que æmulatione creuit Victoriæ nomen. Deinde admiranda inaudita que circumuallationis institutæ magnitudo, circuitu valli duplicis aduersus internum externum que hostem, qualem vix vllæ retrò Historiæ litteris commendatum reliquere. Ad hæc multitudo incredibilis ^a turrium, ^b castellorum, ^c aggerum, aliarum que id genus munitionum, quæ & sæuissimo anni tempore, & breuissimo spatio pro tantâ magnitudine, fuere perfectæ. Prætercâ summa comeatus supportandi difficultas, itinere longo, hiberno ac terrestri, vndecim mensium spatio superata; cum ob sumptuosas curruum vecturas Prouincijs volentibus imperatas, pagorum que ac municipiorum vastitatem, graue mercium omnium pretium esset, neque militi nisi rara dimidiata que stipendia soluerentur. Denique peculiare quoddam præsidium Numinis, rebus nostris perpetuò patrocinantis, turbantis que conatus hostiles; perinde atque nobis propitium, illis iratum infestum que semper extitisset. Cuius quidem cælestis auxilij argumenta, tot tam que certa toto hoc Bredano bello eluxere; vt quamuis longè maxima fuerint Ducum studia vigilantia que, nihil tamen haud dubiè ijs omnibus curis effecissent, absque ope eximiâ summi illius

A Impe-

Imperatoris Dei. Atque hæc ferè ea sunt, quæ Belli huius famam orbe toto circumtulērunt.

*Ubi Breda
circuitus
quantus.*

Breda alioqui oppidum non maximum, circuitu mœnium continet passuum millia non ampliùs quatuor, ut horæ ferè spatio circui in orbem possit. Oppidi Toparchia latius pertinet, includitque pagos omnino xviii. Oppidum eiusq; Toparchiam olim Brabantiae Duces hereditario iure tenuerunt. Vtrumque abalienauit Ioannes III: Brabantiae Dux anno M. CCC. L. Emit Ioannes Polanus Leccæ Toparcha: pretij caput fuit xliiii. millium hallengorum. Inde Nassauis primùm obuenit anno M. CD. llll. dote Ioannæ Polanæ: quæ cum Bredæ esset heres, Engelberto Comiti Nassauio nupsit. Quis neget vel hoc tam dissolutæ venditionis nomine Bredam Brabantiae Ducibus debuisse redhiberi? Eam urbem anno M. D. lxxvii. Albanus Dux (fugiente perduellione Guiljelmo Nassauio) Hispaniæ Regi vindicauit. Decennio post ad Nassauios rediit anno M. D. lxxviii. Hollaco Comite ad deditionem cogente. Tum iterum anno M. D. lxxxxi. à Barone Hautepernio per vim astumque capta, Regi paruit per annos ix. donec Araugerius anno M. D. xc. per fraudem vectoriæ naui (quâ septuaginta milites tecti, ut olim Græci equo Troiano) Arcem Urbemque, iubente Mauritio Nassauio, Arausij Principe, occupauit.

*Breda quando & unde
ad Nassauios.*

*Breda quando & quoties
capta ac recepta.*

Urbis extremis ferè Brabantiae finibus, Hollandiam Merckâ flumine attingit. Vicinis oppidis aliquot municipijsque haud magno interuallo coronatur. Iacet amœnissimâ terræ regione, qualem plurimi Ducum militumque Europâ totâ uidisse negabant: ut non iniuriâ Mauritius Bredam, sua Tempe appellaret. Ager vndeque frugum pabuli que latus. Prata omnia virgultis perpetuis cincta, riui creberrimi distinguebant, veluti limite genuino. Ordines arborum vel ad regulam, vel in quincuncem dispositi, itinerum passim domorumque latera viriditate inumbrabant. Haud procul erant quaternæ siluæ, pinibus vna, ternæ quercubus confitæ.

Flumi-

Breda situm.

*Amœnitas
agri Bredani.*

Fluminibus duobus Aâ & Merkâ interluitur, altero quæ duorum insuper circumuenitur. Aa flumen riuis campestribus auctum, Urbis mœnia circumfluit; ostio quæ retinetur, ne siccas destituat mœnium fossas, dum Merke fluminis aquæ (quibus se intra Urbem permiscet) per æstum decessere; simul molam frumentariam versat lento in Urbem illapsu. Locus, quo inuicem sese fluuij miscent, à Merkæ in Aa influxu, amborum corruptum retinuit nomen, *Merkendael*, quasi Merkæ in Aa. Merka aggeribus lateritijs duobus abs Aâ in ipsis mœnium fossis disclusus, Urbem interlabitur, naturâ multas in partes diuisus, latior quæ paulatim in Hollandicas aquas, haud procul Dordracō sese effundit. Æstibus quotidie geminis concitatur, exæstuat quæ obiectis catarrhatis in suburbanum agrum, quoties libitum est oppidanis.

Ab Aâ, Urbis olim Breda, Brabantis nomen conditum aiunt; quibus *breed* latum significat, quasi Aa fluuij latè sese explicantis alueum exprimere voluissent. Urbis medio edita turris est, altitudine pedum CCC. LXII. unde liber in vicina oppida patet despectus, opportuna significationibus è longinquo faciendis accipiendis quæ. Domus censentur ferè ad mille ducentas. Figura oppido triquetra, nisi Arx mœnibus inædificata, leniter vno latere protruderetur. Hæc mœnibus, aggeribus, pontibus, armamentario, gemino quæ aquæ circumductu munita, ambitu complectitur passus amplius mille. Xystis præterea, porticibus, columnis, ambulationibus, hortoque tam amœno est instructa, vt fortior an elegantior sit, difficilè iudicetur. Mœnia Urbis perpetuo quercuum ordine consita, non lateritio sed cespitum aggestu structa, portis lateritijs tribus ad ternos Urbis angulos (præter eam quâ ex Arce itur) aditum præbent. Mœnium Arcis quæ interiacentis latera sustentant munimenta omnino xv. in quibus disposita tormenta, molæ quæ nonnullæ frumentariæ, quæ velis ventoque concitantur. Colles duo in mœnibus, è quibus longius machinæ suas pilas permit-

Duo Breda flumina.

Aa flumen muros circumluit.

Origo nominis Merkendael.

Flumen Merka urbem interlabitur.

Breda unde n. mch. accipitur.

Turris in Urbis medio quanta altitudinis.

Quot in Urbis domus.

Qua Urbis figura.

Arx qualis.

Mœnia qualia.

Munimenta Boluers xv.

Colles Italici Castellæ, Belgici Catent vocantur.

tunt. Sub his ad pedem mœnium in ipsis fossis munitiunculae humiliores duæ, qualis alibi tertia, cui supernè collis impositus non fuit. Hæ sunt quædam veluti receptacula, ad quæ subterraneis portis aditur, eminentque ex aquis altitudine pedum quatuor. Infernè circum pedem mœnium seps spinea, incisus inflexisque ramis, atque in latitudinem intertextis, quæ iaculatoribus mœnibusque munimentum præbet. Fossæ inæquali latitudine patent; quando plurimum, passibus CL. cum minimum, passibus LXX. In fossis abscissæ è terrâ moles XI v. triangulari formâ cuspidum instar, è medio fluminis circumlabentis eminent: quarum ternæ, impositis portarum pontibus, muro mœnium coniunguntur; binæ item aggeribus retentæ ad diuidendas in fossâ duorum fluminum aquas: tertia, ponticulo ex Arce imposito, continetur Arcis muro. Fossarum ripam extimam, lorica altitudine pedum quinque circumuenit, extrorsum leniter decliuis ad tutelam iaculatorum: (*contra scerpam* appellat.) Huic loricae intercedunt quinque munitiones magnæ, quaternis Urbis Arcisque portis, longissimo item mœnium lateri præstructæ, fossisque circumcisæ, latitudine passuum XXX. His omnibus munitiionibus latera recta longitudine pedum CCX. latitudine CL. Maxima quæ Arci obiacet, longa est passibus CCXL. lata CC. Frons omnibus in angulos curuata more bidentis; hinc Cornutorum eis operum nomen. Sudes acuminatæ eminent vndeque ad tardandum ascensum, si qui in muros connitantur. Trans fossas externarum munitiionum receptaculum præiacet septum murulo in cubitum curuato ad tegendos iaculatores, (Mediam Lunam dicunt) fossâ alterâ cinctum. Ab hac fossâ, intercapedine passuum aliquot, lorica procliuis (qualis Urbem totam circumdat) externas has munitiiones quoque cingit. In id receptaculum militi aditus ex fronte operum Cornutorum, ponticulo trans fossam strato.

Omnia autem hæc Urbis munimenta, interna externaque,

*Latitudo
fossarum.*


Moles, Ravelinus xlv.

*Qua
qualitas
muniti-
menta Urbis
externa.*

*Opera facta
ad tutelam
externarum
munitiionum.*



- A. Munimenta seu Bolvers.
- B. Moles seu Ravelins.
- C. Colles. seu Caualliers. Catten.
- D. Receptacula in fossis mœnium.
- E. Lorica seu contrescerpe.
- F. Munitiones cornutæ.
- G. Receptacula brachio munita.
- H. Insula substructa murulo loricata.
- I. Portæ Urbis et Arcis.



que, tam aptè sunt inter se disposita, itaque inuicem respondent, ut alia alijs editiora, alia altitudine paria, inuicem ex alto lateribusque tueantur; atque ex ultimis ad vicina (si quando esset usus) defensoribus sit receptus. Denique suburbana

Ordo aptus operum omnium inter se ad mutuum tutelam.

solum eo est ingenio situmque, ut aut perpetuis æstuarijs, aut superfusis subito stagnis, latè sit inaccessum. Insula præterea suburbana contra Arcem abscissa ad expediendum nauium cursum, cingitur circumuallatione muri mediocriter alti. Ad hanc formam Mauritius muros institui, munimenta, moles, vallos, loricas, fossasque fieri, à biennio mandauerat. Cum verò ipsius oppidi situs opportunitasque, ad quoddam quasi militaris disciplinæ gymnasium in eo excitandum, suapte naturâ cultumque inuitaret, eam Urbem, tamquam optimam militiæ palæstram, ceteris in exemplum propositam esse, Ordines fœderatarum Prouinciarum cupiebant; exteri plerique existimabant. Huc ergo iuuentus præcipua Gallica, Anglica, Germanicæque ad condiscendas belli artes conueniebat. Huc Mauritius (quoties de munitionum accuratis absolutisque operibus sermo incidisset) militiæ peritos remittere, tamquam ad exemplar, consuebat. Huc Emanuelis Portugalli filium sibi ex sorore nepotem, pedum cohorti præfectum, unâ cum cohorte miserat. Huc utrumque filium suum nothum, quorum alter quoque cohortem ducebat, ablegarat.

Suburbani Bredæ solum quo ingenio.

Bredæ militiæ palæstra, & exemplar quoddam ab solutissima munitionum.

Urbi administrandæ præfectus erat Iustinus Nassavius, Mauritiij frater nothus, vir longo experientiæ usu præstans, qui oppugnationem sustinere consilio, obsidionem parsimonia tolerare posset. Præturam gerebat Ioannes Aertsenius VVermontij Dominus, vir animo non minùs constanti, quàm iudicio acri ad annonæ dispensationem moderandam, temperandasque seditiones, & consilia in subitis ac desperatis rebus suggerenda. Præsidio Urbi disponi solitæ vulgò pedum cohortes xvi. Arci præterea vna. Equitum quinque. vniuersim milites MDC. Sed recens audito rumore belli, ad-

Bredæ Præfectus Iustinus Nassavius.

Prætor seu Drogardus Ioannes Aertsenius.

Quantum vulgò Bredæ præsidium, quantumque numero recens audit.

*Quot ciues
armis idenci.*

*Ciuius Tri-
bunus datus
Aertsenius.*

*Quanta mi-
litijs pro-
misa annona,
quanta im-
perata ciui-
bus.*

*Qua rei Spi-
nolam exci-
tarint ad
tentandam
Bredam.*

*Qua rei in-
commoda ad
Bredam oc-
cupandam.*

iunctæ erant cohortes pedestres octonæ. Ciuium verò qui arma capessere possent, numerati MDCCC. quibus Aertsenius Tribuni vrbani auctoritate imperabat. Militi annona in hiemem prouisa, filiginis mensuræ octies mille ducentæ: auenæ bis mille octingentæ: casei pondo tria millia sexcenta; totidemque aselli siccati. Ciuibus (priusquam ad obsidendam Urbem cum exercitu veniremus) duodecim mensium frumentum vt conuectum haberent, viritim fuerat imperatum; nihil vt necesse esset de militari annonâ eos delibare.

Ad hanc Urbem expugnandam, cum multa Marchionis Ambrosij Spinolæ animum impellerent, tum multa etiam contrâ reuocabant. Incitabat inprimis loci opportunitas, cum ad cohibendas crebras hostilis equitatus in Brabantiam excursiones, quas inde commodissime quoquouersus instituebant, tum etiam ad nauigationem omnem inter vicina Bredæ confiniaque Hollandiæ ac Zelandiæ oppida impediendam; quod, propinquis locis aliquot occupatis, haud magno negotio fieri posse existimatur, incredibili hostium damno. Alliciebant præterea commoditates multæ, ad hanc Urbem potius quàm aliam attendendam; solum nempe suburbanum, ducendis fossis, agendis vineis atque aggeribus, faciendisque operibus aut ad impressionem aut ad circumuallationem opportunum: flumen ad aquandum utile, facile interclusu; quo facto, obfessi commeatu penitus prohiberentur. Vicinæ ad lignandum siluæ, vberimi ad pabulandum campi. Illud denique occorrebat; Bredâ captâ, Bergozomium, aliaque propinqua loca facilius recuperari posse.

Contrâ verò deterrebat Urbis & manu & naturâ tam munitæ robur: sed præcipuè, summa supportandi è longinquo commeatus difficultas; cum aut hostes magno circuitu essent vitandi, aut vrbes nostræ omnes longis terrestribus itineribus abessent, aut ipsæ annonâ suâ indigerent; nec à tergo facultas esset fluminis, quod nauigari onerarijs posset ad cibaria supportanda. Breda autem, è propinquo, quasi hosti-

hostilium vrbiũ theatro quodam, media includeretur. Relinquebatur, vt maximo carrorum numero, longinquis impeditiſque per hiemem itineribus, frumentum cibariaque nobis ſubueherentur; quod nec ſine duplicatis militum copijs, nec ſine grauiffimo periculo fieri poſſe conſtabat.

Hic Belgij rerumque noſtrarum hoc tempore ſtatus erat. Statum Belgij
quis, cum
Spinola Bel-
lum cepit. Philippus I V. Hiſpaniæ Rex inducias denuo cum fœderatis Ordinibus pangi vetuerat, ſentiens caſtrenſem illam pacem bello eſſe nocentiorẽ. Archidux Iſabella Clara Eugenia Hiſpaniarum Infans, Alberti Principis Optimi, vitæ functi, coniux, exercitum, quem in Belgis Rex florentiſſimum habebat, otio ignauiaque languere, ducebat ignominioſum. Nondum vindicatum erat Bergozomium; quo poſt obſidionem retento, hoſtes gloriabantur. Pacata bellis interquieſcebat Germania. Mansfeldici nothi vires nomenque propè iacebant extincta. Integra cum Galliæ Angliæque Regibus fœdera pacis conſtabant. Cum ſolis coniuratarum Prouinciarum perduellibus iuſtæ intercedebant inimicitia. In hoſ bellum conuerti placuit non dominandi libidine, ſed Religionis reponendæ ſtudio, rerumque recuperandarum.

Spinola, conſilij celatis, paulò poſt Idus Iulias anni M. DC. XXIIV. Bruxellâ profectus, cum ipſo anni tempore ad bellum vocaretur, ſegete iam maturâ, copias mouit. Ita verò rem belli omnem integram ſibi reliquerat, vt etiam Spinola quo
conſilio ex-
peditionem
ſuſcepit. ſi Bredam oppugnare apud animum ſuum decreuiſſet, tamen ſi id conſieri difficilè poſſe deprehendiſſet, (præſidio fortè maiore, vt accidit, ab hoſtibus immiſſo) ipſe, ex quolibet quo conſtituiſſet loco, expeditionem aliam quamcumque (vti ex vſu bonoque præſens iudicaſſet) ſuſcipere poſſet; armis pro arbitrio, in quam vellet partem, conuerſis.

Copiæ conſulto, ad fallendum hoſtem, tres in partes diuiſæ; iterque à propoſito diuerſum, alia in loca conſtitutum. Copia tri-
partitè di-
ſta. Spinola ex itinere per Aſperum Collem tendens (vbi auguſtum illud Matris Virginis templum, tot prodigijs per orbem

*Spinola in
Africollen-
sem Virgi-
nem religio.*

bem nobile) ritè obitis Christianæ Religionis mysterijs, votisque pro exercitu ad Aram Marianam conceptis, aliâ pedites, equites aliâ Ludouicus Velascius Comes Salazarius equitum Magister circumduxit. Ioannes Brauius Antuerpiensi archi præfectus exercitum (quem Gonsalvus de Corduâ Legati auctoritate administrat) accersitum è Markiâ missus, eodem quo conuenerat tempore locoque, haud procul Turnhautano municipio, superioribus eum copiis iunxit. Hic obiter à Spinolâ recensitus exercitus, minorque opinione repertus, cum fusè euntes numerum vero ampliorem effecissent. Cetera miles lectissimus, qui virtute paucitatem expleret. Erant Legiones omnino xv. constantes manipulis cxcviii. equitum cohortes xxxix. capitum angustè ad octodecim millia.

*Exercitus
opinionem mi-
nor reperit.*


*Spinola ex-
ercitus statim
quantus.*

*Iustinus
Nassavius
præsidium
angit pedi-
tum cohorti-
bus xx.*

Iustinus Nassavius, consiliorum nostrorum ignarus, sed prouidus, quàm statim huc venisse Spinolam audiuerat, cohortes peditum quinque è propinquo Sualüensis agri tractu Bredam accersit, aliasque deinde xv. ex Hollandiâ ad Sualüam recens appullas (in quibus Prætoriarum duæ Mauritiij & Henrici Principum fratrum, Primipilique multi) cum ipsis Tribunis Hauteriuio Gallo, Morgano Anglo, & Loquerenio Hollando. Postridie verò quàm propius accessisset Spinolam ab eo fuit intellectum, dimissæ Gertrudibergam equitum turmæ tres, Comitum Culenburgici & Styrum, Præfectique Villebonij Galli, ne scilicet equorum nimium esset pro angustâ pabulatione, quando equestres cohortes duæ, cum pedestribus xlv. Vrbi abundè essent ad tutelam. Tribunis, qui recens aduenerant, per moenia externasque munitiones, suæ singulis attributæ stationes. Hauteriuio, qui Gallos Vallonesque ducebat, ad portam Ginekensem; Morgano Anglorum Præfecto, ad Siluæducentem; Loquerenio, cui Belgæ Scotique parebant, ad Antuerpiensem, custodiæ obuenerunt. Hi statim ingenti celeritate, singulis externarum munitionum cornibus, loricas singulas; earum

*Iustinus
Nassavius
equitatum
munivit co-
hortibus tri-
bus.*

*Novæ Bre-
danorum
extra muros
opera.*



rum sinui seu fronti mediæ, brachium in cubitum curvatum præstruxêre, instar tridentis: depressâ circumquaque fossâ, cuius ripam lorica seu contrascerpa obibat, densâque seps sudium duabus pinnis supernè instar ericij armatarum, ne quis varicando transfiret. Interuallum à ripâ extimâ cornutorum operum ad tria vsque brachia eorum cornibus obiecta, fuit passuum CXL. in quod spatium admittebatur miles subterraneo cuniculo ab lateribus cornutorum operum extrorsus. Atque hæc prima fuêre opera Mauritanis munitionibus adiuncta, ex quo obsidionem vereri Bredani cœpêre. Spinola quintis castris, Gillsam (qui pagus itinere horarum duarum Bredâ abest) cum exercitu venit. Hic Tribunis militaribus plerisque, diuersis ab alio singulis, in consilium adhibitis, ecquid de Bredæ oppugnatione censerent, exquiri sententias singulorum. Singuli oppugnationem dissuadere: Oppidum firmissimis operibus munitum dicere, stagna (quoties oppidani flumen extruderent) toto agro suburbano latè exastuare, Urbem multas in partes flumine esse disceptam. Auctum præsidium manipulis pedestribus XXXVII. Copias nostras propter exiguitatem vix tantæ oppugnationi pares fore, ad quam numero æquè atque animis sit opus. Si verò à tergo hostis cum exercitu ad oppugnanda castra nostra priùs venisset, quàm nos Urbem tam firmam expugnassemus, necessariò nobis aut discedendum turpiter fore, aut tantillas copias geminæ impressionis periculo, à fronte, à tergo, temerariè obiectum iri.

Spinola Tribunos in consilium adhibet.

Tribuni dissuadent Spinola oppugnationem Bredæ varijs de causis.

Spinola ad Archiducem Isabellam refert sententiam Tribunorum.

Archidux Isabella Tribunis consentiens, conses oppugnationem obstruendum.

Marchio Spinola, auditis Tribunorum sententijs, sciens alia esse Imperatoris, alias Legati partes; illum liberè ad summam rerum consulere, hunc omnia ad præscriptum agere debere; eodem loci restitit, Archiducemque Isabellam, quid Tribuni censuissent, edocuit. Illa, intellectis tantis Bredani præsidij incrementis, tot virorum fortium periculo fortunam tentari nolle, respondit. Iniquitatis se condemnari debere, si eorum vitam non haberet cariorem, quos sciret

ret

ret sic animo comparatos, vt nullum, si iuberentur, discrimen recusarent. Ne tamen tam lecta militum manus exfors gloriæ, re infectâ, domum rediret, circumspiceret Spinola, quid geri deinde ex re bonoq̃ue esse existimaret.

Spinola, consilijs cum Henrico Comite Bergio summo Geldriæ Præfecto (qui cum altero exercitu ad Rhenum in æstiuis erat) communicatis, Optionem Franciscum Lofanum ad eum cum literis mittit, rogatum quid in rem fore censeret; simul Carolum à Burgundiâ Baronem VVackenium Gandauensis vrbis Prætorem equitum Præfectum, ab castris ad Paulum Bernardum Fontainum, VValloniciæ legionis Tribunum, Prouinciæq̃ue Flandriæ copijs præpositum, ablegat; qui cum eo de Casantæ (insulæ haud procul Slusâ sitæ) occupatione tractaret. Ab his diu secum, deinde etiam coram Ill^{mo} Alphonso Cardinale de la Cueva Legato Regio disputatum; atque vti suum cuique arbitrium erat, ita ille rem facilem, hic difficilem affirmare; Fontainus diffidere, VVackenius euentum polliceri. Fontainus tamen ad exequendum offerre sese, si modò mandatis scriptis (purgandi sui causâ) iuberetur. Archidux in spem euentus prioris iussit, diemq̃ue expeditionis præscripsit. Discessit igitur eas ob res Brugam Fontainus. Submittitur post triduum VVackenius; sed rebus iam omnibus comparatis, Archidux verita vt feliciter expeditio eueniret, abstinere mandat.

Interea Spinola concilium iterum cum idoneis habet. Spinola Tribunos inter-
Tribunisq̃ue omnibus, Centurionibusq̃ue nonnullis, seorsim singulis, ad se vocatis proponit, quid de Bredâ obsidendâ iudicarent, quando impressione tentandam nuper negassent. Hic omnes denuò (vno militari Tribuno excepto) omnes obsidionem diffi-
causari obsidionis difficultates. Vrbem, nisi maximo inter-
uallo, circumuallari non posse. Circumuallationis circuitum quatuor aut quinque amplius horarum itineris necessarium fore debere, ob demissa quàm plurima ruris suburbani
loca, quæ partem sint palustria atque æstuarijs inaccessa, par-

*Nova cum
Henrico Co-
mite Bergio
consilia com-
municantur.*

*Expediit in
Casantam
insulam
proponitur,
moxq̃ deseri-
tur.*

*Spinola Tri-
bunos inter-
rogat quid
censerent de
obsidendâ
Bredâ.*

*Omnem obsi-
dionem diffi-
cilem iudicant, vno
excepto.*

*Causa ob
quæ reiecta
obsidio.*

tem restagnent, cùm oppidani flumen ostio morantur. Iam id tantum spatij, tot stationibus custodijſque explendum fore, vt ferè inter se contingant, aut Vrbem alioqui difficilè interclusum iri. Militis verò facultatem deesse, qui tot in partes distributus, urbem coronâ cingere possit. Ingentem præterea frumenti numerum, vel hiemi tolerandæ, militibus in vrbe prouisum; ciuibz viritim fuisse imperatum. Denique longi temporis laborisq; fore rem, Vrbem rebus omnibus affluentem fatigare fame: præterquam quòd si maiore exercitu conflato ad soluendam obsidionem, à tergo hostis adueniret, sine pugna etiam, carpendis tantummodò impediendisve com-
 meatibus nostris, ad receptum nos cogi possemus, inopiâ maiore inediaque subacti. Adeò diuersam quippe illorum nostramque esse conditionem, vt illi vndequaque propin-
 quis fluminibus urbibusque, rerum omnium copiâ facilè es-
 sent abundaturi, cùm nullus propè ventus flare possit, qui non alicui subuectioni esset secundus, pro vario urbium por-
 tuumque situ. Bredæ enim proximè adiacent Seuenerga, Gertrudiberga, Heusda, Ordinum fœderatorum oppida, in-
 teruallo horarum trium quattuorve; præter nonnulla muni-
 cipia, haud multò remotiora, quæ mari aut fluminibus omnia
 alluuntur. Nos autem Bredanis ipsis citiùs ab re frumenta-
 riâ laboraturi essemus, ob longas durasque annonæ suppor-
 tationes, itinere terrestri, quod vnum, & quidem periculo-
 sum, in castra nostra pateret; nisi hostis etiam id iter penitus
 intercluderet obsideretque. Antuerpia certè, Mechlinia, Li-
 raque (quæ propinquiora è nostris Bredæ oppida) decem
 duodecimve horarum spatio; Siluaducis & Herentalia (quæ
 vrbes proximæ) horis omnino nouem Bredâ absunt.
 Vnus aliquis Tribunorum animo diuersus fuit, qui hisce om-
 nibus posthabitis, vel eâ re Bredam tentandam censebat,
 quòd acerbius nullum vulnus Mauritio accidere posse dicti-
 taret, cùm eam urbem in oculis gereret; quâ amisâ, pluri-
 mum quoque apud omnes amissurus esset auctoritatis. Ne-
 que

*Iniquior no-
 bis conditio
 ad Bredam
 obsidendam,
 atque Hol-
 landis ad li-
 berandam.*

*Ordinū fœ-
 deratorum
 oppida Bredæ
 proxima.*

*Regia vrbes
 à Bredâ re-
 motæ.*

*Rationes ob
 quas Tribu-
 norum vnus
 Bredam obsi-
 deri iudicat.*

que verò credibile esse, ita obsessos rationes omnes suas instituisse, ut nihil tanto in numero, breui esset defuturum, cuius inopiâ ad deditiorem coacti impellerentur. Urbem externæ opis indigam fame vrgeret; clausis annonæ subsidij, inopiam ac discordiam ciuibus militiq; breui esse effecturum.

*Missi cogni-
tum, Bredâ
propiti in spe-
dâ, dissua-
dente obside-
nem.*

Missi ad cognoscendum fuerant, Franciscus Medina, Matthæus Ottanes, & Ioannes Medicæus, Tribuni militares: qui renuntiabant, humum quidem ducendis fossis aggeribusque agendis idoneam; flumen aquationi, siluas lignationi, agros horreaq; pabulationi opportuna videri: sed metuen- da ea omnia, quæ contra obsidionis consilium ab ceteris erant Tribunis allata, vehementius quoque affirmabant; tantumque spatij coronâ cingi non posse. Interea ab Rheno (quod missus fuerat) redit Lofanus cum literis Bergij, qui (cognito quid de Bredæ oppugnandæ difficultatibus Tribuni omnes censuissent) Spinolæ proponit, ecquid de Embricæ ac Rhezæ oppugnatione videatur? Isthic se cum exercitu præsentem esse: copijs aliquantò auctis, stratòque nauali ponte, ac maiore vnâ munitione ad Rhenum factâ, Embricam videri obtineri posse; quâ captâ Rhezam vtrò debere venire in potestatem. Sin autem pontem fieri (ob nauium inopiam) displiceret, Grauiam superesse & Rauesteynij Geneppæque arces, quæ simul obsideri possint. Dispiceret secum quid fieri mallet, interrogato prius Antonio Barone Grobbendonckio Siluæducentis vrbis Præfecto, homine eorum locorū perito. Spinola, remisso cum Lofano, Francisco Medinâ Hispanæ legionis Tribuno, hætenus consilium Bergij probari sibi significat, quatenus Grauiam, Rauesteynium, Geneppamque spectaret, petitque quanto eam in rem subsidio opus habeat.

*Henricus
Bergius in-
dicat quante
exercitus opus
ad Grauiam
reliquaque
loca obsiden-
da.*

Orat Comes Bergius subsidio sibi mitti quinque peditum millia, equites mille, quibuscum reliquæ copiæ suæ satis essent expeditioni conficiendæ. Iubet verò Spinolam securum cum exercitu Gilsæ in pago considerare, hostemque distingere ancipitem, ne tutò Bredana aliâve præsidia deducere posset, ad

Grauiæ

Grauiæ obsidionem perturbandam. Spinola & consilio lætus, & affirmatione tanti Ducis filius, rem ad Archiducem Isabellam refert, misso Medinâ Tribuno, simulq; Baronem Antonium Grobbendonckium (vti Bergius fieri optauerat) ad se euocatum, interrogat, quid de propositâ Grauiæ, Ruesteynij Genneppæque arcium obsidione censeret? Is tot simul expeditiones, non ita, atque credebatur, faciles esse, aperte dictitabat; sperari tamen à Comite Bergio, homine militiæ scientissimo, ijsque in locis versato, & posse & debere.

Spinola consilium Henrici Bergii cum Isabella communicat.

Spinola exquiri sententiam Antonij Baronis Grobbendonckij super obsidione Grauiæ aliorumq; locorum.

Diebus multis in hanc dubitationem consumptis, exercitus Gilsensû in pago languere animis cœpit. Flumen (quæ proxima castris aqua) duorum millium aberat. Putei qui pauci reperiebantur, aut æstibus exarescebant, aut vsu nimio exhauriebantur, aut extracta aqua ad eò turbida erat, vt non nisi longo temporis spatio liquefceret subsideretque. Multos igitur sitis impatientia, maximis anni caloribus, adigebat ad insalubris aquæ potum, vel è fossis, vel è curruum orbitis haustum, quæ morbos efficiebat. Spinola incommodi admonitus, ne leuem aliquam auditionem pro re compertâ haberet (quò omnia sibi essent exploratiora) Tribunos aliquot aduocatos interrogat, tantane, vt monebatur, aquandi inopiâ miles laboraret. Illi aut vitium castrorum indicare veriti, (quòd auribus seruire mallent) aut suâ opulentiâ aliorum inopiam mensi, aquam superare suis affirmant. Monitor, præsentibus Tribunis, à Marchione Spinolâ accitus, dum fidem indicio præstare pergit, commodum interuenit Ioannes Comes Nassauus legionum duarum Germanicarum Tribunus, qui militum suorum calamitate narratâ, momentis dicta sustentauit. Ac tum eorum, qui negauerant, vnus, clam in aurem ingerit monitori, gratiam ei se indicij debere, quod facere ipse timuisset. Spinola, re compertâ, puteos fodi passim imperauit, maloque remedium inuentum fuit. Quadraginta panum millia eâ cæli intemperie fuere in Gilsensibus castris corrupta. Simul eo ferè tempore duarum

Gilfa pagus castrum insalubrem ob aqua inopiam.

Intolerabilis militum sitis.

Rei veritas deprehenditur.

Spinola puteos fodi imperat.

Nona castrorum damna.

rum

rum legionum Italicarum tuguria fortuito incendio deflagrunt. quibus omnibus incommodis cum nulla ad eum diem stipendia essent numerata, & graue mercibus pretium esset, militiam fugâ multi deserebant. Quod exemplum veritus Spinola ne ad plures pertineret, seueritate remedium quæsiuit, retractosque ex fugâ desertores quatuor, sorte experiri fecit, quem vnum è quaternis alea capitis condemnaret.

Fuga militum castigata.

Quærendam in Spinolam obsecratio.

Hostium in Regem & Spinolam commotio.

** Le bouha Eipagnol.*

Mauritij in Spinolam iocus oculentus.

Interea in castris multorum liberæ audiri voces : Agendi tempus consultando transmitti, militem, existimationem, prolatando dilatandoque perdi. Petulantius autem ab hoste multa in Regem Hispaniæ Spinolamque ignominiosè facta. Apud Hollandos, à Mimis ludi præbiti in morem Atellanæ, quos * Hispanicam Bombomachiam appellarunt. Sparsa item per vulgi manus ridicula Regis imago Bredam laternulâ quærentis, astante sibi Spinolâ, qui utrâque manu scalpebat caput, dentato carmine subscripto. Mauritius rerum omnium (vt sibi videbatur) securus, Hagæque in otio quasi per contemptum degens, falsè dixisse fertur : Spinolam Gelæ (vbi vecordes amentia liberantur) satiùs quàm Gilsæ fuisse confessurum. Sed hæc spreta exoleuere, neque iræ confessione agnita sunt.

Spinolâ, consilio oppugnandæ Grauiæ ab Archiduce Isabellâ probato, misso cum mandatis Ioanne Medicæo, homine totius artis militaris per longam exercitationem apprimè perito, Henricum Comitem Bergiûm cum exercitu, quem ad Rhenum habebat, ad Grauiam contendere iubet, pollicitus, petitis ab eo copias se ad certum diem esse submisurum. Simul ab castris suis subsidio mittit Comitem Ioan- nem Nassaium (qui oblatum recens à Republicâ Venetâ copiarum suarum imperium repudiarat) cum peditum milibus v. equitum cohortibus i. v. additis tormentis maioribus tribus, scaphis xlii. reliquoque impedimentorum apparatu. Ioan. Conrardum Aubermontium equestris turmæ Præfectum, ob locorum gnaritatem, Siluaducis, vbi restiterat, comi-

Ioannes Comes Nassaius subsidio mittitur Henrico Ber- gio.

Conrardus Aubermontius locorum peritus Comiti Nassai- no additur.

comitari imperat. Altero die Hyacinthum Velascium Marchio Beluederius Hyacinthus Velascius cum reliquo equitatu Nassauum subsequitur. Marchionem Beluederium cum reliquo decem cohortium equitatu, ad mille omnino equitum, submittit, datis mandatis, ut Grauiensi agro, longè lateque, pecus omne abigeret, locosque quibus castra deinde à Comite Bergio locarentur, eius ad arbitrium tueretur. Comes Bergius ad Grauiam proficiscens, celerrimè Mondelbergam arcem, Cliuos urbem arcemque, & Geneppam urbem ex itinere adortus, vi dedicationeque capit, præfidiaque imponit. Adcò autem monentis Ducis auctoritas Cliuensibus profuit ad militem à rapiuà deterrendum, ut nec vnus delatum fuerit nomen, qui furto quippiam abstulisse compertus sit ex domibus copiosissimà supellectili instructis, è quarum fenestris teclisve restantem arcem verberari imperarat. Quam rem cum postcà Cliuensis Consul ipse celebraret; Mauritius Nassavius & tantam militis innocentiam, & summam Ducis virtutem, non secus ac Scauri cuiusdam integritatem, intactas etiam arborum fruges à militari licentià vindicantis, fuit admiratus. Mouckam pagum Mosæ imminentem commeatui opportunum, vallo munitioneque ab latere aduerso firmat, ibidemque castrametatur. Inde ad Batenburgum & Rauesteynium explorandum, hostiumque opinionem fallendam, cum xv. equitum turmis, iaculatoribus c c c. discedit. Bergius Mondelbergam, Cliuos & Geneppam urbem capit. Bergium militis innocentiam. Bergius Mouckensi pago ad Mosam castrametatur. Rauesteynium Bergius explorat.

Marchio Beluederius magno pecoris numero potitus, abacto quidquid ab Grauià Rauesteynium vsque armentorum erat, & ad Siluamducis misso, multum latè terroris immisit. Henricus Bergius, Batenburgo Rauesteynioque exploratis, Ioannem Nassavius & Contrardum Aubermontium ad se accersit. Hunc cum mandatis significatum Marchioni Spinolæ mittit, non ita facile, atque crediderat, Rauesteynium expugnari posse, sed Grauiam (si Spinola iuberet) Rauesteynio prætermisso, tentaturum se esse; sperare, maioribus aliquantò copijs missis obtineri posse. Ioannem Nassavius, altero Mosæ latere, haud procul Grauià, locare castra iubet, Marchio Beluederius plurimum pecoris Grauià abigit. Comes Bergius de Rauesteynio expugnando diffidit, & Spinola indicat. Ioannes Nassavius castra aduerso Mosæ latere locat.

C

ipse

Bergius Mosam ponte confectis.

ipse Mouckæ tantisper restitutus, dum Spinola, quid fieri placeret, indicasset; significat autem, Mosam interea se ponte constraturum, ad exercitum traiiciendum, iungendumque, si usus foret.

Insolens calis tempestas.

In id tempus horrenda adeo noctis vnius tempestas incidit, imbre, vento, fulmine, tonitru diutissime sæuientibus, vt confundi elementa, cælum ipsum misceri terræ videretur. Denissimæ tenebræ, perpetuus ignium intermicantium fulgor, mugitus continens tonitruorum, imber non guttatim lapsus, sed fluminis instar; ventorum turbines violenti. Omnia denique ad terrorem vltimæ calamitatis. Eâ nocte Hen-

Henrici Nassauii consilium tempestas impedire.

ricus Fredericus Nassauius, Henrici Bergij castra nondum munita, toto exercitu inuadere destinarat, nisi tempestas consilio auertisset. Triduo post, Grauiensi milite prodire iussu, maioribus iterum copijs Bergiana castra laceffitum venit: sed cum neque Grauienses in tempore adessent, neque Bergius sua castra munitionibus nuda reliquisset, exigua velitatione lis omnis dirempta est. Ioannes Nassauius, vt præscriptum erat, castra sua haud procul Grauiâ ponit, locum tam idoneum nactus, vt flumine à dextris, à fronte & sinistris, riuo è flumine ducto cingerentur. Fossam tamen à fronte lateribusque eo intervallo præduxit, quod castris & aquis intercedebat aduersus hostium traiectum. Pro castrorum fronte siluæ erant insidijs opportunæ. Proximè urbem colles leni fastigio assurgentes, quos equestribus custodijs interdiu occupatos, noctu insidiarum metu Nassauius deferere cogeatur. Hinc paruulorum equestrium præliorum occasio quotidie erat, cum manè pro tumultis per noctem ab hoste infessis, nostri ad eum submouendum dimicarent.

Grauiensis Præfetti inanis terror.

Stakenbrouckius vrbi Grauiensi præfectus, per noctem machinato aduenientis exercitus strepitu, quasi in castra irrupturus, bellicum canere iussit, postmodum à Nassauio in colloquio (cuius copiam Præfectus fieri impetrarat) interrogatus, ecquid somnum sibi militibusque tanto scilicet signorum strepi-

strepitu obturbasset? Respondit, se verò mirari amplius, ecquid ille eas vrbes armis repetitum venisset, quarum hereditatem iure fortè aliquando esset aditurus. Cui contrà Nassavius: eam se hereditatem (quòd caduca esset) in præsentia prætermittere, sed ambire suam Grauiæ præfecturam. Quo audito Præfectus, Adeam ergo asserendam, inquit, domum redeo. & cum dicto discessit, moxque ex vrbe iaculari in Nassauij castra cœpit, sicut ambitus pœnas exacturus.

Sub hæc, ab Henrico Bergio Gilsam redierat Aubermontius: cuius responso audito, mirari Spīnola, quā causâ Bergius tantas suo ipsius consilio (cuius se principem erat professus) difficultates obijceret. Sed quoniam tamen, quod fuerat ab eo de Rauesteynio propositum, metu euentus retractaret, cuperetque (si iuberetur) ad Grauiam proficisci, id faceret iussu suo, eoque celerrimè contenderet. His cum mandatis Franciscum Medinam, addito Aubermontio, ad Henricum Bergium denuò remittit. Intereà Gilsam ipse duodecim turribus humilioribus terræ aggestu substructis omni ex parte circumuenit, ne quā hostis in castra eruptionem improvisò facere posset.

Eā re animaduersā, Bredani, rati obsidendæ vrbis consilium à nobis depositum esse, supellectilem omnem, quam in vicina oppida obsidionis metu compulerant, belli iam securi, nauigijs referri mandabant, neque cibarijs in longius spatium prouidebant, sed existimantes se eā quoque annonā abundaturos quam in hiemem compararant, centum ipsos boues recens in vrbem importatos, nauesq; duas caseis onustas (cū emere recusassent) educi denuò permisere. Agrestes præterea omnes, eorumque vxores ac liberos, qui prius in vrbem confugerant, quosque vt mures roresque frumenti egredi iusserant, ad consulendum annonæ (si obsidio accidisset) iterum ex agris, quos nostri populabantur, refugos mœnibus accepere, non exiguo cibariorum damno, utpotè homines stomacho ventreque capace.

C 2

Illud

Acutum Comitis Nassauij responsum.

Spīnola Bergij occasione nem de Rauesteynio factam narrat.

Spīnola Gilsam castra XII. turribus seu redutis circumuenit.

Bredani decepti supellectilem expensam denuò referunt.

Bredani securi multos bello inviduos muros admittunt, magno annonæ damno.

Spinola castrametatio Maurisium ambiguum tenet.

Illud præterea eâ Spinolæ castrametatione effectum est, vt neque quid seriò moliremur, neq; quid fingeremus, Mauritius intelligere posset, Grauiamne scilicet, an Bredam, an simul utramque, an aliam urbem aliquam aggredi esset constitutum. eâque re ita varius agitabatur, vt (cùm neque præsidium vrbe alterâ ad alterius opem deducere auderet, neque ad vtrâque liberandam satis suppeteret copiarum) neutri tantisper providere posset. Tandem ex Hagensi suo viridario ad Henricum Fredericum Nassauium fratrem in castra ad Neomagum profectus, Bommeliâ tormenta multa magnosque belli apparatus inuehi, vicinosque Siluæducensibus locos muniri iussit. Quamuis autem multis belli administratio longius duci sine fructu videretur, illud tamen morâ ipsâ obtinebamus, vt hosti, cùm iam Autumnus præcipitaret, nihil idonei temporis superesset ad bellum aliâ in parte conflagrandum, nobis iam in quamcumque occasionem paratis.

Mauritius in castra ad fratrem tendit, Bommeliâq; munit.

Vrilitur ex obsidendi morâ.

Dux Boullionius Bredâ descendit, studio experundi belli Grauiam.

Henricus Bergius aliâ omnia, Grauiâ cognita, deprehendit, quam à ceteris dicitur.

Mandata Spinola, Bergio relata.

Eius apparatus famâ (quo Grauiam tentare velle videbamus) in vulgus elatâ, Dux Boullionius Gallus, qui quod Bredæ bellum expectauerat, ad Grauiam translatum esse credebat, eò fortunæ experiundæ profectus, reditu deinde (cùm Bredam obsidissimus) fertur fuisse interclusus. Henricus Bergius, Grauiæ situ naturaque cognitis, auditis etiam sententijs accolarum, contrâ omnia deprehendit, atq; quorum indicio fretus, Spinolam excitarat. Apertè videbat, vix trimestri spatio id bellum confici posse, intereaque ob altissimas quæ deiectæ circùm urbem erant valles (in quibus castra fuissent collocanda) hibernis aquis certò se submotum iri. Affirmabant agrestes, ceterique qui naturam loci norant, exeunte vere oppugnationem institui debuisse, vertereque æstate confici sperare potuisse. Exeunte Autumno loca omnia latè restagnare, fierique inaccessa. Commodùm aduenerant id temporis à Spinolâ missi Medina atque Auhermontius, qui mandata Comiti Bergio perferebant de Grauiâ,

Grauiâ, vti receperat, obsidendâ. Spinolam quidem miratum de Rauesteynij desperatâ victoriâ fuisse, quando tam certam eius obtinendæ spem fecisset. Si tamen id fieri non posset, iubere ad Grauiam quamprimùm aggredideretur. Comes Bergius iam lapsus quoque Grauiæ subigendæ spe, vtrumq; ad se missum admonet, de eâ obtinendâ se id temporis desperare. Geneppâ arce, si Spinola permitteret, breuî sperare se esse potiturum; quâ expugnatâ, Grauiam aliâs facile consequi possit. Illi attoniti, interrogare quid id demum rei sit? Intelligere se non posse, ecquî Grauiâ tantillo interuallo, quo neque præsidij, neque commeatus, neq; temporis conditio vlla iniquior interuenisset, tantò iam facta esset munitior, vt nullo modo capi eius ipsius sententiâ posset? Orare se, Spinolæ nomine, vt animos nō dmitteret, vniûsque vrbis victoriam speraret, qui tot simul aliarum expugnationem proposuisset. Multa ad hæc Comes respondere; hebdomadarum ferè trium iam tempus lapsum, quo res omnis initio expediri debuisset. Hostem interea Gallicis Anglicisque subsidij copias confirmasse ad Neomagum, neque procul abesse. Si Spinola ipse, exercitus sui parte submissâ, accedere propiùs vellet, periculum se facturum.

Hæc atque id genus plura, cùm satiùs ducerent qui missi fuerant, non nisi scriptis mandatis renūtiante, litteras ab eo ad Spinolam auferunt, quarum hæc summa erat: Satis patere, quâ fide studiòq; ad propositas abs se res fuisset aggressus, quando Mondelbergam arcem, Cliuos eiúsque arcem, & Geneppæ urbem eo solo consilio ad deditionem subegisset, absque quibus exercitum suum sustentare non valuisset. Eius quidem sententiæ auctorem se fuisse, sed obsequentiâ Spinolæ, quem diuersum agitari, atq; animi pendere de Bredâ obseruasset. Credidisse, quæ proposuisset, confici potuisse; sed falsum hominum duorum indicij, quibus plus nimio priùs tribuisset, quàm ipse explorasset. Consilium patrocini non egere; insolens non esse, pro visis audita, à speculato-

C 3

ribus



ribus narrari, ita maximos sæpè duces fuisse deceptos. Affirmare se denuò, eam obsidionem id temporis institui nullo modo posse, quòd improuisa multa iam contrà euentura deprehendisset; facturum tamen imperata, nullumque periculum recufaturum, modò mandatis scriptis Spinola iuberet, ijsque eum simul Regi purgaret, si (vti futurum ipse iam præsentiebat) res infelicitè euenisset.

Spinola consilium de Breda obsidione retinendam.

Henricus Bergius iubetur Geldriam promittere.

Spinola, his litteris acceptis, depositâ Grauiæ potiundæ spe, totus animo in dilatam Bredæ obsidionem insistens, Comite Nassauio & Marchione Beluederio, cum summissis copijs, reliquisque aliarum legionum aliquot, quarum ad Bredam partes erant, in castra reuocatis, Henricum Bergium à Geneppensis arcis oppugnatione abstinere, hostique vicino inuigilare, & propinquis Geldriæ oppidis prouidere, neque mouere se, nisi mouente hoste, mouentem iisdem vestigijs insequi iubet. Ab castris Franciscum Medinam ad Archiducem Isabellam legat, qui deposita nuper Bredensis obsidionis consilia ei denuò amplectenda proponat. Illa memor difficultatum, quæ maximæ tum fuerant aduersus obsidionem allatæ, animi pendens, rem longè arduissimam probat, siâ virtute felicitatèque Spinolæ ductoris sui.

Comes Ioannes Nassauius copias ad Bredam circumfessas reducit.

Bergius Spinolæ morem gerens, tantâ se cautelâ à propinquo hoste recepit, vt Mauritius nec maximo x x. millium exercitu exiguas eius quatuor millium peditum, & mille octingentorum equitum copias, collatis signis inuadere fuerit ausus. Comes Ioannes Nassauius, ne suum redeuntis agmen ab hostium circumuenientium copijs carpi aut lacerrari posset, triplici instructâ acie explicatum, quasi prælium initurus ducebat.

Quorundam in Spinolam oratione.

Iam mensis & suprâ dubitando dilatandoque effluxerat, tot frustra nuntijs inuicem missis. Multi Spinolæ laudibus publicè obtrectantes, aiebant, rem belli malè ab eo administratam esse: domi opus fuisse consulto, factò in castris. Nonnulli alteram Bergozomienfis receptus ignominiam cum rifi

risu inter pocula celebrabant; Mauritium scilicet ipsi super mensâ debellaturi. Alij Henrici Bergij fidem in suspiciōnem vocabant. Quidam denique in hiberna redeundum, opportunitatibus omnibus iam per moram corruptis, dictitabant. Spinola, cū ad eum diem neque vineasegisset, neque æneas machinas vrbi admouisset, neque præconis proclamatione legem vllam statiuorum castrorum publicasset (quorum vnicum saltem prius fieri oportuisset, quā posita fuisse obsidio, militari lege censi deberet) hucusque licere sibi dicere cum Cæsare Rubiconem transituro existimauit: Etiamnum regredi possumus, criminatorumque omnium dicta factis fortibus refutauit. Ne autem aut Henrici Bergij fides, aut fama sua laboraret, eius litteras publico de negotio scriptas, duobus scribundo adstantibus conceptas, Archiduci mittendas, earumque exemplum publicandum duxit; ratus nullo veriore atque ipsius Comitis Bergij testimonio, se illūque purgari posse.

Spinola Henrici Bergij fidem, vulgatis ipsius litteris, insinuat.

Militum ergo censu prius instituto, quā stipendia numerarentur (quod totā deinde obsidione perpetuum ferè tenuit) ne quæstui miles esset, falsusque numerus deferretur, misso ab castris ad Isabellam Comite Henynio Tribuno, copias nouas describi ad sex millia Vallonum quadringentos; arma commercari, reliquum belli apparatus comparari, veteranos præsidio deductos, substitutis tyronibus, in castra summitti procurat. Sublatā deinde omni domum reditionis spe, nullo nouo consilio habito definit, Bredam proficiscendum.

Census habitus, nouæ copias scriptæ.

Comes Henynius ad nouas copias obtinendas missus.

Quinto Kalend. Septemb. Franciscum Medinam cum cohortibus equitum x. peditibus ad millia i v. primâ noctis vigiliâ nouis castris locum antecapere præmittit; primâ Hispanis acie assignatâ. Ginekam designat proximum Bredæ pagum: quid, quōve pacto agi placeat, monet. Heydam (qui aduersus Ginecæ obiacet, vltra urbem pagus) Paulus Ballionius Italicæ legionis Tribunus eodem tempore occupat,

Gineka pagus à Franco Medinâ vocatus, Heyda pagus à Paulo Ballionio inscriptus.


cupat, instructus legionibus suâ & Scoticâ Comitum Argueil-
lij, manipulisque xlv. diuersarum legionum, & bonâ equi-
tum manu, paucisque tormentis: atque hoc Italis cornu at-
tributum.

Ita duo simul urbis latera, quæ ad obsidionem instituen-
dam maximè necessaria erant, nocte vnâ obtenta. Bredanis
*Bredanis in-
vpinantibus
obsidio in-
choata, susce-
pta, hinc in-
de relatio-
nes.* accolisque prius nostrorum aduentus visus, quàm famâ per-
latus. Quem ubi peracto sub lucem itinere cognouerunt,
Bredani septenis tormentis die toto iaculari, suburbanas do-
mos emissio milite tueri, agrestes diffugere, milites hinc inde
paruis præliis dimicare, damno vtriusque paruo; nisi riden-
dos sese Bredani iaculatores propinassent, qui tam certò tor-
mentorum suorum pilas contorquebant, vt occiso proximè
urbem molitore, equitum etiam suorum excubantium co-
hortem ex statione, ad urbem propius, periculi metu, coge-
rent redire.


Spinola, primâ luce, Gilsâ cum reliquo exercitu mouer,
*Spinola cum
exercitu pro-
ximâ Bredam
veniens, à
turre templi
Ginekenfis
castrametationem desi-
gnat, urbem
que cognoscit.* Ginekamque sub meridiem inuectus, consensâ primùm
templi turre, locū castris idoneum ex alto describit. Riuum
paruulum (quo corticum mola versabatur) Medina in sede-
rat. Hunc iacto primùm vallo, deinde munitione maiore,
*Ginekenfi
pago prima
munitiones
fieri coepit.* occupari mandat, turriculis ternis secundum viam & ca-
stello factis, iaculatoribusque, qui præsidio essent, post sepes
& virgulta occultatis. Pontem quoque, qui Merkæ haud
procul Ginekenfi templo incumbit, custodit. Ioannem
Medicæum Heydam circummittit ad idoneum castris lo-
*Qua Hey-
denfi pago
loca munita.* cum deligendum. Is ostia omnia, quibus campestris aquæ
aut retinentur, aut in Merkam elabuntur, maiorem item
collem, quem à Cuniculis appellant, occupanda ostendit.
*Ballionius
xlii. onera-
rii hostes eri-
git.* Primo hoc obsidionis die, Paulus Ballionius duodecim on-
erarias Bredam deuectas, multo commeatu supellectilisque
familiari onustas, lintribus deprehendit, deprehensasque ex-
cepit: augurio Victoriæ ferè certo, cum tot oneratarum
præda auspiciū faceret illius urbis recipiendæ, quæ olim
onera-



- | | |
|-------------------------------------|--------------------------------------|
| A. Turris alta 362. pedes. | M. Sepes spinta ad pedem marium. |
| B. Arx Nafsauorum. | N. Moles XIV. Reulins. |
| C. Hortus Arcis amansionus. | O. Lorica circū fossas. Condrefarpe. |
| D. Merka flumen. | P. Maiora opera cornuta V. |
| E. Aa fluvius | Q. Receptacula praefructa ope- |
| F. Cataractae fluminis Merka. | ribus cornutis. |
| G. Of Fia fluvij Aa. et mola | R. Brachium et lorica ante cornua. |
| aquaria. | S. Quatuor munitiones cornuta |
| H. Tres porte Vitis et una Arcis. | maiores. |
| I. Colles duo altiores in manibus. | T. Sules pennis praefixae. |
| K. Tria receptacula in fossis manū. | V. Insula suburbana. |
| L. Munimenta XV. Boluers. | X. Collis in quo Mola Caesaris. |



BREDA
NOVIS OPERIBVS
POST
SPINOLÆ ADVENTVM
MVNITA.



onerariæ dolo Regi fuerat per fraudem crepta. Vectores, excensu in aduersam ripam facto, prius diffugere, quàm capi à nostris possent. Præda militi nautisque cessit.

Et die Bredani suburbanas Ginekenfis vici domos, vi armisq; sustentarunt, sed noctu desertas spoliataq; ad x x x. incendere. Postridie Aertsenius Tribunus vrbanus, octonis ciuium cohortibus stipatus, siluam Mauritij, quæ mœnibus suberat (Belckrombosch vocant) excidit, ne nostri scilicet nemoris latebris tecti, propinquis arcibus munitiombus improuiso imminerent. Ea ligna in auctione venum iere.

Sequentibus diebus leues aliquot velitatiuncule, hinc inde erumpentibus Bredanis, susceptæ, oblatumq; ab ijs incendium horreis nonnullis villisq; suburbanis. Tum domus ciuium omnes auctoritate publicâ lustratæ; initusq; frumenti numerus, Mauritioq; ut sciret, indicatus. Molam deinde (quam Cæsaris appellabant) Hageni viâ frustatim destructam in urbem referri placuit; collemq; in quo mola steterat, muniri. Cornutas item munitiunculas quaternas fieri ad tutelam quatuor munimentorum, quæ mœnium muros sustentabant. Bredam tot simul operibus firmatam, placuit hac tabellâ spectandam exhibere.

Subinde Hagenfes domus multæ, excitato à Bredanis incendio, deflagrarunt. Interea pagis duobus, Ginekâ & Heydâ, obiter à nostro milite communitis, paucos post dies Teteringam & Hagam, aduersos inuicem pagos, ex altero utroque vrbis latere firmandos Spinola mandat. Teteringa Baroni Ballanconio legionis Burgundicę Tribuno: Haga Isenburgico Comiti Germanicæ legionis Chiliarchæ obuinit: suæ singulis legiones datæ cum cohortibus variarum nationum, iustoq; equitatu. Huius autem generis munitiones ferè institutæ sunt. Muro terreo fossaq; castra singula (præter Ginekenfiâ) circumcisa. Murus in altitudinem erat pedum octonum, crassus pedes x i. internè suppedaneo scamno pedum i i i. circumducto ad vsum iaculatorum: depressa

D

extror-

*Bredani se
tuentur et
atque incen-
dunt.*

*Silua Breda
proxima à
ciuibz exci-
sa.*

*Loca qua-
dam subur-
bana à Bre-
danis incen-
dis destruxit.*

*Frumenti
numerus
Breda militi.*

*Bredani mu-
nitionum
nomina exter-
ni operibus
adiungunt.*

*Domus sub-
urbana à
Bredanis
excisa.*

*Teteringa &
Haga pagi
aduersi à
Spinola occu-
pati.*

*Teteringa
Baron Bal-
lanconio,
Haga Comi-
ti Isenburgico
occupanda
tuerunt, da-
ta.*

*Quomodo
castra singu-
la circumci-
sa, & quanta
magnitudi-
nis muro.*

extrorsus fossa in pedes VII. latitudine pedum X. fundo contracto in pedes I V. Heydensis pagus, quòd longiùs pertineret, geminis castris sub vnus Ballionij imperio est diuisus.

*Pons Merka
fluvio instra-
tus ex ad-
verso collis
Cuniculorū.*

Collem à Cuniculis appellatum, ipse præsidio tenuit. Haud procul eo colle pontem Merkæ instrauit, scaphis subiectis, quæ tabulatum sustinerent. Scaphæ anchoris ex prorâ puppique vtrimque destinatæ sunt, ne æstu mouerentur. Loricæ cespites ad vtramque ripam ponti pro frontibus præstructæ.

*Sepi lignea
ponti præ-
fixa.*

Trabes pedales ad perpendicularum directæ, dimensæ ad altitudinem fluminis, fistucis in fundum adactæ infra supràque pontem. Vectoriæ nuper captæ supra pontem anchoris religatæ, ne quâ parte hostis per vim nauibus flumen transire conaretur. Extimam Heydensis pagi partem (vbi maiora aquæductuum ostia) Carolus Roma, Italicæ legionis pro Marchione Campolattario Tribuno legatus, munitionibus aliquot murisq; circumuenit.

*Heydensis
pagus bim
castra diui-
sus, extremis
Carolus Ro-
ma præposi-
tus.*

*Circumual-
lacio simul
vndequeque
instituta.*

Tum demum vrbs circumuallatio administrari quaternis simul partibus cœpit, murulo terreo ex pago in pagum, ex castello in castellum perducto, turribusque ac munitionibus alijs interiectis, interuallo subinde passuum quadringentorum aut sexcentorum, præter, propter, vt natura situs viarumque exigebat; quibus obstructis, eruptiones erant impediendæ. A suis singuli castris ad vicina castra procedebant.

*Quâ ratione
circumual-
lacio facta.*

Ab Ginekâ, Hagam versus, Marchio Campolattarius; Teringam versus, Ioannes Comes Nassauus, opera promouebant. Hic castra fuere Spinolæ, contenta vallo passuum septem millium, sed interrupto, quòd à tergo præcipua equitatus statio esset. In his proximi urbem cum Francisco Medinâ erant Hispani, castello, vallo fossisque tecti. Inde aliquantò remotius, castellum fossis ponteque mobili circumcisum subrexit tenuitque Ioannes Clarus Gufmannus Hispanicæ legionis Tribunus. Latus castrorum aduersus Chamensem planitiem, muniebant Ioannes Hinnus de Tabora Tribunus, mox Prorex Insularum fortunatarum, & Emanuel

*Quantum
singula
castra occu-
pauit.*

manuel Franco Protribunus Diegij Ludouici Oliuera. Ballionij castra spatium obtinebant passuum octies mille quingentorum. Ballanconij fuere cincta partem vallo passuum ter mille ducentorum, partem Nigro, quem vocant, aggere, longo passus bis mille quadringentos. Isenburgici claudebantur vallo perpetuo passuum nouem millium quingentorum. Sic vt primæ huius circumuallationis circulus exterior

Prima circumuallationis circulus exterior

continuerit passuum millia triginta sexcentos. Interior contra urbem ductus, externo distabat plerumque passibus ducentis : quod interuallum erat viarium à castris in castra,


Interuallum quod erat viarium à castris in castra

complectebaturque ambitu, spatium horarum ferè v. Habebat autem vterque in altitudinem pedes non ampliùs v. crassus infernè pedes v 11. inde à suppedaneo gradu fastigiatim collectus in crassitudinem pedum 111. vtrique exteriori præducta fossa alta pedes v 1. lata supernè pedes v 11. solo infernè patente pedibus 11. lateribus procliuè iacentibus, ne

Quæ prima circumuallationis opera

arenæ ab ripis directis facerent labem. Vtrique inædificatæ aut præstruætæ turre castellaque ad lxx. quibus miles turmatim castellatimque dispositus per obsidionem fuit. Atque ita protensis veluti brachijs, ex aduerso inuicem ciuitatem paulatim Spinola quaternis castris, coronâ duplici inclusis, complexus est: planè vt minora hæc castra maioribus inclusa, castellorum atque arcium locum obtinerent. Id quod eâ præcipuâ ratione instituit, vt & paucorum militum labore tantum opus perficeret, & magnis ex vrbe eruptionibus pares vbique custodiæ nostræ essent, quæ si multas simul in partes fuissent diuisæ, hostili haud dubiè iniuriæ periculòque expositæ, nihilo celerius opus absoluisissent. Quæ circumuallandi ratio etsi vicinis agrestibus tempus relinqueret frumenta pecoraque in urbem comportandi, quibus famem obsessi diutiùs postea tolerarent; nobis tamen ea necessariò, ob eas quas diximus causas, tenenda fuit vel tantillo incommodo accepto. Et sanè ad obsidionis huiusmodi administrationem, magno vsui Spinolæ fuit, nauitas peritiaque Marchionis

Quæ causa circumuallationis ad eum modum admodum demonstrata



chionis S. Angeli Ioannis Medicæi Ex-tribuni. Is namque non belli scientior quàm providentior hostilium machinationum, consilio iuxtà scientiaque plurimùm adiuuabat. Ille aditus exitusque omnes explorabat; ille loca hosti præci-
pienda nobis que occupanda indicabat; ille aggeribus erigen-
dis, fossis ducendis, munitionibus faciendis, modum celeritatemque diligentia singulari ac labore perpetuò adhibebat.

*Incendia à
Bredanis
oblata.*

Eo animaduerso, obfessi suburbana ædificia reliqua quaque
versus incendere, ne aut ad struendas insidias, nobis opportu-
na relinquærentur, aut sibi ad iaculandum essent impedi-
mento: ad quadringenta & quadraginta deflagrasse vniuer-
sim obseruatum. Tum nostros operi destinatos, Bredani,

*Eruptio Bre-
danorum.*

Hageni portâ eruptione factâ, mille circiter iaculatorum
agmine sunt adorti; cumque ternis continenter horis dimi-
cassent, in urbem à Comite Isenburgico repulsi sunt, vulne-
rato Mauritianæ cohortis Primipilo, qui triduo post vivere
desijt, desideratis præterea nonnullis, nemine ex nostris in-
terempto. Quas eruptiones si perpetuò diuersis è partibus
fecissent, nostris sanè initio, ob paucitatem laboris que mso-
lestiam fatigatis, grauissimum accidisset, eodem simul tem-
pore propugnare & munire. Verùm per eam quietem, quam
nobis relinquebant, vterque totius circumuallationis murus
paulatim est perfectus, ædificata in eo turres, substructa ca-
stella, quorum formam præcedenti paginâ exhibemus.

*Comitis Isen-
burgici resis-
titus viris.*

*Domo nostro
Bredani eru-
ptionibus
obstant.*

Turres terreæ lateribus in quadrum rectis, angulo nullo
eminente, interiùs patebant plerumque pedibus l. exteriùs
vnde quaque l. x x x. ceruis, loricâ, fossis (vallo etiam ligneo
pleræque) cinctæ. Castella ex herbido cespite, quaternis ex-
ternè angulis, crassis pedes x x v. Singulisque in vnum so-
lummodò latus reflexis, latera habebant longa pedibus c. in-
teriùs l. x x x. Par vtrisque hisce munitionibus externa alti-
tudo pedum x l i i. par crassitudo pedum x v. par vtrisque
præducta fossa, lateribus non directis, sed iacentibus in altitu-
dinem pedum v i i i. lata x l i. singulis externa substructio le-
ni

*Quatuor tur-
res.*

*Castella plo-
teas quatuor.*

ni fastigio procliuis, vallis supra medium intertextis, in quos se induerent, qui ascendere niterentur; introrsum muri recti altitudine pedum viii. supra quos ambulatio latitudine pedum v. loricâ in orbem præstructâ altâ pedes v. ad arcendas hostium pilas, iaculatoresque tuendos. Aditus omnium, tabulâ truncôve trans fossam strato, brachioque in cubitum curuato extrorsum præseptus; quibusdam seps lignea è sudibus circumducta. Hæc communis fuit plurimorum castellorum turriumque forma, quæ initio struebantur.

Præter hæc tot munimenta, ab Hagæ pago ad vsque eum pontem, quo Heydæ Haga iungebatur, agger iactus bis mille ^{Agger palu-} quingentos pedes longus, latus ab imo pedes xxv. supernè ^{stri loco ia-} pedes xx. altitudine pedum vi. Cuius humus initio mollior, quòd curruum equorumque gravitatem non sustineret, ^{ctus, quan-} tabulis deinde constrata, valuit ad ferenda quoque tormenta. Hunc architecti locorumque periti eo loci fieri debere dicebant, quòd humilior demissiùsque solum humentibus suapte naturâ agris, affluentibusque campestribus aquis, & ^{Quare hic} Merkæ redundantis æstu, hieme altè adèdè restagnaret, vt ^{agger eo loci} hac nauigari, com meatibusque in urbem lintribus inuchi, & castra vna alijs castris penitus discludi possent.

Dum verò hæc omnia administrantur, Spinola obire quotidie, Tribunos Centurionesque hortari, appellare Fabrum præfectos: atque vt animo cupienti nihil satis festinatur, iubere, vt defensis integri succederent, ne nocturno quidem tempore à labore intermisso. Quâ diligentia factum, vt ^{Celeritas in} valli duo tantæ amplitudinis, tot turres, tot castella, nec ^{faciendis} maiore quàm decem & septem dierum spatio, nec multo milite ^{operibus ad-} ferè perficerentur. Magno autem erant ad celeritatem incitamento, & ingentes Nobilitatis præcipuæ conuentus ad condiscendas belli artes vndequaquæ facti, & non paucorum Principum exemplum, qui inter gregarios, belli huius magnitudine excitati, stipendia faciebant, & glebas suis ipsi manibus circumcidebant, fascesque portabant. Altera præ-
terea

Operum faciendorum quasi militum subleuata inopia. terea longè maxima laboris huius utilitas ad militum inopiam leuandam præcipuè manauit, quâ vnâ ferè exercitus, ne diffunderet, conseruatus est. Nam cum rara stipendia, ea-

que non nisi dimidiata procederent, caritas autem magna esset annonæ; quotidie militibus, qui operam suam pretio locabant, pretium operæ, repræsentatione soluebatur. Atque vt noua deinde opera perpetuo obsidionis tempore facienda locata sunt, ita militi semper questui suus labor fuit. Nonnulli mendicato viuere, quàm eo laboris lucro inopiam adiuuare maluerunt: quod institutum multis vanitas, paucis sapientia visum est; pauperem incolumi dignitate mendicare & esurire malle, quàm honesto labore vitam sustentare. Sed neque defuère, qui munerum vacationem putarent fuisse honoratâ illâ cessatione vindicandam. Quamquam res duæ id temporis laborem inopiamque militum vehemen-

Melior possiorum atque Gilsensium castrorum conditio.

ter subleuabant: castrorum imprimis conditio melior, atque illa Gilsensis pagi; nam hîc flumen riuique ad potum, agri maturo, horrea demesso frumento plena: cæli deinde conspirantis perpetua temperies, quamdiu ferè miles lignis cædendis, virgultorum fascibus faciendis, sarmentis comportandis, cespitibus circumcidendis, vallo munitionibusque substruendis exercebatur. Quibus rebus factum, vt militis nostri valetudo morbis nullis tentaretur, cum è diuerso hostium multos grauis autumnæ pestilentia febresque affligerent. Sed id quoque eueniebat maximè, quod Spinola veteranum militem laboribus assuefactum, imbrium cælique contemptorem deduxisset; cum hostium copiarum fluxus tironum ferè corporibus magnam partem constarent.

Miles nostri sanus dum hostis morbis conficitur.

Hostes interea, prouidendo consulendoque, tueri se quoque conabantur. Ac duo quidem memoratu digna sub id tempus decreuère. Primum, vt Aertsenius Tribunus vrbani, quoties comitia bellica haberentur, dicendæ in concilio sententiæ, inter ceteros Tribunos ius haberet, quò firmiùs nempe militum ciuiumque vires inuicem necerentur: rati nempe,

Duo hostium inuenta ad tolerandam morbis obidionem. Aertsenius bellico concilio adlegitur.

nenſe, aduerſus conſentientes nihil ſatis validum fore; con-
trà, in diſſenſione nullam perſpici ſalutem. Alterum, vt ſin-
guli iuramento adaſti, quantum haberent pecuniæ, ad Sena-
tum deferrent, eamque Quæſtoribus, Ordinum fœderato-
rum auctoritate creatis, mutuam darent, ad operum ſumptus
militumque ſtipendia perſoluenda, quando ærario anguſtè
erat prouiſum. Ne quis falleret recuſaretque, præiuere iuſu-
randum vrbi Præfectus, Tribuni, Prætor, Senatores, Centu-
rioneſque militares atque vr bani. Tùm plebs auctoritate
viſta, haud grauâtè ſecura eſt. Collatum æris in publicum,
ad centum quinquaginta millia ſcutorum; quo pecuniæ ca-
pite, militi hebdomadatim ſua ſtipendia numerata, operum-
que expenſæ perſolutæ. Inſuper nummis quibuſdam exole-
tis publico ſigno prænotatis, pretium vetus arrogatum, non-
nullis etiam auctum, quò conflatum pecuniæ caput creſce-
ret æſtimatione. Simul poteſtas facta ex horreo publico ven-
dendi caſei atque aſelli ſiccati, butyro ſcilicet & carne iam
deficiente. Sed ciues, ne quid militi deſſet, emptione abſti-
nuere. Spinola intelligens, tot ſimul operibus tanto inter-
uallo circuituque perſiciendis ac tuendis, ſimul ſupportan-
do è longinquo commeatu, exiguas ſe copias habere, planè
vt vno tempore & materiari, & frumentari, & tantas muni-
tiones fieri ſeruarique neceſſe eſſet, præcipuè verò quòd cer-
tis rumoribus adferretur, Manſfeldicum nothum per confi-
nia denuò perrupturum, ad intermiſſa nuper latrocinia exer-
cenda, auocandumque ab obſidione exercitum Regis Hiſpa-
ni; manipulos xxv. Germanorum liberos, nullius legioni
accenſos, conſtantes ſingulos capitibus ccc. ſcribi curat.
Simul Godefridum Bergium Grimbergæ Baronem (dein-
de Comitem) ad Archiducem Iſabellam ab caſtris (in
quibus equeſtrem cohortem ducebat) dimiſit, vt inde ad
Excell^{mum} Comitem Ioannem Tillium, deinde ad Sereniſſ.
Bauariæ Ducem, pro legione vna eorum ſacramento abſolu-
ta, Hiſp. Regi auctoranda, proficiſceretur. Is autem non mi-
nore

*Bredani co-
guntur iura-
ti oper ſuas
proſpici.*

*Ab Optima-
tibus iuſu-
randum di-
ctum.*

*Quanta in
publicum
collata ſum-
ma.*

*E publico
horreo anno-
na vendita.*

*Spinola pro
obſidionis
magnitudi-
ne, audito
Manſfeldici
nothi aduen-
tu, noui co-
pias cogit.*

*Godefridus
Grimbergæ
Baro Legatus
ad Bauariæ
Ducem &
Comitem
Tillium mi-
ſiſſus.*

E nore

*Mauritius
recipienda
Mondelberg-
gâ, Genep-
pâ, Cluius dili-
gentius.*

*Henricus
Bergius
Mauritium
subsequatur.*

*Brionius
Gallus Breda
manere de-
creuit spe
sutura cum
Mauritio &
Spinolâ pu-
gna.*

*Præda ab-
acta & re-
cuperata.
Annona à
Seuenber-
gensibus po-
nitur.*

*Ne iniuria
Seuenber-
gensibus fa-
ret, una cum
militibus missus
rerum causa
salutem lu-
det.
Cum Ordi-
nes foederati
vetuissent
vestituram,
Spinola ye-
cum am à Se-
uenbergensibus
obtinere re-
pudiavit.*

nore successu quàm celeritate effecit, vt legiones duæ offer-
rentur. Simul peditum Centuriones x, in equestrem præfe-
cturam promotos, ad totidem cohortes equitum ære suo scri-
bendas armandasque, in prouincias, delectus causâ, cum con-
quisitoribus ablegat. Mauritius Genepam urbem iam vltro
à nostris, educto præsidio, desertam; Mondelbergam præter-
eà Cluiosque deditione recepit. Hoc ille negotio distentus,
demolendaque Cluiensium murorum parte, liberum nobis
muniendi perficiendique castra tempus reliquit. Huius de-
inde ad Bredam aduentu rumoribus perlato, nostri Heyden-
sis pagi campos, reclusis riuorum omnium ostijs, latè stagno
superfundunt, quâ parte introrpturus faciliùs credebatur.
Henricus Bergius (submisso à Spinolâ ad accelerandum Lof-
sano) Mauritium, vti iubebatur, breuissimis itineribus, etsi
minimis copijs, per infesta Campiniæ loca est subsecutus. Eâ
famâ arrectus Comes Brionius Gallus, qui Bredâ (vbi mili-
tabat) per nos in Galliam discedendi potestatem impetrarat,
spe nouâ vidēdæ Bredanæ pugnæ, Spinolæ beneficium com-
meandi remisit. Equestre præsidium sub id tempus Bergo-
zomio egressum, cum prædam aliquam, equosque, ac vectores
commeatui decerpisset, nostrorum immisâ maiore manu,
fugatum est, prædâque recuperata. Ab castris nostris Seuenber-
gam miles inuicem missus bono carrorum numero, ad ciba-
ria excipienda. Quod verò ea urbs libera ac neutrarum par-
tium esset, ne quid per militarem licentiam detrimenti ca-
peret, aut miles vllus incolæ iniuriam faceret, Spinola, alle-
gato Theodoro Schott, qui de castrensibus cōtrouerjs om-
nibus, priuatis publicisque, constituebat, aut si quod esset ad-
missum facinus, aut si de spolijs controuersia, idem summi
Iudicis auctoritate decernebat, Senatui iussit mercium om-
nium pretia æstimare, solutionem abs se præstitum iri polli-
citus: cum autem pro carrorum numero, annonæ copia lon-
gè superaret, eiusque vecturam vrbi Spinola imperasset, Or-
dines autem foederati abs Senatu metuente consulti, contrâ
vetuif-

vetuissent, ciues bonam æris summam emendo frumento obtulere; sed eam Spinola repudiavit, affirmans, frumento in castris apportato se egere, non alibi emendo, aut eorum ære.

Ad id oppidum, cum duo Sacerdotes Societatis IESU, ex ijs ^{Iniuria militares operâ Patrium Societatis. I. 8. v. propulsa à civibus Seuenberganis.} qui in castris operam militum salutis procurandæ nauabant, yna cum eo agmine ad temperandam calonum rapacitatem, propullandaque iniurias essent profecti, & magno Seuenberganis ciuibus vsui fuere, & irritatæ quorundam audaciæ

Verbi præconem cum vxore familiaque nequidquam pericula deprecantem eripuere. Quod admirari, qui de Sacerdotibus ijs asperiora semper crediderant, vulgauerantque; interrogabant, Ex quo tandem atrii illi, albi adeo effecti essent. ^{Minister Seuenbergensis cum familiâ ab iisdem Sacerdotibus assertus contra militum minas.}

Per eos dies Bruxellam venerat Vladislavus Sigismundus Magnus Moscuæ Dux, Poloniæ & Sueciæ Princeps, Isabella Archiducis visendæ causâ, à quâ Regio sumptu magnificentiaque fuerat acceptus. Is militiæ non minus amans, quàm peritus, multis etiam nobilissimis victorijs clarus, cum obsidionis lustrandæ cupiditate teneretur (obuiam sibi cum ingenti equitatu Antuerpiam missô Magistro Equitum Comite Salazario) in Bredana castra extremo Septembri perductus est. ^{Vladislavus Poloniæ Princeps Bruxellâ in castra Bredana venit.}

Spinola, præmissis equis aliquot ephippiatis, omni serè ^{Spinola Vladislavus Princeps obuiam.} Nobilitate stipatus, ad horas duas ab castris progressus, aduentantem multis gratulationibus, summaque voluntatis significatione accepit. Domi tabernaculum paratum erat, in ^{splendor quo in castris acceptus.} quo cum nihil ad splendorem Regiâque Maiestatem desideraretur, plus tamen erat apparatus militaris, quàm munitiæ cultusque vrbani. Huc cum Princeps sub noctem introduceretur, tormentis omnibus semel, iterum, tertium explosis, signisque canentibus, Lunam Solis aspectu disclusam, ^{Luna defecit.} lumen omne subito terræ interiectu laborantem destituit: portento (si liceat augurari) Principem illum armis exercitatissimum aliquando Ottomanicæ Lunæ fore domitorem. Breda antehac nullo fuerat tormento percussa, sed neque tor

*Prima no-
stra in urbe
iaculatio fe-
sta magis
quam in-
festa.*

*Polonia
Princeps obit
castra.*

*Galli Nobi-
les octo per-
fuga à no-
stris capti.*

*Gallus captos
Spinola com-
muniu habet.*

*Optio Gallis
data redeun-
di Bredam
aut in Gal-
liam.*

*Vladislaus
Polonia
Princeps
castris disce-
dens, sapien-
ter de obsi-
dionis euentu
auguratur.*

*Baro Beau-
uoixius
Mauritio
locum prae-
pare mitti-
tur.*

simul ictibus grauius est læsa, cum lætitiā, non stragem edere, iaculatoribus nostris esset imperatum, pilæque complures trans urbem innoxie adijcerentur. Quamquam plus lucri etiam quàm damni eā iaculatione obsessi fecēre, cum pendendis vectigalibus omnibus fuere post id temporis, de more, liberati. Altero die Princeps, præsidia pleraque à Spinolâ circumductus, obsessorum globis, qui densè, vbi confer- tam vidēre turbam, iaculabantur, salutatus est. Postridie ad reliqua castra perspicienda solus cum Spinolâ equitauit, reliquis remanere iussis, ut periculo cauēretur.

Eo ipso tempore Galli adolescentes octo, domi Nobiles, dum Bredâ per nos clām euadere ad Mauritij castra mol- iuntur, in paludibus fuere deprehensi, habiti nō hostium sed hospitum more liberaliter atque vrbane. Spinola illustrio- res eorum (in quibus Marchio Griniolius, Vicecomes Ser- rius vnâ cum fratre, & Baro Blinuillius, præclarâ indole iu- uenes) menſæ conuiuas adhibuit, ac deinde cum (quod ora- bant) negasset, suæ consuetudinis esse quemquam per castra sua ad hostilem exercitum dimittere, optionem ijs dedit aut in Galliam, aut Bredam vnde venerant, redeundi. Quod po- stremum cum elegissent, ne ad suscipiendos quàm ad tole- randos obsidionis labores, promptiores fuisse viderentur, rhedâ Spinolæ domum vecti, Bredam ducente buccinatore remissi sunt.

Vladislaus Poloniæ Princeps, operibus, quæ ad eum diem plenè perfecta non erant, perspectis, aleam iactam esse à duobus maximis belli Ducibus, Spinolâ atque Mauritio, dixisse fertur, actumque de alterutrius existimatione. Spinola redeuntem extra castra comitatus, salutationumque offi- cij perfunctus, Comiti Salazario ducendum Antuerpiam vsque commisit.

Pridie eius diei Baro Beauuoixius Burgundicæ legionis Tribunus cum peditibus M. c. equitibus D. præmissus locum faciundę munitioni propè Oosterhautum antecapere, quem magno

magno nostrorum incommodo hostis insidere potuisset. Ex eo loco postridie cum signa hostium canere audiuisset, ante-
 missis qui cognoscerent, Spinolam admonuit de aduentu.
 Perlatum fuerat indicio exploratorum, Mauritium Gertru-
 dibergæ cum exercitu exscendisse. De nouâ eius profectio-
 ne, aliquâmdiu nihil percunctationibus reperiri potuerat.
 Oudenboscam & Rosendaliâ multi cum occupaturum
 existimabant. Hi loca illa præripienda monebant, ne vllum
 post nos hostem haberemus, veriti alioqui vt cibaria nobis
 commodè supportari possent, liberaque pabulatione prohi-
 beremur, si ea prius hostis occupasset. Spinola nihil huic rei
 præuertendum duxit, satis gnarus, neque illis ea loca, ad insi-
 dias, admodum esse posse opportuna; neque commeatibus
 nostris adeò infesta, quando inde longioribus aliquantò iti-
 neribus, ad vitanda eorum castra, circumducerentur. Fore
 tum nempe receptum illis interuallo tanto periculosum,
 nobis vitabundis profectionem non intutam. Haud multò
 post intellectum, Medæ (qui pagus itinere horarum duarum
 à Bredâ abest) exercitum Mauritij consedisse. Nimirum id
 aduentui suo tempus captare visum est opportunè, quando
 omnis ferè noster eques, Poloniæ Principem comitatus,
 abesset: quò admirabilius multis visum, id temporis à Mau-
 ritio nihil in tam debiles copias nostras fuisse tentatum. Spi-
 nola, quod satis esse visum est militum, munitionibus præsi-
 dio circum urbem relicto, Franciscum Medinam, Legati lo-
 co restare iussum, Ginekenlibus castris præfecit. Ipse ante-
 missis metatoribus, qui locum nouis castris idoneum delige-
 rêt, stipatus peditum millibus vii. equitum cohortibus xxx:
 haud procul Oosterhauto, ter mille passuum spatio, contra
 hostem castra metatus est. Nimirum in vnâ occurrendi cele-
 ritate, huiusq; tam idonei loci præceptione, obsidionis vni-
 uersæ summa vertebatur. Nam profectò si aut Spinola vel
 diem vnum cunctando perdidisset, aut Mauritius festinando
 tantumdem præuertisset, tantilli temporis beneficio Breda

*Brannuicibus
Spinolam de
Mauritij ad-
uentu monet.*

*Ignota no-
bis, primum
Mauritij
consilium.*

*Sufficio quo-
rumdam de
Mauritij me-
litione.*

*Spinola solers
reflexum.*

*Mauritius
Medæ in pago
castrametatur.*

*Spinola
Mauritio ob-
uiam tendit.*

*Spinola ca-
stra sua ca-
stris Mauri-
tiani oppo-
nit.*

*Exemptus obsi-
dionis pendet
ab vna cele-
ritate & loci
præceptione.*

E 3

pote-

poterat conseruari. Quippe Teteringam inter & Heydam, amplissima terræ stagnique patebant spatia, quâ curribus ad vsq; stagnum; trans stagnum, lenunculis annonæ non multo negotio poterat in urbem importari, si ea loca à Mauritio fuissent prærepta. Poterat autem id fieri non difficulter, cum ad id tempus nihil admodum munitionum inter ipsius castra & urbem (præter turriculas quatuor Nigro aggeri impositas) interesset. Sed Spinola iam multo milite vias adiutusque omnes inter eum aggerem & Mauritiana castra obtinebat, Mauritiumque præuenerat, spe omni penetrandi sublata. Tantum in bellis valet celeritas Imperatorum. Nam quæ hîc alia res quàm celeritas victoriam dedit?

*Spinola
à Mauritio
aditum in-
tercludit.*

*Locus aptus
instruenda
aciæ à Spino-
la lectus.*


Hîc ingens myriceti planities, quâ aciem latè explicare posset, si pugna incidisset. Hanc equestribus custodijs, per tumulos diuersos distributis, obtineri fecit, equitatu reliquo pro fronte castrorum remotiùs disposito. A tergo vallus naturalis eminebat Bredam inter & myricetum. Huic imponit tormenta septem, peditatumq; post eum locat, virgultis pratorum riuorumque succisis, & fossis celeritatè maximâ completis. Ab dextero latere castellum maius, quod Baro Beauuoixius iam ferè perfecerat, Burgundionibus relinquit tuendum. Erat ei castello figura quadrata, angulis in latus vnum prouolantibus, eâ magnitudine, vt tormenta imponi possent; muris firmitas aduersus ictus machinarum. longitudo pedum cxx. crassitudo xxviii. altitudo xv. Sudes oblongæ vndeque eminebant, ad tardandum ascensum. Interiùs in ipso muro ambulatio erat & gradus vnus contra loricam, quæ alta pedes v. crassa x. fossa exteriùs circumducta, depressa in altitudinem pedum x. labris patentibus pedes xxi. solo imo pedes xii. sic vt à solo fossæ ad summum murum altitudo esset pedum xv.

*Quæ forma
castelli maio-
ris, quæ fir-
mitas.*


*Spinola
Mauritium
biduum expe-
ctare acie pa-
trata.*

Castris ita, vt dictum est, dispositis, acie per biduum instructâ, Spinola Mauritium expectauit, vt si vellet prælio discernere, potestas non deesset. Non nemo audiens forè agitari





- A. Breda.
 B. Castru Mauritiij in pago Medae.
 C. Castra noua Spinola.
 D. Niger agger.
 E. Noua Castella Spinola.
 F. Stagna ingentia arte facta.
 G. Statio Balionij et Caroli Romae.
 H. Statio Baronis Balanconij.



rari in colloquio Spinolæ, Reliquasne copias, desertis ad Bredam castris, in Mauritium ducere præstaret, nec ne; etsi sententiam non rogatus, censuit; Mauritium non modò non expectandum, sed castris etiam ab vrbe deductis, omnem in eum multitudinem conuertendam esse, coque omnibus copijs contendendum. Is consilij sui principem laudabat Parmensem Ducem, heroem tot victorijs clarum: qui olim cum Bredam frustrà tentaret, id se facturum fuisse (si hostis aduenisset) ab eo narrabatur esse professus. Spinola, de Parmensi Duce honorificè præfatus, hominem illum parum cauti consilij auctorem futurum fuisse ostendit. Haud longè eum videri ab Æsopi Apologo abiisse, pro certâ obsidione, incertam pugnæ aleam commendando. Id demum fore, canis instar, demisso bolo, eius umbram in flumine consecrari, & vtrumque amittere. Non ita se esse suas exercitusque fortunas in dubium deuocaturum: hostis esse, si luberet, inferre bellum; suum autem, oblatum defendere.

Cuiusdam consilium non probat.

Facit Spinola mali consilioris consilium refutat.

Haud multò post quidam Tormentario officio præfectus Spinolam interrogat, Quidni Mauritij castra, nullis admodum munitionibus firmata, tormentis sex septemve displosis, vtrò iret laceffitum? Cui Spinola respondit: Non pati suam dignitatem, vt leuius hosti insultaret, quàm honestius se reciperet: ostentatione non assueuisse, sed prudentiâ militari: Imperatoris esse non minùs consilio, quàm gladio viribusque dimicare.

Alterius sententia à Spinolâ reprobata.

Dignum Spinolâ responsum.

Mauritius, castris Medæ positis, ijs se continuit, neque sui vmquam potestatem fecit, neque suos longiùs ab castris ire permisit. Quo animaduerso, Spinola, eiusdem ferè magnitudinis castella v. eidem Baroni Beauuoixio, Ioanni Comiti Nassauio, Ottoni Henrico Comiti Fuggero, facienda mandat, ab latere sinistro, Heydam vsque; ad omnem Mauritio transitum auferendum. Quod spatium ingens planè ac magnum, perpetuis inter castella muris expletum, primæ illi subitariæ circumuallationi deinde fuit adiunctum. His autem

Mauritius Spinola calore præuentus consilio desistit.

Spinola castella v. facienda curat, ne quid Mauritius perueniret.

*Varia ca-
stello-
rum
forma, sed
æqualis om-
nibus firmi-
tas.*

*Mauritius
operas no-
stras nullis
eruptionibus
sauiat.*

*Gallica in-
uentus ad
pugnandum
ardor.*

*Joannis Nas-
sauj Comit-
is promptitudo
ad occurren-
dum.*

*Tres Nass-
auio in pugna
socij.*




*Briautaus
qui pugnam
poposcerat,
prodit.*

*Briautaus
provocat,
primisque
transiens ca-
det.*


autem castellis omnibus, figura, pro vario situ, fuit quoque diuersa, sed æqualis firmitas atque altitudo cum priore illo Beauuoxiano.

Mauritius nostros hisce operibus intentos, nullis vquam diurnis nocturnisve eruptionibus est adortus. Tyrones Anglos (quos subsidio aduocarat) multos per eos dies fugâ amisit. Buccinator quidam Gallus per occasionem rei perditæ in castra nostra ad Ioannem Comitem Nassauium missus, Gallicæ Nobilitatis nomine, propius eum Mauritij castris inuitauit, experiundæ cum ijs fortunæ causâ. Comes postridie ad certam horam adfuturum se tribus cum socijs promisit, gladio sclopisque duobus instructum, cetera incremem. Postridie, vti conuenerat, ad dictam horam vnâ cum Centurione Steenhufio, & Pro-præfectis duobus duorum equestrium Præfectorum, Grobbendonckij iunioris atque Botbergij, sub castris hostium constitit. Prodiere ex hostium castris equites quaterni, alijs eminus ad sexdecim subsecutis, trecentis hostium spectantibus è principijs castrorum, quos inter Princeps ipse Mauritius fuisse fertur. Erat inter quaternos adolescens Briautæus, illius filius, quem olim singulari certamine cæsum Grobbendonckij iunioris pater, amisso Lackerbetio Pro-præfecto suo, superarat. Is in paternæ necis vltionem educatus, misso nuper ad Spinolam tubicine, potestatem sibi fieri flagitarat, experiundæ pugnæ cum filio patrij, vt vocabat, percussoris; quasi serò alioqui periturus: quam cum ei Spinola recusasset (filio Baronis Grobbendonckij, ne euaderet, custodito) Briautæus occasionem vltro quærebat, iuuenis animo ferox. Comes Nassauius aduersarium quempiam in certamine nactus, cum plumbeam eius glandem anticâ ephippij parte excepisset, cervicem ei fistulæ flamma adussit. Briautæus manu voceque audax; Me, inquit, pete; quisquis es: en Briautæum: hic dies, hic dies, paternæ cædis culpam expiabit. Quæ cum dixisset, equo calcaribus incenso, Grobbendonckij iunioris Pro-præfectum





CASTELLORVM FIGVRÆ.



Dimensiones maiorum Castellorum.

ctum sclopo nequidquam laceffens, ipse eius glande traie-
ctus, ephippij capulo semimortuâ manu prehenso, mox ad
terrâ exanguis delabitur: ita duorum Grobbendonckio-
rum, patris & filij, laceffita virtus, Briautæos duos, patrem &
filium, superauit. Deinde Steenhufio Centurione, altero que
ex hostibus fauciato, accurrunt subsidio sexdecim à castris
hostilibus progressi. Nostri paulatim se recipientes, dum an-
gustiùs equitando inuicem premunt, eorum vnus Nassa <sup>Improuisum
Nassauo
periculum
equi benefi-
cio auctum.</sup>
uium præteruectus, habenas ei, capulo gladij sui implexas, è
manibus extorquet, & gladium ipse habenis retentum vagi-
na que eductum amittit. Ita duos scilicet insolens casus peri-
culo improviso obiecit. Sed Nassauij equus, ardens alioqui
atque inquietus, attoniti instar restitit, Domino que tempus
attollendi freni concessit. Alter, relicto gladio, discrimini se
subduxit. Cornicularius noster, qui spectatum venerat, <sup>Præco Briau-
tae adhuc
spirantem
erco dimit-
tit. Hoc ha-
bet.</sup>
Briautæum (hostis interuentu) spoliare prohibitus, spiran-
tis adhuc caput gladio fauciat, conscenso que equo reliquos
consecratur. Paucos post dies cum equestres custodiæ no-
stræ sub hostium castris in conspectu starent, Boutteuillius <sup>Boutteuillij
& Beauuoix
xy visitatio
pro custodijs.</sup>
Gallus præsidio equitum quinque, eas statione submotum
venit. Baro Beauuoixius comitum aliquot numero stipa-
tus, fortè ambulabundus, interuenit, custodij que sustentatis,
hostem retrò repulit in vicinum nemus. Hinc Boutteuillius
paulisper progressus, iactitans identidem nomen suum, no-
stros ad singulare certamen, fiduciâ vicini receptus, ferrei-
que thoracis quo sub penulâ tegebatur, inuitat. Acceptâ à
nostris conditione, rogatus ab nemore discedere longiùs,
cum loco non moueret, iaculatoris cuiusdam nostri pilâ sub <sup>Boutteuil-
lius fauciis
discedit.</sup>
renibus vulneratus, sclopum quem manu tenebat, dolore
vulneris dimittens, se recepit.

Interea dum otia in Mauritij castris agi videntur, neque <sup>Mauritius
lapis per-
rumpens
spe. Antuer-
piensem arcem
adoris clam
statuit.</sup>
ignem munitionibus nostris inferre, neque opera impedire,
neque eruptionibus laceffere eorum quicquam conatur, ipse,
consilij studio celatis, quòd dolus posceret interualla, nec tu-

F

tum,

tum, subitò res summas aggredi, Antuerpiensem arcem clàm noctu tentare instituit. Id quod ita administravit.

Arx id temporis paruo militie custodienda.

Cognouisse putatur paucos milites seruandæ arcis præsidio fuisse relictos, præter eos, qui ætatis aut morbi causâ, vacatione utebantur. Arx digna illi operæ huius pretio visâ, lucrùmque Bredano damno maius. Igitur Bergozomij & Rosendaliæ in castris suis diligentia tantâ suos omnes, appositis custodijs, intra muros continuit, vt nec indicio minimo, aut Antuerpiam, aut in castra nostra, molitio maxima fuerit perlata.

Brouchemio expeditionis summa.

Brouchemio Bergozomij Prætori, equestris turmæ præfecto, Medam ad se euocato, mandata expeditionis summa. Is pedites mille, equites ducentos (vt vulgatum) omnèque genus instrumenta curribus imposita, ijs quibus dictum est locis, deducit. Militi è castris & Rosendaliæ egredienti, Bergozomium, Bergozomio abeunti, in castra cundum esse persuadetur. Vbi longiùs aliquantò ab vrbe municipiòque ventum, puniceos cæruleosque baltheos (quibus Ordinum miles assuevit) omnes demi, rubrosque (quales Regionum sunt militum) indui iubet, ne Regias copias mentiti, pro hostibus, de balthei colore cogniti, agrestium delatione proderentur. Rogati ab obujs qui essent; respondere docentur, Antuerpiam commeatus causâ se proficisci; quò nostros nempe, id temporis, commeaturos, rumoribus fuerat iactatum.

Fraus historiâ digna.

Carrorum vela Burgundis crucibus (more nostro) signata, fraudem adiuuere. Ad arcem ipsam perueniunt nubilæ noctis tenebris tecti, colonis omnibus deceptis.

Hostium audacia & euentus.

Iam palos ternos quaternosve perfractâ sepe euulserant, pontem nonnulli inscenderant. Ventus in aduersam partem conuersus fragorem omnem, equorum hinnitum, curruumque strepitum, ex arce exaudiri prohibebat. Eò audaciùs illi scaphas in fossas dimittere, scalas muris admouere, forcipes, malleos, vectes, reliquumque instrumentum affabrè ad suffringendas claustrorum seras, portasque cardinibus extrudendas factum, expedire. Dum proximè muros hæc

Tempus hosti secunda.

agun-

aguntur, Andreas Cea veteranus, cui noctis illius vigiliæ ob-
 tigerant, attentius auscultare, deinde etiam exaudito strepi-
 tu, insidias suspicari, & signum dare fistulâ explosâ. Ioannes
 Brauius arcis Præfectus, ceterique vigillum, ex statione in mu-
 ros accurrere, & defensionem parare; hostes eiusdem venti
 maiore tempestate (quâ prius moderatâ tutius accefferant) *Tempestas
mutata hoste
turbat.*
 ita impediabantur, vt neque iam lintres firmare, neque scalas
 muro affigere, neque quidquam administrare possent. Reli-
 ctis igitur per metum instrumentis, scaphis, scalisque aliquor-
 (cùm se sentirent deprehenso) celeriter discessere, Numi-
 nis haud dubiè interuentu reiecti. Ita quæ rebus nostris gra-
 uissima sanè accidisset, facilem exitum machinatio inuenit.
 Andreas Cea pro arcis seruatiæ officio (liberalius quàm olim *Andreas
Cea ob archi-
excubis rite
obitu serua-
tione, premio
donatus,*
 Capitoli j custodes) ab Archiduce Isabellâ donatiuo x v. scu-
 torum in menses singulos; ab Antuerpiensi Senatu, insigni
 veste baltheoque ornatus est. Mauritius eâ spe falsus (quam
 certissimam animo conceperat) ingenti doloris vulnere *Mauritij
de aduerso
expeditionis
successu do-
lor.*
 ictus, castris aliquamdiu otiosus mœrensque; restitit, tugurio-
 rum suorum plurimis per illius venti tempestatem prostra-
 tis. Sed Frisiæ equitatus, eius quoque iussu accersitus, Ger-
 trudibergam appulsus, in discrimen venit. Nam eadem illâ
 tempestate & aggeres & pons (quo equitatus traijciendus
 erat) abrupti, omnibus eum sociorum auxilijs interclusit,
 planè vt à nobis conscindi faciliè delerique posse nuntiaretur.
 Cuius rei admonitus Spinola, cùm dubitasset, inuasurûsne
 maiore manu eos esset, nec ne; maluit in nocendo aliquid
 omittere, quàm cum aliquo suorum detrimento hosti noce-
 re. Nam minima commoda non minimo sectantes discrimi-
 mine, similes (cum Augusto) censebat piscantibus aureo ha-
 mo; cuius abrupti damnum nullâ capturâ pensari posset.
 Tandè Mauritius, re nullâ ad Bredam gestâ, post diem xxi.
 quàm Medæ confederat, vasis conclamatis, incensisque ca-
 stris, mœstus, numquamque rediturus, discessit. Fertur vix à
 suis deinde visus; adeò nullum doloris solatium admittebat. *Mauritius
incensis ca-
stris discedit.*

*Nostrorum
insequendo
hoste seruos.*

*Præda in ca-
stris desertis
relieta.*

*Prudentissi-
mè à Mauri-
tio receptus.*

*Opera ab
Mauritio ad
receptum
facta.*

*Receptus
quo ratione
tenuit.*

*Mauritius
Rosendaliam
exercitum
ducit.
Henricus
Nassavius
cum reliquo
exercitu
Sprangam
tenet.*

*Spinola ad
veterem sta-
tionem re-
vertit.*

Spinola visis perpetuis incendiolorum fumis, magnâ equitum manu ad hostium castra profectus, ea milite vacua deprehendit, extremo agmine iam se recipiente. Hîc, quolibet sese bonum strenuum quæ in ore Ducis probare cupiente, nonnulli hostem ad tutelam agminis restantem, statione submouerunt, dum plurimum coacti recursum, honestè sese recepere. Merces propolarum multum quæ familiæ castrensis instrumentum reperta, militibus prædæ cessere. Ceterum Receptus hic prudentissimè à Mauritio institutus, tantum ei honoris attulit, quantum addiderat doloris expeditio infelicitè adornata. Cum Antigono cedente dicere iure posset, non fugisse, sed retrò sitam vtilitatem fuisse se persecutum. Ita quippe discedens suæ suorum quæ salutis consuluerat, ut & Spinolæ impetum operibus factis retardaret, & sui insequendi præsentem adimeret facultatem. Ad extrema castra Svalüensis agger pertinebat, quæ Seuenbergam est iter: huic pro fronte munitionem receptaculi loco imposuerat. Lateri aggeris, fossam benè altam præduxerat, superstructâ in longum loricâ ad tuendos discedentes. Huc se illi tutò referebant; hinc si qua maior reliquos oppresserat nostrorum accurrentium vis, propugnabant; hinc ad repellendum procurrebant, vicinitate valli confisi: nam erat id opus firmum adèd atque altum, ut non nisi scalis à latere, à fronte angustissimo itinere oppugnari posset: à tergo altera munitio aggeri imposita loricam claudebat, quâ parte Heydensis pagi agger interscissus erat, ne hac nostri discedentium iter morarentur. Mauritius exercitum bipartitò deduxit. Ipse Rosendaliam cum Ernesto Casimiro Nassauio contendit, locum quæ vallo atque operibus firmavit. Henricus Fredericus Nassavius Sprangam cum reliquâ copiarum parte occupatum missus est; quem factis quoque operibus communiuit. Spinola diebus aliquot post Mauritij discessum consumptis, satis & ad laudem & ad vtilitatem profectum arbitratus, in pristina castra propiùs Bredam se recepit. Mauritius paucos dies

Rosen-

Rosendalia moratus, cum tentari eis valetudo cœpisset, ad exercitum non manere decreuit. Ernesto igitur Casimiro Nassauio eâ curâ pro se mandatâ, æger Hagam Comitum in Hollandiam refertur, tædio aduersarum rerum. Vbi cum omnia agitati, nihil processisse sibi cogitaret, nullumque exitum reperiret, paulatim contabuit, dolore in phthisim, ut fertur, conuerso. Quod vnum fortè euenire poterat, sperabat scilicet, si bellum in hiemem produceretur (ut parum iam supererat Autumnus) aut sæuitiâ temporis obsidionem nos esse deserturos, aut ob itinerum difficultates, vicinaque castra sua, comæatu nos interclusum iri. Ne tamen constantiâ felicitateque nostrâ falleretur, ad nouas copias conscribendas, Mansfeldicum nothum in Hollandiam accersit. Is Hagæ Batavorum cum eo collocutus, Rosendaliâ deinde ad Ernestum Casimirum Nassauium missus, postquam quæ ex usu erant pertractasset, in Galliam Angliamque profectus, auxilia accersitum iuit. Hanc nauigationem cum hiemi subiecisset, ac primò placidum soluenti esset mare, mox atro nubium globo effusus imber, simul varijs undique procellis incerti fluctus conspectum ademere. Omne dehinc cælum, & mare omne in turbines cessit, qui naues in saxa aut vada rapuere. Non adhærere anchoris, non exhaurire irrumpentes undas poterant; sarcinæ, arma præcipitantur, quò leuantur alui per latera natantes, superurgente fluctu. Tandem auctâ cæli marisque truculentiâ, naufragium fecit, submersis sociorum plurimis, ipse vix lintris paruuli beneficio seruatus, ut diu pro mortuo censeretur. Angliæ Rex peditum millia xiv. promissit. Scriptæ à Mansfeldico cohortes aliquot Leodiensi tractu, & alibi; supplementa præterea per Germaniâ collecta ad peditum millia 11. Ordines autem fœderati decreuere exercitum veterem augere ingentibus copiis, equitum peditumque, Angliâ, Galliâ, Germaniâ euocatis.

Mauritius Rosendalia ægrotare incipit.

Mauritius æger in Hollandiam redit.

Vana Mauritijs spes.

Mansfeldicus nothum ab Mauritio vocatus, in Angliam Galliamque missus auxiliorum causa.

Fæda maris tempestas Mansfeldicum vexat.

Mansfeldicus naufragium facit.

Angliæ Rex copias Mansfeldico promittit.

Ordines fœderati decreuere exercitum decernunt.

Spinola hisce hostium consiliis circumspæctis, Archidu-

*Spinola de
auxilijs
aduersus
Mansfeldi-
cum tempore
aduocandus
Isabellam
monet.*

*Stipendia
copijs nouis
soluendis
promissa.*

*Archidux
Isabella, bel-
li molem
vniuersam
studio ad-
ministrat.*

*Auctoritate
nominis apud
exteros, a-
more apud
suos Isabella
omnia obte-
net.*

** Comes Octa-
uius Sforza
ad Ducem
Bauaria
missus.
Cæsar &
Bauarus
auxilia pol-
licentur.*

*Duabus in
rebus Spino-
la cura, pro-
curatore
carrorum ad
vibendam
annonam;
prudentiâ
Ducis ad ex-
pediendos
ducentosq;
commenati.
Commenati-
bus ducentis
Comes Ber-
gicus præfec-
tur.*

cem Isabellam admonet, vt contra Mansfeldicum ab Cæsare quoque peditum equitumq; præsidia paria accersat; à Bauaro autem Duce, aduersus conatus Mansfeldianos, auxilia Principum Germaniæ foederatorum. Prouincijs insuper, ad tuendos fines, imperet peditum (quos Keurlingos seu Electitios vocant) millia xv. equitum (quos *Bandes d'Ordonnance* appellant) millia lll. quibus copijs partem Prouinciæ, partem Regis Prouinciale ærarium stipendia numerare possent; peditibus quidem huius solo belli tempore, equitibus perpetuò deinceps, vt eorum munus esset, quoties bellum aliquod incideret, statim in bello versari, illatumq; defendere, aut inferre. Archidux Isabella augustâ quadam prouidentia omnia circumspiciens, diurno nocturnoque consultandi scribendiq; labore, rerum summam velut è sublimi administrabat, regebatq; molem tantam. Duabus autem rebus efficiebat facillimè, quæ nemo alius consequi potuisset, auctoritate nominis, & gratiâ. Auctoritate apud exteros, gratiâ apud suos. Auxilia igitur quæ Spinola rogabat, litteris ab Cæsare impetrauit. Ad Bauariæ Ducem Comitem Octauium Sforzam misit. Promissa ab Cæsare peditum millia lll. equitum millia ll. & quingenti. A Bauaro equites m. peditum millia lll. reliquum equitatum peditatumq; Prouinciæ pro constituto numero, in tempore summisserunt. Tum Spinola (in quo obsidionis totius cardo vertebatur) vni huic rei præcipuè studere, vt tantis copijs, pro eâ quam præsentiebat belli diuturnitate, commeatus abundè tutoq; supportaretur. Atque hanc in rem, cum duabus rebus maximè opus esse intelligeret; in primis carrorum facultate, quibus annonam subueheret; deinde perpetuo aliquo Duce, qui commeatum difficilioribus temporibus itineribusq; administraret; Henricum Bergium ducendo commeatui præfecit, retento in castris Ochoâ Gomezio Commissario, vt vocant, generali: quo hucusque ad expediendos commeatus fuerat vsus, sed nunc maximè ad excursions circum

eircum Bredam, circumque castra, cum reliquo equitatu faciendas industriâ eius indigebat. Comitem Henynium per causam curandorum curruum, ad Brabantiae Ordines misit, ut ijs primùm persuasis, ceteræ quoque Prouinciæ exemplo adducerentur. Henynius, singulos quibus suffragij ius erat adortus, facile apud volentes obtinuit, ut vniuersi deinde in Comitij consentirent; cum æquè illi & præsentem necessitatem intelligerent, & publico consultum exoptarent. Brabantis igitur adductis, Flandri, Hannonij, Artelij, ceterique haud grauâtè consensere, ut curruum vecturæ scriberentur.

*Procurandis
curribus Ce-
met Heny-
ni ad Bra-
bantia Or-
dines misit-
ur.
Brabantia
exemplo.
Prouincia
cetera exci-
tata.*

*Prouincia
omnes com-
sentiant in
curruum
vecturas.*

Lyrae publicum annonæ horreum constitutum, & huc primùm comportari commeatus; inde in castra aduehi. Comiti Bergio equitatus pars maxima attributa, quæ commeatui præsidio esset; nam castra Bredana ferè poterant ipsâ iam munitione defendi. Huius ductoris nomen etsi hostibus metuendum esset, ipse tamen re maluit quàm famâ eos ab irrumpendo detertere. Quare hac ratione munus suum administrabat. Solemne illi erat, manè ante lucem, confusum impedimentorum agmen explicare, deinde præmissis equitum turmis aliquot emissarijs, proficisci. Tormenta primis vltimisque adiungere, ad significandum hostis aduentum, cuius indicium sonitu tanto longissimè perferretur, ut eo signo (quod conuenerat) miles scilicet colligeretur, eamque in partem accurreret, quæ laboraret. Vtrumque viæ latus contra Rosendaliam & Langhestratam (ubi hostilia castra) equitum alis diuisis tegere; equitatu præsidia leuis armaturæ interponere; reliquo equitatu denique agmen claudere; sic itineri simul & prælio incedere. Occurrere, quantum poterat ratione cauere, ut tutioribus itineribus ad fallendas insidias contenderetur; vijs ad faciliorem subuectionem instauratis. Si quod periculum nuntiaretur, ne alieno loco prælium committeret, dispicere; eamque ob rem, aut idoneo resistere, aut iniquo egredi, & caros pro vallo, si pugnandum foret,

*Lyra anno-
narium hor-
reum posu.*

*Comitis Ber-
gy cura deli-
gentiâ, in
commeatu
cautè duce-
do.*

*Ordo duce-
di commea-
tus.*

*Cautio Hen-
rici Bergij
aduersus
hostiles insi-
dias.*

*Præsentia
Ducis mili-
tari officij
admonet.*

*Artes im-
pediendi
hostiles do-
lus.*

*Speculato-
rum usus.*

*Comitis Ber-
gij vigilan-
tia nocturna.*

*Disciplina
vix à Comite
Bergio ser-
uata.*

*Pena in in-
cautos &
indiligentes.*

*Servata dis-
ciplina fru-
stus.*

foret, obijcere, iaculatoribus introrsum reductis. Quoties procedendum erat, statuiis ante omnes progredi, tum, donec vltimi ferè transijissent, ad spectandum accelerandumq; resistere; post omnes iter agere, & primis deinde inter procedendum præcurrere, post omnes deniud statuiis inuehi. Hospitia militi ante vesperam partiri; tum stativa, lucente adhuc die, circumuehi. Agrestes aduocare, de hoste, de itineribus cognoscere; custodias, vbi vsus erat, disponere, pontes occupare aut abrumpere, vt hosti viam auferret. Milites frenatis equis, in stationibus, si opus esset, expeditos collocare: alios in omnem partem dimittere ad excipiendos aliquos, ex quibus de hostium insidijs cognosceret. Certos præterea habere speculatores, qui consilia molitionesque omnes indicarent, in quos plurimum nummorum effundebat. Noctu aditus omnes excubitoribus tenere. Ne autem assiduitas consuetudine minueretur (quod diuturnitate accidere consuevit) ipse sæpius stationes improvisò obequitare, non tam diffidentia circitorum, quam vti militibus exæquatus cum ductore volentibus labor esset. Iam agrestium rebus non minus quam commeatui consulebat. Milites ipse, tamquam incendiorum præfectus, de igne (quem in horreis accenderant) extinguendo admonere. Indiligentiores, quorum incuria incendium malè obrutum surrexerat, domosq; corripuerat, sub dio deinceps excubare facere, ære diruere, sarcientiisque damni condemnare. Monere Aureliani more, de prædâ hostis, non de lacrymis Prouincialium viuerent. Agrestibus aduersus militarem licentiam iudices ferre, querimonias audire, compertos castigare. Quâ disciplinâ obtinuit, vt coloni (à quibus maxima per pagos erat solitudo) è templis turribusque, in quæ vxores, liberos, rem familiarem, frumenta deposuerant, ea venum darent, quæ metu clausa compressaque tenebant, & agri cultoribus inanes sine maleficio exercerentur. Tantâ cum quiete exercitum per Brabantia pagos, cum singulari curâ frugum, agrorum, domorum,

rum, hominum ducebat. Hostes verò tam accuratæ disciplinæ opinione, ne ad carpendum quidem agmen se vspiam ostentarunt, planè vt quo honore Alexandrum Seuerum, ob modestiam, dum in Parthos duceret, habuère Prouinciales, eo nomine Bergium Croatij appellarint Agrestium deum.

*Bergius à
Croatia
vocat. A-
grestium
deus.*

Hoc tanto Comitibus Bergij studio etsi feliciter quidem res omnis frumentaria expediretur, quoniam tamen ob equorum numerum in castris pabuli copia paulatim minuebatur, equique ipsi ob laboris diuturnitatem macie corrumpebantur, cum plerique conciso stramine paleaque vescerentur (quibus pabulum adaugere inopia subigebat) Spinola ad hunc modum vtrique incommodo prouidit. Ne reliquum pabuli equos in castris deficeret, equitatum qui commean-tes stipabat, in hiberna ad viciniore vrbes municipiaque dimisit; vbi se per interualla reficeret, dum annonæ carrique Lyræ apparerentur. Atque vt ne eo quidem tempore, quo commeatum ad castra equi supportassent, castrense pabulum exauriretur, castrorum illis ingressu interdixit, carris etiam iumentisque; farcinarijs (quàm statim exinanita erant) ab castris dimissis. Hinc equi, cum alibi copiosiore pabulatione vterentur, per tantillum quietis à macie defatigationeque recreabantur. Id vti tutius Spinola efficeret, muniti-
*Pabulo ca-
strensi con-
sulti Spinola,
interdicendo
equis omni-
bus castra-
rum ingressu.*

*Equi com-
meantes per
interualla in
statina missi.*

*Itinera com-
meatus da-
cendo Spinola
munis.*

In omnem præterea casum quò tutiora itinera essent, Leurenfi in pago contra Rosendaliam, munitio ab Isenburgico Comite facta, eo ferè loco, quo flumen interlabens transiri pontibus aut vado posset. Aliæ insuper tres ab Henrico Bergio Lyræ inter, Herentaliam & Turnhoutum, qua-

*Opera &
munitiones
ad tuendos
commearum
varij loci
facta.*

G

tuor

*Longius at
certius iter
institutum
ad commean-
dum.*

tuor item Outturnhouti, intra quas qui commeabat miles, quietem noctu capiebat. Quod iter etsi longius multò esset altero quo per Hooghstratam directò itur, tamen quia ab hostium castris, maioribus aberat spatijs, tutius certiusque iudicatum fuit, maximè cum arcibus hisce duabus Hooghstratanæ & Turnhoutanæ præsidia quoque mediocria essent relicta. Erant hac cautelâ ita tutæ viæ, ut agrestes, Turnhouto præcipuè, nullo ferè præsidio comitati, in castra securi annonam carris supportarent; quam commeandi licentiam cum hostes cognouissent, eos semel latrocinio adorti, carros aliquot, abactis equis vectoribusque, haud procul Barlensi pago spoliarunt.

*Agrestes ni-
miâ fiducia
vsi, ab hoste
spoliantur.*

*Altera Mau-
ritij molitio
in arch Anti-
uerpiensem.*

Mauritius res novas in morbo meditatus, nondum depositâ intercipiendæ Antuerpiensis arcis spe, nocturnâ denuò expeditione susceptâ, ad eam aggredi iterum designauit. Stakenbrouckio Grauiæ Præfecto gerendam rem permittere placuit, sed nihilo felicius priore consilio conatus successit. Nam tantus perpetuò cecidit imber, ut & fistularum omnis interierit usus, ob pulueris nitrei madorem: & cum nocturnos ignes in urbis mœnibus eminens hostis aspexisset, ratus se proditum, tantâ subito perturbatione retrocessit, ut relictis per auiâ impedimentis, fugæ similem fecerit protectionem.

*Suspicio pro-
ditionis in
Antuerpiensi
urbe.
Pana in su-
spectos prodi-
tiones, & va-
rida.*

*Mauritij no-
uum consi-
lium ut pro-
hibendam
castris nostris
annonam.*

Credita intra muros fuisse coniuratio ciuium aliquot perditorum, qui nouarum rerum studio hostem inuitassent. Triginta, quos loquendi petulantia suspectos fecerat, solum vertere iussit; sed mox veniâ donati, nonnulli manere permixti.

*Mola, pistri-
na, lebetes
ceruisiary,
corruia ab
hoste ad in-
commodan-
dum Spinola
castru.*

Mauritius quoque cum nihilo amplius se posse in commeatus nostros videret, castris licet bipartitò ad insidias diuisis; ad vexandos eos, qui commeatus adiuisse ferebantur, omnis eius cura conuersa est. Capti qui eius rei fuerant comperti, magnoque ære multati; neque ijs parcitum, qui Ordinibus foederatis erant vectigales, ceteris grauitate poenæ percussis. Insuper molæ frumentariæ omnes, quoquo versus, sublati subscudibus ferreis mutilatæ. Officinæ ceruisiariæ pana-

panariæque, pertusis lebetibus ac furnis, corruptæ. Agitatum quoque inter eos accepimus, esset ne ex vsu, Campiniæ loca paruis aut nullis præsidij custodita, (quæ commeatus nostros adhuc sustinebant) populari vastaque fieri. Quidam De Campiniæ incendia duxitatem. incendi oportuisse hoc spatio quaqua versus censebant, quâ nostri adire posse commeatus causâ videbantur, ne proposita nobis essent ad copiam cibarium. Alij veriti ne vicissim Incrediorum molitio metu talium repressa. incustoditis eorum municipijs pagisque ignem passim inferremus, eam sententiam improbarunt.

Diuerſa igitur (vt solet rebus perditis) capeſſunt, Turnhout, Hooghſtratâ, vicinisque pagis, quosdam qui castra nostra annonâ pabulove adiuuerant, captos abduxere. Spinola talione vsus, quoscumque intellexit hosti pabulum cibarivæ subuexisse, inuicem capi, multarique passim iussit. Capri qui annonam Spinola iurant. Horum multi conquestum cum eo per Legatos miserunt, quasi innocentiam suam probaturi. Ipse eis respondit: Iam sic præſentis belli rationem diuisam esse, vt cum hostes quocumque modo annonæ subuectionem impedirent, ipse eam vicissim prohibere niteretur: & si hoc sibi remitti vellent, remitterent ipsi de nostris interciendis; sin id tenerent, se quoque illud retenturum. Talione in hostem à Spinola actum.

His exemplis poenisque deterriti agrestes ac mercatores, Mercium caritas ex panis terror. cum nihil ferere nisi clanculum apportare in castra nostra auderent, magna per dies aliquot exstitit panis, vini, ceruissæ, aliarumque mercium caritas, quam Spinola statuendis minoribus mercium pretijs subleuare vercbatur, metuens, Remedij difficultas ob metum maioris mali. quantum eâ re militi commodasset, amplius etiam infruentiâ propolâsum frumentariumque (qui compendio & pretiorum magnitudine alliciuntur) nociturum fuisse. Has ob res per eos dies, militum nonnulli (qui decorum post famem ducebant) cadauerum equinorum frustra (miserandum alimentum) in cibos partiebantur. Atque hac nostrorum inediâ, & obſessorum mitior fames, & maior Mauritiani exercitus luxuria (quæ fluminum vrbiumque vicinitate

Senatus Bredani prudentia in preiigi mercium aestimanda.

te sustentabatur) expugnanda nobis fuit. Vrbi quippe id temporis suppetebat annonæ abundè, pretio non magno; quod certum iustumque mercibus singulis Senatus decreuerat, neque maius eo quo fuerant ante obsidionem aestimata, ne obseffos se ciues militesque sentirent. Tritici mensura vendita florenis octo, siliginis quinque, panici quatuor, hordei tribus & dimidio, auenæ totidem. Saccus salis æstimatus florenis quatuor: aselli siccati & casei libra, tresse; casei viridis pondo, besse; olei cantharus, floreno & besse; olei è raporum feminibus pressi cantharus, assibus octo; bubulæ libra, tresse. Atque hac cibariorum vilitate mirum quantum obsefforum patientia fuerit sustentata. In castra verò hostium, frumentum, vinum, pabulum ex omnibus portubus minimo comportabatur, quò adire nostris omnino non licebat. Spinola vt suorum egestati remedium adferret, præter consuetam Regij panis largitionem, ceruissiam etiam ex publico dimensam, militibus viritim quotidie distribuere instituit: quæ res vehementer eorum animos deuinxit, salutique profuit.

Lexia mercium pretia in castris hostibus ob vicino portus.

Spinola in militem noua largitio.

Isabella Archiducis liberalitas in milites bello rotundo per hiemem utilis.

Vana Bredanorum credulitas.

Archidux Isabella aduersus hiemis pluuias ventosque, vigilibus (quibus sub dio excubandum erat) togas villosas sexcentas, reliquis caligas, calceosque ad milia ferè octona erogari fecit. Bredani, qui volentia de rebus nostris lubenter accipiebant (cùm inflatiùs scilicet ad eos damna nostra subinde nuntijs perferrentur) credebant, nihil annonæ quadraginta dierum spatio in castra nostra peruenisse: exercitus parte maximâ dilapsâ, multò minorem partem superesse, neciam vires sufficere cuiusquam, neque ferre operum laborem posse: reliquos aut per inopiam, aut morbos, obsidionem deserturos. Pleniora hæc atque vberiora Hollandi scribebant. Nonnemo latiùs etiam atque inflatiùs, vulgato Mercurio, publicauit. Obseffi igitur inopiam nobis exprobrantes, bubus subinde in suburbana prata eductis, annonæ facultates scilicet foris ostentabant; domi tamen, cùm frumentum, ratione initâ, medio-

Falsi sparsum rumores.

Obsefforum ostentatio.

criter

critur haberent, Senatus (ne celerius consumerent quo diutius sibi viuendum sciebant) decreuit, ne quisquam cer-
 uissam coqueret, quæ supra scuti pretium in vasa singula ve-
 niret. Ablatæ quoque clibanorum omnium vitreæ plum-
 bæque galeæ, vini adusti factoribus, ne frumentum causti-
 cis officinis in vinum verteretur, atque ita paulò etiam lon-
 giùs tolerauère parcendo. Sed ostentatio digna castigatione
 visa est. Spinola cùm videret, eos laxiùs (vbi quædam ma-
 nu fata erant) circum muros vagari, ad legendum si quid
 herbarum radicùmve reperissent, ne inultis ager carperetur,
 aut tabellionibus vallus pateret, quâ parte (ob circuitus ma-
 gnitudinem) custodiæ incautiùs dispositæ cernebantur, tur-
 res minores aliquot, maioresque munitiones, & aggerester-
 nos ad imponenda tormenta, tribus simul partibus proximè
 urbem iaci fecit. Earum turrium munitionumque latera,
 quâ urbem respiciebant, ad resistendum pilis tormentorum,
 crassum murum habebant pedes xxv. Aggeribus hæc for-
 ma erat. Maior in pago Ginekenfi, quem Marchio Cam-
 polattarius tuebatur, longus pedes clx. latus cx xv. muris
 cinctus à tergo & lateribus crassitudine pedum xv. sed latus
 vnum densius, ambulatione & loricâ supernè erat instru-
 ctum. Anguli punctim extantes frontem vtrimque finie-
 bant. Fenestræ in struendo relictæ ix. versus urbem, ad mit-
 tenda totidem tormenta, amplitudine singulæ pedum ii. &
 medij, non directæ ex, sed extrorsum labris latè hiantibus di-
 ductæ. Internè substructio erat thori instar, è cespite sar-
 mentisquæ aggesta in pedes viii. lata xxxv. tabulis constra-
 ta ad expediendum mouendumque celeriter tormenta. Post
 eam substructionem planities longa pedes cxxx. latitudine
 pedum l. Externè sub fenestris valli acuti eminebant: pro
 fronte receptaculum iaculatorum loricâ & sepe cinctum, ad
 aggeris tutelam. Inde fossa latitudine pedum xlviii. de-
 pressa in altitudinem pedum vii. labris à summo decliui-
 bus ad imum vsque solum, quod patebat pedes xxxviii.


*Senatus Bre-
danus parci-
monia.*

*Spinola ob-
sessorum
ostentatio-
nem arctiore
circumvallæ.
tione repre-
mit.*


*Qualia ope-
ra proximè
urbem à Spi-
nola faciæ.*

*Aggerum
forma.*


Agger Tribuni Wywardij.



Agger Baronis Balancomj.



Agger Comit'is Isenburgici.



Exteriori ripę in longum præfixa seps sudium dolabratarum, ad tardandas irruptiones. Alij aggeres duo Teteringę & Hagę, hic mediocris, ille trium minimus, sed castelli adiunctione maximus, ad eundem ferè modum substructi, solà longitudine latitudineque atque angulis diuersi, à Barone Balanconio & Isenbörgico Comite seruabantur. Dum hæc administrantur, obsessi subinde eruptiones diuersis portis facere, & tormentorum globos in operas præsidariosque densè permittere, sed exiguo operę fructu. Operibus perfectis, cum rem in angusto fore viderent, nonnulli se militum, opificum rusticanorumque, famis metu, dedere cœperunt: quippe præsentibus incommodis defessi, graui pestilentia, & diutinâ conclusionē, & mutatione victus afflictati, & refrumentaria angustè utebantur, & iam carnis, piscis, casei exiguum superesse intelligebant. Oleum seminibus raporum expressum pani illitum, in obsonium vulgò adhibebatur. Lautissimę militibus apud carnificem epulę præbebantur, parabili pretio; beßis scilicet cum semisse. Is namque decreto stipendio florenorum x. in menses singulos, canes omnes vitandę pesti necare iussus, his ferculis mensam instruebat, nec paucos quotidie milites habebat conuiuas, qui tantillâ symbolâ tam splendide prandere vellent. Sed hæc vita cum plerisque per se grauis duraque videretur, tum longè molestissima diuturnitatis metu reddebatur; quare fugâ conditionem mutare nitebantur. At Spinola buccinatore ad vrbs Præfectum cum mandatis misso, monuit; ne quis post id temporis aut per causam deditiois, aut fugę, abs se veniam speraret; agendos in vrbeim, aut furcam, quotquot deinceps ab vrbe venissent. Simul loca omnia, quibus transiri clâm poterat, custodijs iussit obseruari, proposito xxv. Philippeorum præmio, qui mœnibus egressos excepissent. Omnes in præfens perterriti, sed tempore, vt solet, pauci fidentiores effecti, clementiæ se Spinolę commisere, qui flentes omnibus precibus extra munimenta orabant, vt se receptos nostri cibo

Aggeres aliqui duo.

Nonnulli obsessorum sese dedunt.

Epula Bredanorum apud carnificem præbita.

Plurimum obsessorum ex vrbe fuga.

Prohibitio Spinolæ.

Vigiles transitus interceptos appositi.

Deditio-rum preces ne in vrbeim relegantur.

iuua-

iuuarent, aut prius interficerent, quàm in urbem relegarent: Spinola vxorem Antuerpiensis cuiusdam opificis, suâ nuper potestate ex vrbe egressi, cum infantulo recepit; ceteris redire iussis. Sed postea liberalius suâ legi indulsit, nullo perfugatum in oppidum repulso, cum rarò satis paucique elaborarentur. In agrestes duos, qui noctis silentio annonam perferre conabantur, furcæ supplicio animaduertit, sub vrbis ipsius aspectum. Id vñ salubre, & misericordiâ melius apparuit, ceteris in posterum perterrefactis. Mauritius maiore numero cibaria obsessis supportare meditatus, cum frumenti reliquæque annonæ vim magnam appulisset ad vicinarum vrbium portus, apparat onerarias octodecim omnino magnas, carinis planis, quibus decessum æstus excipere possent; quæ ab æstu derelictæ, nihil arenas timent, tutæque vadis ipsis insidunt. His latera & proras vtrimque erecta atque edita facit ex denso robore, ad vim omnem atq; contumeliam perferendam. Singulas ad hunc modum fabricatas armat balistis æneis ferreisque quaternis aut senis; instruit pilis incendiarijs multis; onerat deinde frumento vasis incluso, ingenti vi casei, laridi, ac porcinae. Ad hæc, omnes lectissimis iaculatoribus completæ. Bredanos eodem tempore monet, vt actuariis aliquot in eam rem armatis, ex oppido ad certum diem erumpant, easque concitent in pontem nostrum. Bredani dicto audientes, adornant pontones xlv. quorum sex, tormentis totidem armant, instruunt pilis ad incendia præparatis; designant imponendos nauigijs milites ccc. apparant sexcentos qui terrâ propter flumē erumpant. Eo cognito, Spinola, Heydensi vico præsidij maioribus firmato, aggerem abs se iactum (quâ transeundum hosti fuisset) præfixâ ex arboribus sepe ingenti, communit. Alterum præterea sudetum sudibus maioribus inter se vinctis ducere instituit, longitudine passuum bis mille quadringentorum, inter quaternas munitiunculas, quas Nigro (vt vocant) aggeri superstruxerat; ne eo stagno, quod ad urbem hieme totâ pertinebat,

*Marchienis
Spinola in
editis ele-
mentis.*

*Penna in eo
qui vrbe an-
nonam infe-
rebat.*

*Mauritij mo-
lito ad an-
nonam sup-
portandam.*

*Nouum ene-
rariarum
genus.*

*Arma &
annonæ ene-
rarijs imposi-
ta.*

*Bredani
Mauritium
innare sin-
dunt.*

*Spinola pro-
videt ne an-
nona obsessis
supportetur.
Aggeres duos
spibus mu-
nit.*

bat,annonam hostes trajicere possent. Ea enim pratorum illorum natura erat, vt quoties se vis maris æstu concitauisset (quod bis semper accidit xlii. horarum spatio) stagnantibus simul campestribus aquis, aditum in urbem lintribus planis facile præberent, pedibus etiam, vado, post decessum æstus, facto. Sed ecce venti, qui primùm Mauritio secundi erant, ^{Namen Mauritiani conatibus aduersum.} incredibili felicitate nostrâ, in contrarium versi. Æstus quoque præter morem vix aquas concitauit. Ita hostile consilium, Spinolæ diligentia, vis iterùm diuina diremit. Eo temporis intervallo, quo naues annonâ militæque onustæ tempestatem operiebantur, cascorum, suillæque carnis numerus ^{Annona hostilis aut di-recta aut corrupta.} adedò militum direptione fuit deminutus, vt exiguum eius annonæ fuerit ad obfessos peruenturum, etsi fortunâ naues penetrasent. Paucis verò post diebus frumentum, quod in vasa compactum fuerat, pluuiâ nauticoque humore madidum, per ipsas vasorum rimas effrondescere cœpit postquam è nauibus expositum fuit. Ita damnis adiecta damna hostes perpetuò fecêre.

Subinde, cùm nostri è castris longiùs lignatum pabulumque mitterentur (viciniore pabulo lignoque consumptis) credebant hostes, militem nostrum in pabulando & lignando dispersum, equitatu suo facilè deleri posse. Obseruare ergo diligentius pabulationes lignationesque. Omnibus modis studere huic rei, vt utroque nostri prohiberentur: ^{Pabulatio lignatorum, ab hoste impediti capta.} facile id videri, quòd maiore equitatu valerent ipsi; quando eques noster partem tuendis castris, partem ducendo com-
meatu, totus ferè distineretur. Neque interesse, an interficerent, an impedimentis exuerent; quibus amissis obsidio sustentari non posset. Hinc accidebat quotidianis pabulationibus (id quod erat necesse) cùm raris disiectisque ex ædificijs pabulum conquireretur, vt impeditis locis dispersos pabulatores subinde pauci circumuenirent: quæ res etsi non magnum, aliquod tamen calonium, iumentorum, vectorumque detrimentum nobis adferebat. Spinola, ne tantillæ glo- ^{Spinola cauet ad cuiusdam pabulatores.}

H

riolæ

riolæ latationem diu hosti relinqueret, deinceps quoties pabulandum erat, earum copiarum redditum operiebatur, quas commeatus causâ Comes Bergius ad tertium à castris lapidem reducebat; quarum præsidio tutos pabulatores ab castris in vicina rura quaquaversum dimittebat. Ita præterea commeatus suos instituebat, vt quo tempore currus Lyre frumento onerabantur, partito equitum peditumque numero, carri auenâ onusti, pabulum celeriter in castra supporterent; quibus deinde exinanitis, ad reliquum commeatum stipandum primo quoque tempore milites Lyram reuertebantur. Interea equi alij, qui labore macieque propè inutiles ad gerendam rem erant effecti, in locupletiores ad pabulandum locos in hiberna mittebantur, dum alij redirent, quibus sua tum quoque statiuâ ad quietem designabantur. Ita duplicatis itineribus, equis recentibus beneque pastis, pabulum frumentumque breuissimo tempore expediebat; cui officio præpositus fuit Alexander Hefius, tormentariæ rei Pro-præfectus, qui celeritatem in onerandis transportandisque curribus labore perpetuo adhibebat.

*Equi à macie
per quietem
reuerati.*

*Alexander
Hefius comme-
atui accen-
terando præ-
fectus.*

*Prouincia-
rum fœdus
ob ingruentem
viciuitatem.*

*Nonum vo-
ditura genus
inuentum.*

*Præstita noui
inuenti ad
annonæ sub-
uentionem.*

At postquam Prouinciæ (quibus volentibus frumenti pabuli que vectura fuerat imperata) iam duci obsidionem, & nouas semper rogationes prioribus subiungi sentirent, tot curruum continenter submissorum impendijs fatigatæ, in posterum oneribus tantis impares futuræ videbantur; noua iuuandæ annonæ ratio excogitata est. Conducti pagis omnibus carri duarum rotarum, quos propter ampliores orbes, vnus plerumque, duo cum plurimum, equi vehunt, maiore etiam celeritate, quàm terni illos, qui quaternis rotis, sed minoribus, voluuntur. Pretium in singulos pactum, quod initio grauius, ob itinerum difficultates, melioribus deinde temporibus, dimidio fuit imminutum. Ita minori longè equorum curruumque impendio, parciore pabulo, pari celeritate, æquali numero, leuiore pretio, res frumentaria fuit administrata.

Fæfel- 6.

Refellerat hæc noua industria Mauritium, qui anni tem-
 pore confusus, crediderat, tam duris longisque subuectioni-
 bus, nos numquam tantas rei frumentariæ difficultates fuis-
 se superaturos, præcipue quod propinqua iam hiems subes-
 set, & pagis omnibus exinanitis, conuectum in vrbes esset
 frumentum, pecoraque propter bellum longius remota. Di-
 xit gloriari apud suos fertur, quod olim de Cæsare ad Dyr-
 rachium Pompeius: *Non recusare se, quin nullius usus Impe-*
riator existimaretur, si sine dedecore exercitus Spinola discessisset,
 adeoque libenter se eam illi gloriam concessurum (postquam
 hieme totâ obsidionem Spinola sustentasset) eum plus se,
 plus etiam demonibus ipsis scire, posseque. Et profecto, nisi
 diuina magis quam humana præsidia res nostras perpetuo
 adiuiuisset, hiemisque tempus (quod asperum esse consuevit)
 mitissimum fuisset, numquam tantæ expeditionis difficul-
 tates vel summâ constantiâ superassemus. Certè aquarum
 copia, quas castris nostris oppidani per Nouembrem super-
 misere, cum clausis fluminum ostijs, ad effundendum latè
 Aa & Merkam, aggerem iacere cœperunt, sollicitudinis
 morisque satis nobis attulere. Sed neque existimabar Spinola,
 aut id bellum adeo duci potuisse, aut tantâ mole curruum,
 tantisque vecturarum impendijs fore opus. Quod onus si
 Prouinciæ iam inde à principio, vniuersum simul ob oculos
 positum vidissent, fortè numquam id tantâ voluntate con-
 fensioneque suscepissent, quantâ fide ad extremam usque
 obsidionem, soluendis quadringentorum curruum vecturis,
 & peditum simul prouincialium stipendijs numerandis, sus-
 tinuerunt. Quo certè nomine fidissimas se Regi suo pro-
 barunt, æternamque laudem consecutæ sunt. Præterea quis
 prouidere poterat, tantos Europâ totâ motus, vnus Bredæ
 causâ, excitatum iri? Credebatur vulgò, frumentum cibaria-
 que in hiemem abundè non fuisse prouisa tot capitum mil-
 libus, quot in vrbe tenebantur obfessa. Ciues copiâ assuefa-
 ctos, belli famisque insolitos, inopiam non laturos. Gallos,

*Mauritius
opinionem sal-
sui.*

*Mauritij de
Spinola de-
ctum.*

*Deo victo-
riam acci-
piam refe-
rendam, vel
vno certissi-
mo argumen-
to ostensum.*

*Spinola opi-
nionem saluam.*

*Prouincia
quam Regi
suo fida.*

*Res qua non
potuere hoc
bello prouide-
ri.*

Scotos, Anglos, Belgas, (quorum plurimi præsidio dispositi) nec expectaturos dum res frumentaria deficere incepisset. Alios naturâ, alios consuetudine appetentiores esse deliciarum. quare veneramus in spem futuræ breuî deditiois.

Quia res obsidis diutius obsidionem tolerarent.

Adeò facile est bellum pro libidine sumere, ponere autem, arbitrij alieni. Sed præter ea frumenta, quæ ciuibus viritim fuerant imperata, quæque militi in horreo publico condita seruabantur, maximum etiam numerum agrestes (eo tempore quo Gilsæ nos confederamus, neque impedire simul aditus omnes erat consultum) in urbem inuexerunt, belli metu.

Mortuorum stipendijs atque annonâ viui diutius sustentantur.

Præterea Tribuni Centurionesque omnes ob insignem quæstum, quem additis vindictisque mortuorum stipendijs faciebant, asperitates omnes constantissimè perferre animum obfirmarant; eò etiam diutiùs, quò militum plures incommodis morbisque necarentur; quòd scilicet eo damno ipsis indies crescerent lucra, & famem suam mortuorum stipendijs haud grauatè sustentarent, ex inediâ mortem, ex morte compendia captantes. Tantò securius aurum est fide.

Quot per obsidionem mortui inter urbem.

Morientium autem toto obsidionis tempore fuit numerus tantus, vt supra quinque mortuorum millia venerint in rationes Libitinæ, quæ tertia pars fuit capitum (quot Bredæ erant) vniuerforum, cum censâ initio essent ad millia quindecim. Ita mortuorum parsimonia, viuis fuit annona. Id

Cautio obsessorum, ne mortuorum numerus cresceretur.

quod ne nos ciuesque ipsi indicio animaduertemus, Senatusconsulto iam inde à principio cautum erat, ne vlli deinceps, quantumuis locupleti aut nobili, campanarum parentali sonitu exequiæ ducerentur. Hæ res non nostram modò, verùm etiam ipsam obsessæ plebis opinionem vulgò fallabant (Duces alioqui, qui factione plus pollebant, fidem lucro habebant quodam modò oppigneratam) & perfugarum ex vrbe plurimi renuntiabant, nisi subsidium citò mitteretur, diutiùs sustinere non posse: quod idem ex ipsâ Hollandiâ Comiti Henrico Bergio erat perscriptum. Germanus quoque miles, stipendijs nouem inter Hollandos functus, à nostris

stris captus, & ab Isenburgico Comite pro ciue suo agnitus, ^{Comitis Isen-}
 cùm capitis absolutus, eâ conditione Bredam ab eo fuisset ^{burgici stra-}
 remissus, vt quando iam in angusto res essent, rediret ad ca- ^{tagem.}
 strâ nostrâ, vitæ præmijque securus; post bimestre quàm Bre-
 dæ fuerat, inter milites sine suspitione versatus, redux nun-
 tiabat, milites inediâ subactos iam equinâ vitam tolerare cœ-
 pisse, neque in menses duos habere frumentum. Optare ip-
 sos vt urbem Spinola crebrius tormentis verberaret, vel in
 speciem saltem, vt honestiore obtentu sese dedere possent.
 Horum affirmatione læti arrectique ij, qui quæ volunt op- ^{Inani qua-}
 tantque pro exploratis habent, cùm neque Bergium Comi- ^{tudam ipse}
 tem delusum, neque Germanum militem rem tantam esse
 mentitum, neque perfugas omnes falsos fuisse existimarent,
 Spinolam obtestantur, vt urbem pilis ferreis pulsari sinat. Is
 etiam si satis intelligeret, nihil admodum ijs machinis obti- ^{Precis spe-}
 neri solere inter milites bello assuefactos, ciues autem ipso ^{vanâ max.}
 vñ metu dediscere, eorum tamen precibus concessit, vt
 ternis è partibus (quæ aggeres totidem vrbi imminabant)
 vrbs muri ædificiaque quaterentur. Commodum id tem-
 poris in castra redierat Philippus Comes Mansfeldicus, Tri-
 bunus nuper Custodiæ militaris Gustavi Adolphi Regis
 Suedorum, Rigâ expugnatâ clarus, quò ipse copias summo
 cum imperio duxerat. Is adhibitâ ad artem solertiâ (vt est ^{Comes Phi-}
 rerum omnium magister vsus) cùm adinuenisset, magno ^{lippos Mans-}
 vsui ad bellum esse posse nouum quoddam tormentorum ^{feldicus no-}
 genus, quæ maiorem haberent vsum mobilitatis, longiùsque ^{uum tormen-}
 globos permitterent, minore pulueris numero; per causam ^{torum genus}
 eius rei administrandæ ex castris Bruxellam profectus, con- ^{vsuum, sug-}
 flari fecerat quadragena tormenta ænea, mortaria item vi- ^{geris.}
 cena terna, ad iaciendâs pilas feruefactas. Triginta ex ijs tor-
 mentis minuscula, librarum non ampliùs CLXX. singula
 globos admittebant pondo vi. decem maiora, librarum sin-
 gula DCC. capiebant pilas pondo xxv. Horum vsus, et si
 pretio plusquam dimidiato minore, maior erat atque con-

*Pulchra ars
faciendi
aeneas machi-
nas.*

fuorum. Minuscula quippe equis duobus, maiora non amplius quaternis celerrime vehantur, cum vetera singula indigerent senis denis, aut denis octonis. Sphaeras ferreas, adhibita tantum tertia pulueris parte, iaciebant longius quam antiqua. Id compendium Mansfeldicus arte faciebat, nam liquefactum metallum ita igne excoquere nouerat; ut minori æris crassitudini parem duritiem atque alijs tormentis maximis præstaret; unde leuitas tantò maior existerat. Pilæ verò etiam si minore puluere excussæ, eâ tamen causâ longius volabant, quòd ænearum fistularum tubi fundo non plano, sed in cuspidem excuato ignem extremâ fistulæ parte (quâ tubi centrum erat) comprehenderent, contra veterum tormentorum morem, quibus supernè inter pilam & planitiem fundi ignis inferebatur. Atque hinc nouorum vis maior, cum ab extremo centro conceptus ignis in orbem simul æquabili flamma perferatur, quæ cauo cuspidis collecta, tantò vehementius celeriusque pilas expellit.

*Alterum
Philippi
Mansfeldici
Comitis in-
uentum.*

Alterum quoque eiusdem Comitibus inuentum admirationi fuit: ferreas pilas puluere nitreo fartas, pondo amplius c. septingentis passibus longius atque alius quispiam mortario æneo iaculari. Has è longinquo in urbis mediæ sinum adiciebat, cum alioqui omnis mortariorum usus spatium longinquitatis interficeret, quòd aggeres nostri sexcentis minimum ab urbe passibus abessent. Intellectum à perfugis, non minus damni quam terroris obsessis eo pilarum iactu illatum. Ipsi vidimus, iam urbe potiti, ingentes domorum euersarum ruinas. Vna armamentarij (quo puluis seruabatur) recto deuoluta, cum ignem non comprehendisset, innoxia cecidit; magnam alioqui urbi stragem allatura. Verum aliæ tormentorum sphaeræ, quibus triplici parte (atque eâ præcipuè quam

*Terror in-
genti, dam-
nâq; magna
urbi illata
Mansfeldici
miliis.*

*Isenburgicus
crebro iacu-
lando ciues
ad deferenda
domicilia co-
git.*

Isenburgicus Comes obtinebat) urbem verberabamus, tantum fecere timoris, ut & domus pleræque vacuæ defererentur, & concio in templum quothebdomadis absque æris campani sonitu alienaque horâ acciretur, & miles tandem silen-

silentibus etiam tympanis in stationem ire iuberetur. Aert-
 senij Prætoris vxor, vt trepidos ciuium animos erigeret, sub-
 inde cùm globi densissimè volarent, carpento per muros
 vecta, femineo in corpore virilem animum professa, auda-
 ciam docebat esse pro muro. Cùm eo loci res hostium es-
 sent, inuicem sibi succensuisse rei malè administratæ, Ordi-
 nes fœderati & Mauritius, vulgi sermonibus ferebantur. Or-
 dines quidem, quòd tantum temporis Spinolæ ad commu-
 nienda castra (adhærescendo ad demoliendos Clivorum
 muros) reliquisset; quod re nullà gestâ (post dies xxi. per
 otium consumptos) Medensibus castris discessisset. Mauri-
 tius contrà Ordines recriminari, imperiumque detractare
 in posterum, apud quos simul omnium ferè sententijs, simul
 vsui seruiendum esset. Ipsis remittere, si sibi magis honorem
 tribuisse, quàm abs se salutem accepisse viderentur. Eâ voce
 turbati Ordines, veritiq̃ue ne imperium abijceret, conclama-
 mant eum summum esse Ducem, neque de eius fide pruden-
 tiaq̃ue ambigere, sed ea tantùm in medium attulisse, quæ vi-
 debantur potuisse prodesse; pergeret Rempubicam armis
 regere, bellum arbitrio suo administrare, ostensuros se, quàm
 sibi cordi Breda esset: nullis vectigalibus parcituros, vel eo
 solo nomine, quòd Nassauiorum patrimonium esset. His il-
 le promissis excusationeq̃; placatus, ne studium suum à Re-
 publicâ desiderari pateretur, ære suo priuato equites mille
 scribi armariq̃ue iussit. Ordines ipsi item alios præterea mil-
 le, ad augendas copias quæ è Galliâ expectabantur. Consi-
 lium insuper capiunt iaciendæ molis, quâ Merkam flumen
 haud procul Seuenbergâ intercludant. Vna scilicet hæc re-
 liqua eis videbatur Bredæ liberandæ ratio, si quoties ex alto
 sese æstus concitauisset, exæstuante in subiacentes campos
 freto, aquisq̃ue hibernis (quæ per riuos flumini affluunt) re-
 tentis, omnè latè humum inundassent: idoneum id stagnum
 fore, aut commeatui nauigijs in vrberem inuehendo, aut ob-
 ruendis castris nostris. Rem igitur operæ maximæ sum-
 ptuam-

*Ordinum
 cum Mauri-
 tio exposu-
 itur.*

*Acce Mauri-
 tij re postu-
 lum.*

*Ordinum
 placatus ani-
 mus.*

*Ordinum bo-
 na machina-
 tio ad Bredam liberan-
 dam.*

*Acce extra-
 dere flumen,
 & stagnum
 facere medi-
 tantur.*

*Scapha immen-
sa ad fa-
ciendam mo-
lem cogun-
tur.*

*Opera facili-
da mole in-
cumbunt.*

*Delusa Sta-
kenbrouckij
credulitas
Isenburgici
Comitis cu-
ra.*

*Isenburgici
diligentia in
præcludendo
castrorum
suorum adi-
tu.*

ptuumque immanium aggrediuntur. Onerarias, lembos, sca-
phas (vt summam eorum habent facultatem) numero maxi-
mo ad Seuenbergam mittunt, eo loci, vbi quoddam os est
fluminis, quod Lamsigatum appellant, & latera decliui ripâ
sunt vadosa. His omnibus nauigijs ad molem conuehendam
erat opus. Tum operis, fossoribus, vectoribusque quampluri-
mis adhibitis, ligna cædere, cespitem circumcidere, saxa, ar-
bores, tabulas comportare, scaphas onerare, molem denique
ab vtraque fluminis ripâ è diuerso iacere instituunt; cum ec-
ce tridui improuiso gelu desistere coguntur.

Ipsâ autem Natalis Domini nocte (quo die primùm ad
id opus faciendum sunt aggressi) Stakenbrouckius cum in-
signi suorum manu Rosendaliâ profectus, ecquid in Isen-
burgici castra posset, à tergo exploratum venit. Intellexerat
ab exploratoribus, folsâ vnâ non maximâ expletâ, facilem
aditum esse; ad eam explendam non ampliùs sex septémve
ligonibus fore opus. Eo indicio lætus, octodecim secum co-
hortes equitum ducit, comportatis ligonibus non ampliùs
septem. Ad locum vbi venit, neque centum ligonibus rem
agi posse cognoscit; transitum tamen tentari præmissis non-
nullis iubet. Eques postea stationarius, qui haud procul ex-
cubabat, explosâ fistulâ significationem facit, armaque con-
clamat. Stakenbrouckius, indicio proditus, signis simul om-
nibus clasicum canere iussis, quietem castrorum turbasse
contentus, discessit. Aditus alioqui omnes ab Isenburgico
Comite tot scrobibus, tot arborum ramis cippisque depactis
erant impediti, vt vix singulari homini patere viderentur.
Remittente gelu, opifices (etsi summa difficultas molis per-
ficiendæ ob rapiditatem fluminis proponeretur) ad opus in-
termissum reuersi, oblongas vectorias tres, cespitem saxisque
onustas deprimunt, fascibus terraque superiectis, simul cœ-
ptam ab vtroque fluminis labro molem, dispositis cespitem
ordinibus, ceruicisque grandibus ad adstringendam humum
interiectis, producunt, alueum medium versus. Seuenbergâ
præter-

præterea in ipsâ vrbe, admittendo auertendoque æstui, ostia faciunt ad alterum fluminis latus, vt postquam æstus agros complexer, eos sub aquis eâ stagni altitudine tenerent, quâ ad traijciendos pontones annonâ refertos, esset opus. Igitur æstus commutationem consecuti, apparant denuò ea, quæ sunt vsui ad armandas naues.

Spinolam multiplex operis eius cura exercebat. Ergo illud studebat in primis, vt speculatorum indicio cognosceret in singula diei noctisque tempora, quidquid eo loci ageretur: Quoties verò Luna aut noua aut plena erat (qui dies, maritimos æstus maximos efficere consueuerunt) auxilia iusta Heydensibus Hagensibusque castris addebat, quâ parte scilicet irruptio metuebatur. Deinde ostia riuorum omnium (quibus campestres aquæ in Bredanum flumen circa Heydam ducebantur) aperiri, dum æstus agros omnes inundasset; claudi, cum recederet, iubet; ac tum cum illi ad institutam molem (humilioribus iam per decessum aquis) aggrederentur, ipse subito apertis ostijs, reliquam quam retinuerat aquæ vim, diluendo operi supermittebat, tardabatque omnem operarum administrationem. Submissis præterea nautis, noctu ripas Merkæ fluminis, locis plurimis interseccidit, longitudine pedum v. millium: cuius rei duplex consilium erat. Primum, vt quas illi aquas ad inflandum fluminis alueum, mole retinerent, Heydamque versus extruderent, ipse interruptâ fluminis ripâ in vicinas camporum valles aliò deriuaret. Deinde, vt quò plus aquæ extra ripas in latissima pratorum spatia æstus detulisset, eò maiore impulsu per eius decessum in molem referretur. Id quod certò adeò euenit, vt quò angustius vtrunque molis latera coirent, eò altius arena fundo elueretur. Quæsitis denique fabrûm architectorumque omnium sententijs, qui molem tantam altioribus aquis contineri posse negabant; anteuertendum tamen Spinola omnibus consilij duxit, ne hosti locum vllum penetrandi relinqueret. Aggeri igitur illi, quem à nauali ponte

Spinola sollicitudo de molis copta progressa.

Auxilia maiora perculsi loci desponsit.

Supermissis aquis operarum laborem interpellat.

Ripas Merka perfodit.

Quo fructu perfolia ripa.

Spinola omnia sua rimet, nequa architectis remore credit.

*Securiore
medio bo-
stium con-
tus eludit.*

*Munitio ag-
geris.*

*Duplex altitudo
in flumine
vallum.*

Vfus vallis.

*Naues flumi-
ni impositæ
ad impedi-
endum transi-
tum.*

*Naues perfo-
rata ad fran-
dam.*


*Oneraria
preparata ad
incendum.*

*Hostes labo-
ris damna re-
concinnant,
& molem re-
parant.*

*Bredani col-
laborant mo-
li perficienda.*


Hagam versus produxerat (ne perfoſſus tranſiri ſcapis poſſet) alteram craſſiorum arborum ſepem præduci imperar, ſuperneque tranſuerſis arboribus ad alterius modum vinciri. Tum aggeri ſecundùm id ſepium latus, loriculam imponi, altitudine pedum v. ad diſponendos tegendosque libratores. Munitiones præterea duas, quibus tormenta diſponeret, hinc inde locat. Flumen denique ipſum tertio quartoque magnarum arborum præfixarum vallo, magnis inuicem interuallis, hinc inde intercludit contra obſeſſos, contraque externum hoſtem; vt ſi diſijciendi operis cauſa naues eſſent immiſſæ, oppoſitis arborum truncis earum vis minueretur, neu ponti nocerent, ratæſve perumperent, ipſæ priùs ad præfixas trabes appuſſæ. Inter hanc vtramque extimam arborum ſepem, ad anchoram ſtabant naues hoſtium nuper captæ, malis in proras antrorſum ſubmiſſis, ad excipienda lacerandaque obuiarum nauium vela. Iſ pons inſtratus eſt, impoſitaque ponti lorica è tabulis ſaxo effartis. Nonnullæ carinas habebant perforatas, ſed ita occluſas, vt eduſtis foraminum obijcibus, hauſtaque ingenti aquæ vi, flumen ſubitò ſubirent, nauigationemque intercluſo penitus tranſitu impedirent. Extimæ arborum ſepi prænatabant mali duo, punctim colligati. Ante hos excubabat oneraria completa pice, reſinâ & ſtuppâ, reliquiſque rebus ad incendia præparatis; quæ, ſi hoſtis adueniſſet, in aduerſariorum claſſem immiſſa, magnam haud dubiè editura fuiſſet ſtragem. His perfectis, nihilo ſegniùs hoſtes, aggeris à nobis interſecti detrimentum locis vicinioribus reconcinnarunt, geminâ munitione hinc inde ad oras fluminis factâ, ne eruptionibus adminiſtrationem operis impediremus. Simul Bredani, vel vt in laboris partem venirent, & fluminum ſuorum refractâ vi, moles apud Seuenbergam faciliùs perficeretur; vel vt fruſtrâ retentatum Decembri opus, aggeribus, quibus flumina ſeparantur, attollendis compenſarent, ad aquas caſtris noſtris ſuperfundendas, eos aggeres denſare altiùſque ducere cœperunt.





NOTA LACTVS PALVSTRI LOCO
 s lignis,munitionibus,aggeribusq;
 mmentarijs firmatus.

- A. Agger tubulis constratus.
- B. Pons Naualis inter Heydam
 et Hagam.
- C. Brachia ponti praestrucla.
- D. Seps duplex palustri loco fixa.
- E. Vallus quadruplex seu palisade
 in flumine Merka.
- F. Munimenta idonea imponendis
 maioribus tormentis.
- G. Loricula nostroru trans Merkam.



runt. Eâ recognitâ, Spinola (cùm Merkam flumen solito alueo demouere non posset) fossam bis mille ducentorum pedum longitudine, propter vrbis mœnia depresso (vbi fastigiosior humus aquas retinebat) quâ stagnum omne, riuo circùm vrbis latus ducto, in Merkam auertit, ne aquæ in castra sua altiùs supermitterentur. Quæ fossa priusquam perfecta esset, aggeres à Bredanis in flumine aucti firmati-
Marchio fossam instituit ad aquas campestris in flumen derivandas.
 que, collectarum aquarum alluione disiecti, ostia munita-
Aggerum ruinâ vi aquarum scissa.
 que nonnulla mœnium summâ vrbis trepidatione labefactarunt. Simul prope Seuenbergam summa relaben-
Moles labem fecit.
 tis aquæ vis vectorias tres (quas onustas in flumen depresso-
 rant) fundo fluminis emerit, molemq̃ue omnem superin-
Opera nostra diutius ob- uersa tor- menta videntur seruire.
 iectam disturbauit. Cui rei illud etiã diuinæ tutelæ succes-
 sit, quòd quamdiu ea fossa tot simul operarum manibus in-
 stitueretur, etiã si ex vrbe perpetuò in nostros iacularentur,
 vnus solummodò militis humerus minore fuerit glande
 traiectus.

Nondum Seuenbergani sententiã destitère, quantumvis
 difficultati confieri posse intelligebant, quòd iam tertium
 quartumve frustra fuerant machinati. Qui conditionis ini-
 quitatem perspiciebant, inani simulatione eos velle obfesso-
Hostis in mole instauranda perma-
 cin.
 rum spem sustentare opinabatur. Illi nihilominus susceptam
 molem vtrimque ab ripis fluminis instaurandam locant. Ei
 firmandæ directas ad perpendicularum arbores in flumen de-
Nouæ artes ad molem firmandam.
 figunt, glebas per manus transditas deiiciunt. Interualla ar-
 borum saxis grandibus, cespitibus sarmentisque effarciunt.
 Ne labor intermitteretur, cespites humilioribus locis effos-
 sos (vnde aquam æstus depulerat) attollunt in metas, instar
 scopulorum; vt quos ex aquis æstu adactis extantes viderent,
 lintribus adueherent. Naturam denique ipsam aduerso
 mari fluuiioque superuadere nituntur. Iustinus Nassauus
Iustinus Nassauus pro sua quo-
 que parte ad-
 mititur.
 suos quoque Bredæ aggeres denuò instaurare, ostia muni-
 mentaque labefacta reconcinnare instituit: vallos præterea
 muróque aduersus tormenta attollere, ne ædificijs aded iaculatio-

*Prudem
Marchionis
Spinola mor-
tui.*

*Vfus explo-
ratorum.*

*Tempeſtas
moleſ omnis
diſſecta.*

*Molis ſub-
ſtructis in
aliud tempus
prolata.*

*Senatus Bre-
dani provi-
dencia.*

*Civium Bre-
danorum
granaria ſa-
pienti excuſſa.*

*Fru menti
Bredani nu-
merus inſitus.*

*Nova fru-
menti recen-
ſio.*

culatione noſtrâ noceretur. Spinola, etſi Architectorum af-
firmatione iam vtcumque crederet, caſtra ſua neque redun-
dantibus æſtu cloacis, neque reſtagnantibus oppidi foſſis
ſubmoueri poſſe, ex quo nouæ foſſæ ductu, paludes in Mer-
kam ab agris auerterat; tamen quòd ſciret, Hollandos ſcien-
tiâ atque vſu nauticarum rerum valere, videretque eos conâ-
tu non deſiſtere, exploratores perpetuò Seuenbergam im-
mittebat, non contentus auditione pro re compertâ, niſi viſa
etiam abs ſe dicerent, quæ explorâſſe narrabant. Cumque ad-
ferretur, molem iam magnâ perfectâ parte procedere, & na-
ues ad anchoram ſtare plurimâs ſupportandæ annonæ expe-
ditas, eam in partem conuerſas quâ Bredam ventus ferebat:
Numinis iterum curâ, ventus, qui ſecundus ad eum diem fla-
uerat, in contrarium ſe vertit, tantaque ſubito tempeſtas coor-
ta eſt, vt & trabes, quæ ſiſtucis in flumen actæ, & ceſpes &
faſces & ſaxa fuerint alluuiione deuecta, & lembi quibus gle-
bas materiamque apportarant, inuicem afflicti, inque litus
eiecti, omniſque nauigatio penitus impedita. Deinde verò eæ
tempeſtates conſecutæ ſunt, commutatione temporis, con-
tinuationeque ventorum, vt ſuſceptæ molis opus neceſſariò
duxerint in ſequentem Martium proferendum.

His cognitâs, Senatus, ne aut diuturnitate obſidionis eos
deficeret annona, aut ob ærarij tenuitatem, ſoluendo militi
ſtipendia tandem deeſſent, remedijs duobus providendum
duxit. Annonam in primis parcè diſtribuendo metiendoque
extendit. Nam poſtquam ſemel Septembri menſe frumenti
rationes domeſticatim ſubduxiſſet, iterum Octobri frumen-
ta omnia vrbe totâ adnotaſſet, rurfum eodem Octobri, bidui
tantum interuallo, quæ notata erant eſt admeſus, appoſitis
vicatim Centurionibus, numeroque capitum per familias
deſcripto. Cùm verò reperirentur apud ciues meſurarum
ſiliginis millia xii. in cellâ publicâ millia v. & pecora dede-
cretum eſt, admetiendas eſſe, quot hebdomadis, militi qui-
dem ex publico horreo meſuras cl. ciuibus, ex aceruo ſuo,
meſu-

menſuras M. cædenda pecora XVIII. quorum libra veniret beſſe cum ſemiſſe.

Sed neque eâ diſpenſatione contenti, Nouembri denuò luſtratis ciuium granarijs, frumenta omnia ruſum adnotarunt, vetueruntque, abſque publicâ auctoritate aut vendi aut efferri, propoſitâ pœnâ x l. Philippeorum. Quâ pœnâ quoque ſanxerunt, vt ciuium nemo ceruiſiam deinceps domi coquere poſſet, ne frumenti plus abſumerent coquendâ clàm lautiore. Amplius denique Decembri factum, cùm in publicum conferri priuatis ex ædibus iuſſère, quidquid alibi frumenti compreſſum tenebatur. Ac ne falli quidem à quoquam poſſent, iſſis Kalendis Ianuarijs, ſingulos in curiam vocatos iuſiurandum adegerunt, vti ex animi ſententiâ profiterentur, quantum quiſque ſiliginis, farinæ, hordei, auenæ, ſeu ſuum ſeu alienum, conditum apud ſe haberet. Eâ conditione ac lege, vt qui iuratus numerum profiteri noller, tantisper in dies ſingulos, penderet florenos decem: qui verò ſciens peieraſſet, periurij pœnis, & ducen-
Ceruſia foris coquenda lex.
Frumenta in publicum collata.
Cines adiunguntur iuſiurandum.
Lex ſumptuaria piſtoribus & molitoribus lata.
Bredani ætate publico medentur.
Novi nummi procuſi.

tis inſuper ſcutis multaretur. Iſdem pœnis obſtricti piſtores molitoresque; quibus lege ſumptuariâ interdictum, panem pinſere leuiorem pondo ſex & quadrante; aut frumenti farinæve ſimul cuiquam vendere plus libris duabus. His legibus perlatis, poſtridie Kalendas Ianuarias Senatus Centurionesque, domos granariâque omnia obeuntes, frumenta ſingulis abſtulère, interpoſito iuramento, nihil prætereâ frumenti clauſum ab ijs retineri. Iam ærarij vicio mederi ad hunc modum conati ſunt. Vrbi Præfectus, Centuriones, Tribuni, Pro-præfectique omnes, iureiurando, quantum quiſque pecuniæ haberet, affirmauère, vt quid mutui ſinguli dare poſſent, conficeretur. Tum quinque generum nummi ære argentoque conflati, figurâ quadratâ. Argentei quidem, vnius, duûm ac trium florenorum; ærei, aſſis & beſſis cum ſemiſſe. Deinde per præconem edictum, id genus nummos auctoritate publicâ tanti æſtimatum iri,

tantique valituros, quanto pretij numero notarentur. Hæc nummorum argenteorum forma :



*Charlesij in
Gochemium
suscepta im-
pressio.*

*Moenium
Gochemien-
sium vicium.*

*Excubia du-
plicata.*

*Spinola
Tourlan-
dum repre-
hendit.*

Interea sinistri nobis de Gochemio Cliuiæ oppido nun-
tij deferuntur. Lambertus Charlesius Neomago ab Ordini-
bus foederatis Praefectus, cognito exiguo praesidij numero,
moeniumque labe; collecta è vicinis foederatorum vrbibus
manu, vrbem, quâ parte introrumpi poterat, adoritur, inua-
ditque. De nongentis nostrorum, qui praesidio relictî fue-
rant, quingenti omnino gerendis armis idonei censebantur,
ceteris morbo seniove confectis. Munimenta madore infir-
mata, quâ moenium fossæ vadossæ erant, transitum gregibus
praebant, neque fuerant sudibus palisve eâ parte praesep-
ta. Iacobus Tourlandus Gochemio Praefectus, de militum Neo-
magenesium egressu edoctus, vicinos vrbium Regiarum Prae-
fectos admonet, ne quid detrimenti caperent, sui, vt sibi vi-
debatur, securus. Stationes vigiliarum in moenibus identi-
dem obit, pridieque eum diem quo oppidum oppugnatum
fuit, duplicatum numerum militum custodijs disponit.
Octoginta eo loci excubare iubet, vbi muri vitium fecerant,
quâ per ruinas facilius patere aditus videbatur. Simul quid
de hostis egressu accepisset, quid vicinos admonuisset, quid
fecisset ipse, earum rerum omnium rationem Spinolæ per
litteras reddit; qui litteris Ioannis Gonsalij Vvesaliensis
Praefecti, de ambiguo rerum statu, vnâ cum Tourlandi epi-
stolâ acceptis, Tourlandum reprehendit, quod sui aut obli-
tus aut securus, aliorum sollicitudinem suscepisset, cum ipse
tanto

tanto locorum interuallo præsidium è castris submittere in tempore non posset. Hostes noctis silentio profecti, benè manè sub collapsum oppidi murum constitère. Peditum fuisse millia IV. equites CD. famà iactatum est. Hi dum per ruinas in fastigium adnuntur, octoginta vigiles nostri, præfentiâ numeroque improvise hostis turbati, deserto optione suo, in fugam turpi formidine versi, hosti introcundi locum patefecere, per eam munitionem quam acceperant defendendam. Illi districtis gladijs murum occupantes, portis duabus, foroque haud multò post potiuntur. Tourlandus à suorum plerisque desertus, cum ægrè oppugnationem sustineret, hoste iam portis admissò, arcem portamque vrbis reliquam, collecto è fugâ milite, defendendas inuadit. Ad Ioannem Gonsalium auxilia rogatum, VVesaliam mittit, pollicitus se suosque tantisper in officio fore. Rehortatur eum Gonsalius, vti pristinam virtutem retineat, addicitque subsidia brevi abs se aduentura; tantum permaneat in fide. Ægrè is dies sustentatur. Noctu cum hostium impetum nostri animo magno sustinuisent, portâ tandem depelluntur. Arx sola restabat. Postridie visa subsidia peditum M. qui contra quàm Tourlandus fieri mandauerat, arcem posticâ ingressi, pontem opere tumultuario factum, festinando fregere, trecentis vltra flumen relictis, qui omnes aut hostium telis occisi, aut viui in eorum potestatem venere. Tourlandus eo ponte, quo in urbem ex arce itur, quemque ipse abruerat, scalis tabulisque resecto, eruptionem in urbem facturus, traiecto ventre grauitèr sauciatur; ac tum demum Centurionibus omnibus visum, deditionem honestis pactionibus esse faciendam. Ita hostes post triduum arce vrbeque potiti sunt. Lambertus Charlesius expeditionis auctor, victoriâ quidem vsus, sed non diu victoriæ fructu lætatus est. Nam postquam domibus aliquot exspoliatis, fanis direptis, aris subuersis, statuis combustis, diuina atque humana omnia promiscua, nihil denique pensi neque moderati habuisset, perinde

Hostium inopinatus aduentus.

Nostri militum turpi formidine ac fuga.

Hostium audacia.

Tourlandus arcem & urbem vrbis portam retinet, potius è vicinis auxiliis.

Nostri portâ depelluntur.

Auxiliorum turba sine ordine admissa obest sibi auxilio.

Tourlandus in eruptionem sauciatur.

Hostes Gochernio potiti.

Charlesius impetui & paucis quas dedit.

perinde atque iniuriam facere, id demum fuisset victoriâ vti; paralyfi extinctus, dignas sceleribus pœnas dedit. Apparuit, ipsâ hostium sententiâ, nihil magnum amisso Gochemio nobis decessisse, neque tam eius retinendi studio, quàm consilio auertendi à Bredâ Spinolæ, fuisse ab ijs interceptum.

*Gochemium
liberum ac
neutrarum
partium op-
pium deli-
ratur.
Bredacorum
in nostros io-
ca.*

*Fama de ad-
uentu exie-
rarum copia-
rum.*

*Isabella Ar-
chiducis pru-
dentia in pa-
randa defen-
sione.*

Bredâ enim iam deditâ, nobiscum pacti sunt (nullâ inui-
cem conditione petitâ) vti id oppidum neutrarum partium
ac liberum esse censeremus. Bredani tamen eâ victoriâ in-
tellectâ, de muro cum vigilijs nostris colloquentes, Goche-
mium, per militarem facetiam, eos ablegabant. Sub id tem-
pus nuntiatum, copias, quas Mansfeldicus acceperat, haud
procul Hannoniæ Artesiæque finibus (quæ finitimæ Gal-
lis sunt Prouinciæ) oberrare. Isabella Archidux, quamuis
susplicari non posset; Principum quempiam res suas floren-
tes cum perditis Mansfeldici implicaturum esse; quòd ta-
men Regias voluntates, vt vehementes, sic mobiles subin-
de ac varias esse non ignoraret, ipsa pro periculi magnitudi-
ne, bellum in omnem casum parare, defensus fortiter si of-
ferretur. Præsidia igitur circa Hannoniam Artesiamque,
tuendorum confinium causâ, constituere; Hannonibus Em-
danum Comitem pro duce mittere; Artesiam Hooghstra-
tano Comiti (qui eam summæ Præfecturæ auctoritate obti-
nebat) tuendam commendare; Comitem Sforzam ad Im-
peratorias Bauaricasque copias in Mansfeldici aduentum
accelerandas mittere; iubere frumenta pecoraque in remo-
tiores vrbes compelli; vetare in Galliam è Belgis equos edu-
ci, vti Galli inde prohibuerant frumenta in Belgas exporta-
ri. Spinola quoque susplicatus, Mansfeldicum Gallicis, An-
glicis, Germanicisque auxilijs instructum, ad inferiorem Pa-
latinatum respicere; Guilielmum Verdugium eorum loco-
rum Præfectum, Germanorum peditum cohortes libe-

*Spinola nouo
militæ scripto
providet Pa-
latinatui.*

tas 11 x. equitum 11. præsidio adlegere iubet, præter admif-
sam in stipendia legionem Tribuni Gratzij, cum equitibus D.
Armauerant sese intercâ milites Prouincijs Belgicis impera-
ti,

ti, equitum millia 111. peditum millia ferè x v. Præstò erant cohortes nouæ exeunte æstate collectæ. Venerat legio Comitæ Anholtini peditum millium 111. cum alarijs equitibus M. Fines attigerant (admatitante Barone d'Ainsio) Imperatoria auxilia, quæ Marchio Carolus Spinelli summâ discernendi cum Mansfeldico spe ductabat, equites bis mille ducenti, peditum millia 111. Prouinciales copiæ omnes Carolo Coloma, nuper Balearium Pro-Regi, cum imperio mandantur; equitum Prouincialium Magistro creato Alberto Arenbergio Barbanconij Principe, qui recens ob id munus à Tribunitiâ Præfecturâ fuerat euocatus. Hi primùm iussi ad Namurcum manere, vt Mansfeldicum transitu intercluderent, si, vt nuper, ad inuadendos fines aduenisset; sed mox intellecto eum Mauritijs sese castris iuncturum, ambo cum copijs Imperatorij Prouincialibusque haud procul Antuerpiâ confedère.

Præstò sunt Prouinciales copia & auxilia.

Imperatoria auxilia ducit Marchio Spinelli.

Carolo Coloma Prouincialium copiarum exercitus commendatur. Alberto Principi Barbaucio equitatus Prouincialis tribuitur.

Quanta totius exercitus summa.

Spinola studium ad cognoscenda hostium consilia.

Mauritij littera casu inuenta.

Littera notis scripta à Michaele Romartio explicata.

Spinola tanto exercitu lætus, quantum vix vllâ retrò memoriâ Belgæ vidisse meminerunt (censebantur enim, præter urbium finitimarum præsidia, peditum millia x x x. equitum millia 111.) nullum tamen obsidionis tempus sine sollicitudine intermittebat, quin Mauritijs obsessorumque consilia, literis interceptis, intelligere niteretur. Huius rei causâ varios in stationibus insidijsque locat, magnis propositis præmijs, si huiusmodi litteras exceperint. Tres obseruati urbem ingredi, custodijs nostris aut incuriosis, aut celeritate delusis: eo ferè loci, vnde hi visi elabi, à quærentibus, post dies paucos, crumenula inuenta, in quâ geminæ litteræ cerâ oblitæ, aduersus contumeliam aquæ, si fuissent per aquam perferendæ. Ambæ Mauritijs erant, ad Iustinum Nassanium vnæ, alteræ ad Bredensem Senatum, notis sigillisque propè inexplicabilibus scriptæ. In his cum multorum labor insudasset, vnus Michaëlis Routartij, Regi Marchionique à Secretis, felicitas vicit. Is diei noctisque continuato studio, earum sententiam assecutus est. Hæc summa vna-

K rum

rum ad Iustinum erat, quibus alteræ ad Senatum respondebant, eodem sed breuiore argumento.

Magnâ se animi voluptate intellexisse, tantum nuper fruenti numerum apud ciues fuisse repertum. Efficiendum, omnino, vt parçè erogando, etiam extendatur, quò plus temporis sibi superfit ad suppetias ferendas; cuius vnus rei gratiâ in Galliâ, Angliâ, Prouincijsq;uæ fœderatis, conatu maximo laboretur. Adeste eo consilio Mansfeldicum, vt iunctis copijs suis, Spinolam auocet ab obsidione. Adfuturas eas, iam fuisse, fuisset absque aduersis ventorum tempestatibus. Gallorum equitum millia 11. (præter cohortes aliquot Leodiensi ditione & alibi scriptas) Bononiæ; Anglorum peditum millia xiv. Doueræ ad conscendendum esse parata. Reliquum peditatum in Germaniâ Prouincijsq;uæ fœderatis ab eo lectum ad millia 11. in naues impositum, cum alijs, nonnullis copijs operiri tempestatem. Iam semel fecisse vela, sed aduerso vento fuisse retrò reiectos. Quod ad Ordines, ipsos fœderatos attineret, eos nihil laboris sumptuumq;uæ, prætermittendos, ad conatus Mansfeldici promouendos, Bredamq;uæ liberandam, decreto iam nouo exercitu quater mille equitum, supra numerum exercitus consueti, in Angliâ, Galliaq;uæ scribendorum; peditum autem amplius millibus, sex septemve, ibidem cogendorum. Prorsus vt sperandum sit, ineunte Vere, confecta fore armata millia peditum xl. equitum millia vi. ad Bredam quoquo modo liberandam. Quod vti quàm maximo exercitus vrbisq;uæ bono fiat, optare se, vti annona (quod ipse Iustinus scripserat) à decimo Ianuarij currentis die in centum & octo dies proximos ad Kalendas vsq;uæ Maias superare possit. Et quamquam omnino speraret, multò etiam citius copias suas omnes paratas fore, rogare tamen, vti quantum fieri possit annona extraheatur parcendo, quò suo alteriq;uæ exercitui, qui etiam nunc in Galliæ finibus consideret, plus temporis superesset. Iam quòd intelligere cupisset, ecquid ipse de erogandâ militibus, ciuibus,

» ciuibus, vxoribus liberisque certâ panis portionē censeret;
 » dignum sibi æstimatione visum, plus vulgò tum edi solere,
 » cum panis dimenso erogatur; aliàs non amplius consueto
 » necessarioque emi, maximè vbi venum iret. Præterquam
 » quòd ea res tumultibus etiam anfas præbere soleat, quâtauis
 » maxima cautio æquitati seruandæ adhibeatur. Quamobrem
 » relinquere id omne ipsius Senatus Concilijque militaris ar-
 » bitrio, quodcumque ad annonæ parcimoniam ex vñu bono-
 » que fore, sint decreturi. Quid militum equis faciundum es-
 » set (frugibus pabuloque consumptis) cum Ordinibus se tra-
 » ctasse. Promisisse eos, præstituros sese id omne pretij, quod
 » pro viuis amplius quàm pro mactatis equites fuissent acce-
 » pturi, modò æqua æstimatio constitueretur. Quare nihil de-
 » tractarent ad extremam famem tolerandam cædendos eos
 » in publicum conferre. Lactantes vaccas (quoniam lactis
 » magna vtilitas esset) in vltimæ inopiæ leuamen seruarent,
 » quamdiu pabuli quippiam superaret. Quamuis autem dubi-
 » tandum non esset, nuper eum cum Senatu omnium ciuium
 » granaria cellasque summâ diligentia excussisse, orare tamen,
 » perpetuò circumspiceret rationes omnes communis acerui
 » augendi, si quid fortè per fraudem à quopiam fuisset occul-
 » tatum. Præterea ab Senatu quidem indicatam sibi populi
 » Bredani studiosissimam voluntatem, ad omnes obsidionis
 » angustias ære suo priuato frumentoque leniendas; sed dela-
 » tas ab eo quoque querelas, aduersus insolentiam præfidiario-
 » rum: qui quamuis neque de hospitio, neque de foco, neque
 » de stipendio, neque de cibariorum grauiore pretio, iure que-
 » ri possent; tamen per licentiam & vim interdium iuxta ac no-
 » ctu, nihil pensi haberent aut domos suffringere, aut hortos
 » suffodere, aut sepes hortorum conuellere, aut stabula, offici-
 » nas stationesque ipsas diripere, idque solius disciplinæ remis-
 » sione, cum impune abiisset nonnullis nuper ob has noxas in
 » vincula abstractis. Quod exemplum haud dubiè prompti-
 » tudinem ardoremque ciuium in obeundis vigilijs refrigera-
 » re pos-

re posset, qui iam causari cœpissent, suas sibi domos, prius mœnibus ipsis, aduersus domesticum hostem esse custodiendas. Quare cupere se, vti, si ita compertum fuerit, in eos, qui deinceps peccaturi essent, seueriùs consulatur, quò ad ceteros poenæ metus perueniret: militum enim esse ciuibus iniurias prohibere, non facere. Velle autem, vti Tribunis Assessori- busque Concilij militaris, hæ suæ litteræ traderentur, quò intelligerent, hisce ciuium incommodis omnino prouidentum esse, qui cetera satis premerentur. De nouo hostium aggere, de loricâ aggeri aduersus Seuenbergam impositâ, de præductâ ingenti è trabibus sepe, aliunde se quoque accepisse. Porro Ordines non supersedere Bredano flumine propè Seuenbergam obstruendo, idque breui fore confectum. Quamquam quid, aluo illo intercluso, futurum sit, à multis dubitari. Ab his campos latè restagnaturos putari, ab illis disputari. Iudicaturum se, post euentum. Certum se scire, esse sinum illum tam amplum, vt non nisi immensis aquis expleri possit, etiamsi flumen retineretur, neque magno auxilio fore ad aggerem penetrandum adeò iam ab hoste firmatum. Molestiæ tamen aliquid hosti id opus allaturum, quando ipse suppetias venturus esset. Quare non fore abs re, si in id tempus expeditæ essent ab eo naues ad se ex vrbe adiuuandum. Hæc erat litterarum summa. Extremis ad cerni adiectum erat: Mansfeldici copias denuò quidem soluisse, sed contrario iterùm vento in portum fuisse relatas. Lambertum Charlesium Neomagi Præfectum, Gochemio per vim potitum esse.


Spinola aduersus hostium consilia se nouus operibus munit.

His acceptis, cum patefacta nobis essent Mauritij consilia, aduocantis flagitantisque vim tantam militum externorum; Spinola intelligens omne ad se bellum esse translatum, triumque adhuc mensium spatio in castris hærendum fore (quando Bredam tantâ pertinaciâ liberandam Mauritius suscepisset, quasi omnem Reipublicæ salutem in eius vrbis periculo positam existimasset) prorutis primùm ijs muni-

tioni-

tionibus, quas nuper Mauritius Medæ exstructas deseruerat, castra sua incredibili labore, vallo admirandæ magnitudinis circumuenire, iniquissimo hiemis tempore instituit, ne tantus hostium exercitus in incautum à tergo irrumpere sub initium veris, vt decreuerant, posset. Is vallus cùm perfectus esset, circuitu toto complectebatur passuum millia ^{Incredibilis magnitudo huius vallis externæ.} LII. Tantò scilicet hic maior erat priore illo subitario, continente millia passuum non amplius xxx. sexcentos. Mirabitur posteritas, neque ipsi, si viuerent, crederent Pompeius aut Cæsar; quorum ille, vt magnum, vallo passuum millium xv. hic xlii. ad Dyrrachium contendere. Ne tamen rationes calculi quisquam vacillare existimet, numerum passuum per castra singula, fidâ propriâque curâ repertum, in tabulas placuit referri. Spinolæ castra Ginekenfi pago, cùm eâ statione quam à tergo Magister equitum Salazarius tuebatur, claudebantur vallo passuum millium x xli. sexcentorum triginta trium : Balanconij viii. millium sexcentorum : Isenburgici xi. millium quingentorum quinquaginta quatuor : Ballionij ix. millium octingentorum tredecim. Iam urbem Spinola altero item, sed minoris spatij vallo, introrsum circumdare aduersus obsessorum eruptiones cœpit. Is, quòd vrbs priùs dederetur, numquam plenè perfectus fuit; tamē circulo suo imperfecto, obtinebat passuum millia xvi. Vterque autem hic vallus altitudinis fuit pedum x. muris ^{Magnitudo interioris valli.} non directè sed fastigiatim surgentibus : infernè crassitudine pedum xv. suppedaneo scamno internè ad vsum iaculatorum in gradus duos substructo, supra quod eminebat lorica, crassa infernè pedes x. supernè. vi. erecta in altitudinem pedum v. fossa externè depressa altitudine pedum vii. latitudine xv. à labro ad labrum, fundo patente pedes non amplius viii. Tantum quoque firmitatis, duo hæc valla amplius habuere prioribus duobus, quæ altitudine non excedebant pedes v. crassitudine vii. fossa nihilo latiore. Horum ^{Quia vallo utriusque inædificata opera.} vallorum maiorum utriusque inædificatæ turres nouæ, aggregæ

*Specimen posterioris circumvallationis
circulo passuum LII. millium.*



*Singula ca-
stra magis
munita.*

*Opera quàm
multa.*

resque multi imponendis tormentis, qui bini præterea erant ad singulas castrorum portas, loricâ extrorsum pro aditu in cubitum curuatâ. Castella item adiuncta, pro locorum periculo situque diuersa. Singula insuper castra, destructis minoribus nonnullis munitiunculis, nouis receptaculis operibusque multis deinde fuere ita cõmunita, vt nisi qui viderit, cogitatione assequi tantorum operum substructiones difficile omanino possit. Labyrinthum quemdam munitionum non iniuriâ appellarim. Censâ in ipsis castris (præterea munimenta quæ varijs in pagis aut ad tuendos comœatus, aut ad impediendâs irruptiones fuere substructa) opera vniuersim CLXXIIX. turres nimirum XCVI. castella XXXVII. aggeres plani aut murati XLV. Adeo obsidio hæc celeberrimam Cæsaris ad Dyrrachium molitionem superauit, vbi castella fuere non amplius XXIV. nullis alijs præter vallum munitionibus factis. Ecquod verò illustrius quàm gentis æmulæ

æmulæ testimonium? Galli namque figmento nouæ vocis linguam suam locupletarunt, & *Bredaner* iam dicere instituerunt; quasi nobilius sic loquerentur, quàm si *coronâ expugnare* sermonibus vsurparent. Dum hæc administrari cœpta, Mansfeldicus transmarinis alijsque auxilijs comparatis, è contempto iam metuendum se ratus, Palatinum petentis ^{Mansfeldici assus.} speciem simulans, per litteras Archiducem Isabellam quàm „summissimè rogat: Vti tutum sibi iter per fines suos conce- ^{Eiusdem ad Isabellam Archiducem fallaces litteræ.} „dat, com meatuque supportato iuuet. In animo sibi esse, sine „omni maleficio per Prouincias Regias iter habere, quâ sibi „necessariò transeundum esset, ad obsequendum Angliæ Re- „gi Domino suo. Noluisset id eâ insciente tentare, quod ipsa, „nisi iniuriâ, negare non posse videretur. sin tamen negaret, „tum vi se facturum viam, quam causæ suæ æquitas esset „apertura. Isabella noti hominis ingenium sæpius experta, ^{Isabella resposito di- gnatur no- tam Mansfeldici incon- stantiam.} silentio significandum duxit, & quàm parum fidei apud se haberet, & quàm parum formidaret subitarium hebetem- que eius exercitum, agri magis quàm belli cultorem, nec ferè nisi coactis per vim tyronibus conflatum, ipsa tam præstanti multoque milite confirmata.

Bredani interea dum tantis se operibus circumuallari vident, & spe longâ Mansfeldici opem expectant, atque ille auxilia mari circumuecta diutiùs opinione tardaret, ingemiscere ac fatigari. Nimirum iam caseus, iam asellus defecerant, iam immanè ingrauescere cibarijs pretia cœperant. Butyri libra stabat assibus x x v. olei cantharus coronato vno; ouum vnum assibus iiii. mensura pisorum coronatis x. libra suillæ assibus xv. Quæ caritas annonæ præsidarios Anglos, inediæ impatientes, ad infamem cadauerum esum abiecit. Alios plerisque ciborum insolentium vsus scurbugo (sic Medici vocant) confecit: omnibus enim defessi malis, pestilentia graui conflictati, frumento vetere atque corrupto alebantur, quod ad huiusmodi casus antiquitus fuerat paratum. Ciues vt militum labores, vigiliarumque crebritatem minue- ^{Bredanorum angustia.} rent,

^{Annua ca- ritas Breda.}

^{Marbi ex ci- bi mutatio- ne.}
^{Cicium vo- lunt ad vtilitatem sub- leuandum.}

*Iustini in
militibus in-
dulgencia, ne
tumultua-
rentur.*

*Tribunorum
studium ad
militum ani-
mos erigen-
dos.*

*Vana solatio
ad levandum
obsidionum
maerorem.*

*Cautio ne
fraus inopi-
ae cognosce-
rentur.*

*Senatus Bre-
dani ad im-
pediendam se-
ditiones solli-
citudo.*

rent, mœnium muros seruandos sibi delegerunt, extremis militi munitionibus relictis. Quo ab opere nemo, etsi veteranus aut immunis, vacatione vti voluit. Iustinus, ne qua militum coniuratio, annonæ sæuitiâ impatientiaque effligeret, quò fidos sibi faceret, opifices egentiores in militum mortuorum loca adlegit, vt stipendia facerent, cùm iam quæstum non possent, eorumque labori succederent. Præterea alternis excubijs absolutos, nec nisi tertiâ nocte vigilare iussos, laxiùs licentiùsque habuit, solitâ disciplinæ seueritate remissâ. Tum adhortari eos Tribuni, de pulpito Verbi-præcones obtestari, ne se animo dimitterent, nè turpissimam sub Hispano seruitutem leni deditiois nomine appellarent; de Mansfeldici venturi fide nihil esse dubitandum; quòd ad diem non adesse videretur, eos falli; viciniorem opinione esse, sed nuntios, omni aditu præsepto, perferri nequissè: Spinolam non animi causâ tot faciendis quotidie munitionibus exerceri; eo ipso teste, non suâ affirmatione vterentur; auxilia Germanica, Gallica, Anglica, Battaica appropinquare, quorum timore dies noctesque in opere versaretur: indignæ mollitiei fore, tam vicinis auxilijs, tantisper dum aduenissent, inopiam ferre non posse. Omnes iam asperitates superatas esse, libertatem tantùm expectandam. Ne paucorum dierum impatientiâ, tantæ inediæ toleratæ, constantiæque laudem amitterent. Quæ cùm dicta essent, Tribuni, ne aut falsi ab obsessis conuinci, aut visa auditaque misera vrbs conditio, indicijs commeantium ad nos perferri posset, decreuere, ne tubicines aut tympanistæ à nobis missi, mœnibus inde exciperentur, sed foris responsa expectarent; hîc autem lautè liberaliterque haberentur ad annonæ copiam ostendandam, consilio scilicet Manliano. Senatus quoque alia omnia circumspectans, ciuium Collegijs conuentu omni interdixit, Augusti exemplo, ne factiones titulo collegij ad facinoris alicuius societatem coirent. A Centurionibus autem obseruati milites, quoties plures circularentur, eorumque

que interuentu, coniurationes circularum impeditæ. His similibusque remedijs vrbi periclitanti consultum, & ciuium militumque languentes animi subleuati, cum inopiam deinde spe solâ sustentarent.

Iam tandem Mansfeldicus pedestria auxilia nauigijs ad Gertrudibergam appulerat, cum visum iterum pugnare cum eo cælum. ^{Cælum Mansfeldici nauigationi infestum.} Venti namque appulsam classem ita inuicem afflixere, vt elisæ nauium multæ, inutiles redderentur: deinde, tamquam in id tempus totius hiemis frigus fuisset dilatatum, subito gelu flumina omnia fuere astricta, vt annonæ diu supportari non posset. Est ea Gertrudibergensium ^{Incommoda militu ad Gertrudibergam appulsi.} consuetudo, vt parum domi annonæ asseruent, fiduciâ perpetuæ nauigationis, vicinorumque locorum. Hinc tanto militum aduentu exiguum fuit omnibus cibariorum, cum gelu noua inferri prohiberet. Pestilentia præterea, febribus, sælo, nauseaque ex diutina nauium conclusionē, angustijs loci, & odore tetro confecti plurimi (cum tyrones essent propè omnes, tempestatumque ac sentinæ insueti) aut mortui aut semiuui in fluctus deiiciebantur. ^{Cerebra tyronum miseræ mortis.} Supra iv. millia mortuorum à nonnullis censa. Quidam pro mortuis in mare turbati, natando ad littus euasere, & uiui etiamnum in opido degunt. Multorum per littus caduera insepulta; plurimorum passim in terram respuente mari eiecta, grauem vicinis Hollandiæ oppidis pestem afflauere. Triste Anglis ^{Anglorum ex communi fortuna maris.} commilitonibus spectaculum, qui externo solo, quò ad suppetias missi, tam asperè habebantur. Quod verò longè miserimum accidebat, cum Mansfeldicus eos, quos inuitos iusiurandum adegerat, in terram exponere non auderet, eodem præcipuè remedio interibant, quo, ne fugerent, seruabantur; exscensus nimirum prohibitione. Plures tamen ad nos fugâ elapsi, inermes, squallidi, ceterorum specimen præbuere, affirmantes se reliquis etiam præstare, cum omnes propè & inuoluntarij, & militiæ essent insolentes, vt docendi mox fuerint armorum tractationem, cum in aciem iam

L essent

*Quorundam
imperitia
militum.*

essent deducendi. Reperti narrantur, qui puluerem, quem ad crebras iaculationes dimenso acceperant, vniuersum simul vice vnâ infundebant, fistulam ore tenuis opplentes, vt immittendę glandi vix esset locus, adedò erāt iaculandi periti.

*Classis inno-
luntariorum
copia.*

Constitit multorum litteris, eas copias ex vilissimis ordinum omnium coactò fuisse conflatas, breuique, quā morbis quā defectionibus, adedò esse imminutas, vt de xiv. millibus, vix quaterna superarent. Dum classis Mansfeldiana gelu retine-

*Varia pro
tempore obla-
ta consilia.*

tur; ipsū anni tempus variorum nos consiliorū admonuit. Nordammen sis munitio proxima Seuenbergæ, per æstatem æstuarijs inaccessa, iam pedibus propter gelu adiri: Prinßlandia quoque, Rosendalia, atque ipsa Seuenbergæ occupari facilè posse per id tempus credebantur. Dimissi igitur in omnem partem exploratores: pilæ etiam ad incendia, quæ hostium nauibus iniicerentur, præparatæ. Frustrà, cūm glaciæ fluminum crustæ (quæ crassæ alioqui firmæque videbantur) fragiles adedò essent, ob intermixtas niues, vt duorum triūve simul militum pondus ægrè ferrent. Itinera etiam, niuibz nusquam æquabili altitudine iacentibus, sed huc illuc in fossas vento dilatis (vt incerta à solidis discerni non possent) admodum periculosa erant, ad explicandum proficiscentium agmen. Exploratores modò pectore, modò ore tenuis extabant; aliquando substractis niuibz disiecti aut ob-

*Fuggeriano-
rum militum
astutia.*

ruti. Non vox, non mutui hortatus iuuabant. Fuggeriani milites tres ad omnem audaciam exercitati, Rosendaliam in castra ingressi, postquam compotando confabulandoque hostium naues explorassent, in reditu proditi, vix fugā euasere, vno fauciato captoque. Aliàs Fuggerianis suæ artes felicius euenerant, pauci que multos frequenter reduxerant captiuos. Sed varia belli doli que est fortuna. Erant nonnulli, qui Spinolam orabant, vt copijs Caroli Coloma, suisque aliquot cohortibus adiunctis, Rosendaliam parum munitam fineret inuadi. Sciri indicio incolarum, eos adedò metu nostri perterritos esse, vt vasis collectis ad fugam magis quàm pugnā

gnam starent comparati; fieri id sine damno periculoque posse, si tantisper equitatus noster contra Bergozomium Prinsslandiamque bipartitò obijceretur. Spinola, cui cauta potius consilia cum ratione, quàm prospera ex casu placerent, grauiore examine secum omnia pertractans, ratus eam rem nihil admodum ad summam victoriæ iuuare posse, maluit suos integros in necessarij certaminis occasionem seruare, quàm aut vniuersum exercitum hostilis audaciæ opinione detertere, aut hostium animos successu erigere, si paucorum suorum pugna infelicitè fortè euenisset. Solere nempe in bello, minimis sepe momentis, maximas rerum fieri commutationes; neque prudentis Ducis esse, victorias paruas maioribus periculis consecrari. Quarto Nonas Martias vertebatur anniuersarius dies Bredæ olim ab Ordinibus fœderatis per fraudem nauigij interceptæ. Hunc diem Bredani quotannis celebrare soliti, nunc tantò etiam coluere splendidiùs, quantò in posterum fortè rariùs celebraturos se credebant; parentalium veriùs quàm natalium ritu. Ter quippe minoribus maioribusque fistulis omnibus sub vesperam explosis, postremam ei memoriæ noctem consecrarunt. Iam tempus aderat, in quod intermissa in flumine molis administratio fuerat prolata. Id interuallum, quo nautæ opifcesque laborem desierant, variorum studia excitarat. Quidam ingentis pretij pactione perfecturum se opus propè desperatum recepit. Is, præsentibus ijs quos Ordines huic molitioni curandæ præfecerant, loco haud procul à priore delecto, vbi vadossius angustiusque est flumen, saxa reticulis (ne diffloerent) illigata demergit; arenæ quoddam ténacis genus (ex Angliâ Galliæue, vt ferebant, subuectum) saxis aspergit, ad effarciendas rimas, firmandamque molem. Res solito meliùs ire videbatur, cum subitâ cæli mutatione, tanta se rursus aquæ vis, Martiæ Lunæ æstu (quo maximè tumescit Oceanus) ex alto concitauit, tantaque simul imbrium ac soluturum niuium alluuiò vnde quaque affluxit, vt & moles co-

*Spinola non
facile incerta
consilia arripit.*

*Anniuersarius
Bredæ olim Regi
erecta duas
ab obsessis ce-
lebratus.*

*Intermissus
labor ad mo-
lem facien-
dam resump-
tus.*

*Nouæ ad per-
ficiendam
molem artes.*

*Moles propè
perfecta elu-
uione dissi-*

L 2

pta

pta ad Seuenbergam, & pleraque Rosendalia, & quædam Bredanæ vrbis suburbana munimenta, penitus subruerentur. Nostrorum quoque castrorum itinera, munitionesque nonnullæ vrbi viciniore, ita fuere inundata, vt nisi lintribus adiri triduo non possent; quo tempore castra castris disclusa, graui annonæ difficultate laborarunt, cum inuicem curribus commeari non possent, neque scapharum tanta suppeteret facultas. Eadem fluuio, littori, campis facies erat. Numquam aliàs clariùs intellectum, quanto Dei beneficio exercitus hieme totâ esset conseruatus: si enim eadem hiberni cæli duritia, copiaque niuium (quæ breuissimo hoc exeuntis hiemis tempore extitit) prioribus (vti aliàs erat solitum) mensibus accidisset, haud dubiè susceptam obsidionem deserere vel solâ temporis iniquitate debuissimus. Nam per paucos illos dies, quibus acrius frigus sæuebat, ambusti multorum artus vi frigoris, & quidam inter excubias exanimati sunt. Nonnullis adeò præriguere manus pedesque, vt cultris fuerint defecandi. Vectores quoque frumentariosque multos, quos itinerum grauitas pluuijs, niuibus, luto, ventisque retardatos in nocturnas profectioes coniecerat, gelu in vijs necauit. Ipse autem commeatu impediatur adeò, vt trium hebdomadarum spatio (quibus niues geluque perpetuis imbribus soluebantur) vix quidquam annonæ inferretur, præter id, quod Germanorum militum vxores, quotidie instructis ferè agminibus in vicina municipia excurrentes, humeris in castra supportabant. Quarum mulierum, cum alia quoque perpetua in viros suos extent obsequia, ligno longissime ferendo, pabulo vndequeque conquirendo, cibarijs apparandis, linteis lauandis, suppellectili dum vasa conclamantur portandæ; ea certè illarum ratio in castris habenda videretur, vt non impedimentorum nomine, sed honore Mulorum Marianorum censeantur. Aquis deminutis, hostiles operæ denuò ad institutam molem perficiendam summâ iterum animi contentione sunt aggressæ. Spinola Leuren sis

riui

Aqua exundans copia castris quoque Regijs incommoda.

Manifestum Dei presidium.

Hiemis est brevis, dura damna.

Retardatio commeatu.

Germanorum vxores castris viriles magis quam necia.

Quo honore accenseri castris debeant Germanorum vxores.

Moles denuò instaurari ab hoste capta.

riui ostia (qui ad Merkam flumen attinebat) suffringi, riuos-
 que nonnullos, qui castris se nostris infuderant, obstrui auer-
 tiq̃ue iussit. Aggerem præterea, quem à Merkâ Hagam vs-
 que palustribus locis iccerat, attolli altitudine pedum 111. ne
 stagno, quantumvis inflato, superuadi nauigijs posset. Illi
 vt vim rapiditatemq̃ue fluminis à Bredâ refluents obijci-
 bus exceptam refringerent, ab vtraque eius ripâ, introrsum
 promontoria, hinc inde ripis continentia faciunt, proxi-
 mè ante eum locum, quem immisâ mole obstruere nite-
 bantur. Tum hiatum illum, qui duo inter promontoria,
 fluminis medio patebat (quâ scilicet aquæ iam angustius
 coactæ vis maxima ferebatur) præstruunt trabibus oblongis,
 tridentis figurâ, paruo intervallo in flumen defixis, quas flu-
 men intercludebat, sed modicè refractum. Tum molem à
 tergo instituere cœperunt, euentus, vt putabant, securi. Die-
 rum noctiumq̃ue aliquot continuato labore, iam eò rem ad-
 duxerant, vt aggeribus ab vtroque fluminis labro ductis, præ-
 ter oris exigui angustias, nihil pænè obstruendum restare vi-
 deretur. Sed tanta fuit aquæ immensum auctæ coactæq̃ue
 vis, vt iam rueret torrentis impetuosisimi instar, quæ antea
 per laxum alueum eâ semper fluxerat lenitate, vt oculis, in
 vtrâ partem flueret, iudicari vix posset. Ipse præterea fun-
 dus, ebullientibus vtrò arenis, trabes impactas extrudebat, vt
 præstructa seps penitus collaberetur. Tempestas autem eo
 tempore incidit tanta, vt & quidquid nauium, saxorum, ce-
 spitum, fascium, arborum, ad firmandam molem fuerat de-
 pressum, disijceretur, & classis, quâ Gallicum equitatum
 Christianus Dux Brunsvvicensis supportabat, in ipso traie-
 ctu grauissimè laceraretur, nauibus non paucis depressis,
 multis huc illuc iactatis, quæ cursum vix tenuère. Ita de-
 mum hostis, vbi tantos suos apparatus malè euenisse videt,
 rem toties frustra tentatam, aliquando sibi dimittendam iu-
 dicauit. Per eos dies, memorabili astu, literæ Iustini ad Mau-
 ritium, Mauritij item Mansfeldiciq̃ue ad Iustinum acceptæ

*Spinola mo-
lem impedire
nititur riuo-
rum suffran-
dis ostijs, &
aggerem aucto.*

*Nonna molis
perficienda
ratio.*

*Molis vi a-
qua & tem-
pestate disti-
pata.*

*Classis hosti-
lis afflicta.*

*Molis despa-
rata subfrun-
ctio.*

Affus infignis, quo Iustini ad Mauritium, & huius locum, inueniunt litteras interceptas.

Iustinus à rusticano circumuenitur.

Rustici collidunt.

Rustici in Spinolam fides.

Iustini ad Mauritium littera.

sunt, quibus res multæ cognitu viles Spinolæ aperiebantur. Nonnemo, publicæ rei studio, agrestem hominem nactus, locorum itinerumq; peritum, ac quidlibet agere promptum, iacturis magnis adducit, vti tabaco, butyro, caseoque onustus, perfugæ specie (quasi custodias nostras fefellisset) ad Bredæ moenia penetraret, nauaretque Iustino operam ad litteras Mauritio, si vellet, perferendas. Homo fluxâ fide, præmij auidus, cum domi nihil præter inopiam haberet, fidem vendit. Ita ergo instructus, vti conuenerat, ad vrbis muros penetrauit. Apportatæ merces, aduenam esurientibus fecere gratum. Iustinus sciendi auidus, de castris, de reperto transitu, de publicâ opinione, multa interrogat. Ille, vt Sinonius ei erat animus, sui que obtegens, rei cuiuslibet simulator ac dissimulator, vera quædam referendo, quædam veritati vicina mentiendo, fidem sibi peperit hominis probi. Nam quæ volumus, eadem & facillimè credimus. Rogatus, an quâ irrepserrat, transitum aliquem cum litteris reperire speraret, cum trepidè primùm affirmaret, animos sibi tandem pollicitationibus accendi passus est, ad rem gerendâ, quam vnam recusantis specie, flagrantissimè cupiebat. Litteras igitur Iustini ad Mauritium obtinet, præmio proposito, si ablatum ab eo responsum in urbem retulisset. Simulator operam omnem addicit. Vbi in castra nostra peruenit, litteras Iustini ad Spinolam adfert. Id eorum erat argumentum :

Gauisum se admodum ternis Mauritij literis acceptis, quibus intelligebat, & Mansfeldicum cum auxilijs Germanicis Anglicisque incolumem aduenisse, & tantos fieri belli apparatus, Bredæ subleuandæ. Curaturum se, vti, quod ad-, dixerat, frumentum in extremum Aprilem, aut incuntem Maium superaret, nisi fortè subiecto igne combureretur, quem crebrò hostes in urbem iacularentur globis inclusum. Breui se nouas frumenti rationes initurum, ciuium granarijs, perscrutatis. Machinas hostium ab aggere maximo, qui aquarum molæ obiacebat, ad Balanconij castra recens esse ad-, uectas,

„uectas, contraque myricetum Gertrudibergense locatas. Ea
 „castra à Spinolà quoque operibus muniri cœpta. Urbis præ-
 „sidium indies pestilentia, dysenteria, scurbugo vehementer
 „diminui. Ægros inopiâ medicamentorum, salubriumque
 „ciborum, recreari curarique non posse. Ceteros, qui vale-
 „rent, non dimittere animos, sed occasionem auidè expectare
 „rei benè fortiterque gerendæ. Raporum oleum prius sem-
 „per fuisse crematum, quàm in obsonia adhibitum, sed exi-
 „guum superesse.

Lectas Spinola iterumque obsignatas per eundem tabel-
 lionem mittit, pollicitus liberale stipendium, si responsum à
 Mauritio literasque Mansfeldici ad se attulisset. Mauritius
 ratus tutò ei nuntio credi posse, per quem (summâ nempe fi-
 de) Iustini literas accepisset, responsum præmiumque labo-
 ris dat, & Mansfeldico eum allegat, ad litteras ab eodem ob-
 tinendas. Idoneus fraudi tabellio, utraque Spinolæ adfert,
 præmiòque donatus discedit.

„Ijs litteris Mauritius Iustino se purgat de morâ, causamque
 „tardatarum suppetiarum confert in aduersas anni tempesta-
 „tes; obtestatus, uti annonam hebdomadis plusculis parsimo-
 „niâ extrahere nitatur, etiam ultra extremum Aprilem. Tan-
 „to sibi tempore ad colligenda iungendaque auxilia opus ef-
 „se: frustra alioqui fore tam immanes Ordinum sumptus, fru-
 „strâ tot studia sua. Duras quidem has esse preces, sed fortu-
 „nam industriâ adiuuandam, maximè quando equitatus om-
 „nis Gallicus à Mansfeldico collectus (duabus tantum cohorti-
 „bus, quæ in horas expectantur, desideratis) iam Boloniam
 „venerit; eoque Ordinum naues, ad eos transportandos, pro-
 „fectæ secundo vento sint. Pedestres etiam Gallorum copiæ
 „à Duce Candalio partem adductæ, partem in viâ sint, ut &
 „reliquus equitatus peditatusque per Germaniam pro Ordi-
 „nibus scriptus. Supplementa denique Gallica, Anglica, Ger-
 „manica haud multò post aduentura ad id temporis, quod ab
 „eo prorogari ultra Aprilem velit.

Mans-

*Spinola lita-
ras Iustini
Mauritio
transmisit.
Mauritius
ab eodem
agressi docu-
pim.*

*Mauritij li-
teras Iustino
rescripsit.
Spinola in
manus ve-
nit.*

*Littera
Mansfeldici.*

Mansfeldicus Iustino conuiuam hospitemque se breui fore pollicebatur; hilariter tum bibiturum illius sodalium-que fortissimorum salutem. Aduenisse se instructum cohortibus peditum c. equitum x l. de suppetijs nihil dubitaret.

Spinola conficiens Bredana necessitatibus Iustinum ad deditionem sollicitus.

Spinola his iterum de annonæ exiguitate confirmatus, edoctusque de lento auxiliorum aduentu, 11. Kalendas Aprilis, qui Paschati festus erat, Iustini animum tentandum duxit, deditione petita. Clam igitur Salazarij Comitissuocinatorem, cum literis suis, in hanc sententiam mittit. Nihil se ad hunc diem de Bredâ cum eo tractasse ob frumenti numerum, quem in vrbe habuisset: ast iam, quando sciret etiam, in quem diem certò illi annona suppeteret, eaque re æquum non esset prolatari ab eo vrbis deditionem; voluisse se offerre ei honestas conditiones, si de compositione secum tractaret. Et quidem si temporis aliquantulum posceret ad suppetias expectandas (quas tamen, ob operum suorum firmitatem, magnitudinemque circumiacentis exercitus, facile intelligeret nullo modo vrbis subuenire posse) id ei concessum iri, modò tamen in præsens tractare inciperet, alioqui in posterum similis gratiæ dandæ causam non fore.

Iustinus belli Concilio aduocato, acceptas Spinolæ litteras legit, in flatuque promisso suppetiarum aduentu, annonæque per tot mortuos auctæ incremento, in hæc verba respondit:

Iustini responsum.

Obstupuisse se literis Spinolæ lectis, tamque alienâ eius petitione; ampliùs verò, quòd se, totque fortes socios suos, verbis etiam terrere potuisset credidisset; quibus præter turpem famam nihil formidandum accidere posse ipse affirmaret. Tempore ipso appariturum, ut malè de vrbis statu fuerit (sibi blandiendo) instructus, quam illi in manus contradere speraret, à quo seruandam tuendamque accepisset.

Spinola responsum Iustini oculis prouidenter habet.

Prudenter Spinola (ne militi fatigato animus caderet, iactabundâ obsessorum vanitate, qui tantos spiritus sumperant)

rant) id responsum altissimo silentio pressit. Quod satis fuit ad laboris reliqui breuitatem militi persuadendam, vulgò scitum est suspicionibus, Iustino missum è castris fuisse buccinatorem, vtique de deditioe, vt lubenter plerique ominabantur : quamquam multi òpiniones fingeant, & ad id quod ab alijs audierant, sui aliquid timoris addebant, cùm falli aut differri diutius spes ipsas Spinolæ intelligebāt. Tempori igitur compositio relicta, externorūque auxiliorum aduentus, firmissimā factā circumuallatione, expectatus. Interea cùm hostium copiar omnes, euocatis vndeque præsidijs (ciuibz mercede conductis eorum loco dispositis) Gertrudibergam & Sprangam conuenirent, indidēmq; milles reliquus, qui Rosendaliæ hibernarat, expectaretur; Spinola suspectas habens eius temporis moras, ratus eos simulare aduentum, re autem ludificari velle; Siluamducis, Rinberkam, VVesaliam (quæ ferè loca sui à Bredâ auocandi causâ tentari posse existimabat) immisis præsidijs communit. Spinola ad. nerius hostiles simulationes praedantia.

Siluamducis quingentos (quos eius vrbis Præfectus Baro Grobbendonckius legioni recens acceptæ, supplemento scripserat) præter veteres præsidarios, præsidio disponit. VVesaliam peditum cohortes v. è Palatinatu euocat, quæ vicino Rinberkæ oppido opem ferrent, sed literis Mauritij ad Iustinum Nassauium exceptis, cognitum deinde est, eorum omnes copias, Bredæ iuuandæ liberandæque submissas, haud procul castris nostris abesse. His ergo locis, ita vt dictum est, prouisis, Ginekense templum (in quo vi. millia saccorum frumenti moliti condita erant) cum vicino aenæ tabulario, Mauritius, immisis speculatoribus, incendit. Mauritius frumenta nostra incendio corrumpit.

Ignis venti magnitudine citius serpsit, quàm extingui potuit. Ad duo saccorum millia (saccis alijs superpositis seruata) postridie fuere sine noxâ inuenta. Spinola nihil eo casu supra bonum atque honestum percūsus, damnum (conquisitoribus ad frumenta emenda circummissis) breuī resaruit. A Vincentio Lafannio, summo annonæ Regiæ stru-

M

ctore

*Summi an-
nena Praefecti
Vincenty La-
sanny pro-
rida cura.
Hollandarum
conficili
ramores.*

Atore (dum incendium is spectaret) Spinolæ tria saccorum tritici millia (quæ in ipsis castris clausa in omnem casum tenuerat) fuere oblata. Hollandi hæc detrimenta ita inflatè scripsere, vt quæ vnus templi incendio consumpta prodiderunt, vix sex templorum maximorum parietibus contineri possint. Censæ fingunt, quæ eo incendio periêre, x x i i. millia saccorum tritici, x x. millia siliginis, vi. millia hordei, x vi. millia auenæ, i v. millia pisorum & fabarum, c c c c. armos carnis suillæ, c c. vasa olei, c c. vasa butyri, c c c. circulos aselli siccati, c c. vasa hæcum, c c. vasa carnis falsæ, c c. saccos salis, x x i i i. millia caseorum; magnum numerum farinæ, syrupi, ac mellis. His nempe fabulis in maius celebratis, spem alere suorum, nostram vulgare inopiam, Hollandi nitebantur. Atque herculè Bredam diu deseruissimus, si nos fabulæ debellare potuissent.

*Spinola ar-
mamentario
consulit.*

Spinola per literas monitus de armamentarij periculo (cui ignem quoque, vt nuper templo, subijcere hostes moli- rentur) duplicatis custodijs, altera quæ circumductâ fossâ, seruari cautiùs fecit; pulueris nitrei numero ferè dimidiato in nouum armamentarium transportato, ne, si periculum incidisset, vniuersus simul accenderetur, exercitusque egeret.

*Ingenia va-
ligalia à
foderatis
Ordinibus
exceptata.*

Ad belli reliquum quod supererat patrandum, cum intel- ligerent Ordines fœderati, ærario præcipuè prouidendum esse, cuius modò rei nomen reperiri poterat, hoc satis esse ad exigendas pecunias iudicantes; præter tributum in singulo- rum capita pridem impositum, vrbibus pagisque omnibus ducentessimumpretiorum merciumque omnium exegerunt.

*Asi à socijs
in commune
collatum.*

Coniurati præterea sociique sexcenta scutorum millia re- præsentatione, sexcenta collybi detractiōe per argentarios qui mensas exercebant, numeranda Ordinibus submisere. Eo pecuniæ numero conflato, hostibus abundè in id tempus fuit: nobis contrà angustè ab ærario esse cœpit. Quippe cum ad tentandam Genuam eo ipso tempore, quo districtæ Hi- spani Regis copiæ ad Bredam adhærerecebant, nec auelli sine dede-

dedecore poterant, exercitus Gallicus per montes victor ^{Angustia a-}
 procedebat, plurimorum negotiatorum fides apud exteros ^{vary Regi in}
 (quos Genuæ obsidendæ metus deterrebat) angustior esse ^{Belgie.}
 cœpit: atque ita, quod hostes diu studuerant, tum angustijs ^{Negotiatorum}
 ærarij ingentibus nos premebamur. Varij ergo cogendi æris ^{angustiæ apud}
 modi propositi. Pecuniam insequentis anni mutuam à pu- ^{exteros fides.}
 blicanis omnibus Regijs præcipere. Vectigalia publica vrbi- ^{Varia aris}
 bus in mutui pignus dare. Pacisci cum militaribus Tribunis, ^{cogendi aris.}
 vt singuli in mensem vnum alterumve legionum suarum
 Centurionibus, aut militibus, aut vtrisque stipendia ab Re-
 ge soluerent. Si id graue foret, ipsi saltem Tribuni sui que
 Centuriones (qui priuatis opibus pollerent) nullis stipendijs
 per bimestre contenti, ea sinerent gregarijs procedere; quod ^{Tribunorum}
 postremum Tribuni plerique pollicituri videbantur, sed in ^{querendam}
 præsens omittendum iudicatum, ne nouitas inopiam indi- ^{voluntate in}
 caret. Tandem Dominatus Regios oppignerare feudi con- ^{Regem.}
 ditione placuit, militi que hac ratione subuentum est. Per eos ^{Remedium}
 dies ad recentes Italiæ motus componendos, Hispaniæ Rex ^{inuando ho-}
 Gonsaluum Corduam Italici exercitus sui Legatum creauit. ^{nellius ara-}
 Gonsaluus Bredanis in castris iam inde ab expeditionis ^{rio innan-}
 principio fuerat, cum eo que & Comite Salazario, Spinola ^{tum.}
 consilia sua omnia communicarat, aduersum alios obscurus,
 hisce duobus intectus. Ille etsi militiæ artibus instructissim- ^{Gonsalvus de}
 mus, & fusi fugati que nuper Mansfeldici victoriâ celebris, ^{Corduâ Ita-}
 ijs se tamen hic moribus præstitit, quales nonnemini Vel- ^{lici exerci-}
 leius modestissimos appinxit; actu, otiosis simillimum, nihil ^{tus Legatus}
 sibi vindicantem, eo que assequentem omnia; semper infra ^{creatur.}
 aliorum æstimationes se metientem; vultu vitæ que tranquil-
 lum, animo exformem.

Allati hoc tempore nuntij de morte Regis Anglorum, ^{Angli Regis}
 Hollandicas Mansfeldianâsque molitiones non leuiter tar- ^{mors.}
 dauerunt. Angli magno numero quotidie ad nos, desertis
 signis, perfugere; nostros Mansfeldius à suis captos, nullâ ly- ^{Ambigua}
 tri exactione remittere; affirmare sibi nihil inimiciæ cum ^{Mansfeldij}
 fides.

*Henricum
Nassavius
vires omnes
iungit.*

*Spinola co-
pias proprias
admonet, ut
ad manum
præstò sint.*

*Ingeni pabu-
li inopia.*

Hispano Rege intercedere. Quâ re animaduersâ, Henricus Nassavius, euocatis Rosendaliâ copijs, collectisque confinium omnium præfidijs (quasi breui de summâ rei decreturus) ne otio defectionem meditarentur, tyrones quotidie ad militiam certis exercitijs erudire instituit. Spinola, ut in tempore auxilia copiasque præstò haberet, Henricum Bergium cum equitatu suo, nonnullisque Imperatorijs auxilijs, equitibus nimirum Ducis Saxoniae mille, & peditum Comitum Collalto Tribuni Cæsarij millibus 111. Hooghstratæ imponit. Arcem municipiumque ipse cognoscit, muniri que facit. Inde ad Bredana usque castra certis intervallis turres maiores sex, secundum Hooghstratanum flumen ædificat. His intervallis perpetuas militum cohortes (quæ ferè invicem contingerent) constituit, ut brevissimo tempore exercitus uniuersus ad Bredam aut Hooghstratam hosti pro necessitate occurrat. Comitem Anholtinum cum auxilijs Germanicis, peditum nempe suorum millibus tribus, equitum verò, quâ suorum, quâ Comitum Iacobi Strozzi, Auendaigna, Gratzij & Herslij Tribunalium, millibus duobus & quingentis, Carolum Colomam, & Principem Barbanconium cum Prouincialibus copijs, alijsque nonnullis extraordinarijs, per vicinos Antuerpiæ, Mechliniæ Lyræque pagos disponit. Pro eâ exercitus magnitudine, equorumque numero, tanta pabuli inopia esse cœpit, ut aut equino fimo, aut aridis arborum folijs, aut myricis, equi pabulabundi vescerentur. Auenæ satis afferri non poterat, quâ tot currulia sarcinariaque iumenta, præter ephippiatos militum equos, sustinerentur. Aduentitius miles liberioribus populationibus assuefactus, ac nostræ disciplinæ insolens; non contentus priscâ illâ militaris furti indulgentiâ, argentei unius in diem, hastæ, hastilis, ligni, vtris, follis aut facis, initio domos prædari, pagos vastare, commeatus nostros hostili more carpere, subinde etiam petulantiùs ob stipendij dilationem vociferari, quasi imperia recusaturus. Legiones nostræ, quibus non aliâ vquam

quam ad eum diem egerant innocentius, doctæ hostem odif- Extraordi-
nary militis
licentiâ, mo-
res exercitus
nostri infecti.
se potius quàm suos, easdem quoque exterorum artes (vt in
vitia semper prompta sunt militum ingenia) maleficijs imi-
tari, & eorum nomen licentiæ suæ accommodare cœperunt.

Spinola, Ducibus admonitis, leniendam magis quàm exa- Spinola mo-
deratè ob
causas parit
externi mili-
tis licentiam.
gitandam eorum hominum vim in tali tempore existimans,
capitis quidem poenam in paucos sanxit, sed instructis Cen-
turionibus, vt veniam abs se peterent, supplicium eis condo-
nauit, ratus non esse id tempus animaduersionis. His locis

sparsi dum nostri consistunt, Mauritius Hagæ Batauorum Mauritij
Nassauij
Auracis
Principis
mori.
extremum diem clausit, vel hoc nomine felix, quòd viuis
non luxerit amissæ Bredæ suæ deditionem. Eius adhuc spi-
rantis extrema verba, post quæ aliud nullum fecit, hæc fuisse

feruntur: *An dedita, an liberata est Breda?* vt facillè quivis in- Breda Mau-
ritio prima
laetitia, &
supremi do-
lor.
telligat, illius vrbiis amittendæ dolore confectum, cuius olim
recuperatæ gloriâ primum decus famamque pepererat, cu-
iusque nunc tuendæ causâ incredibili suo Ordinûmque
sumptu, Europam propè vniuersam concitarat.

In demortui locum ad bella administranda Henricus Henricus Fre-
dericus Nas-
sauus Atran-
sij Princeps
fratri Mau-
ritio Impera-
toris iuroga-
tus.
Fredericus Nassavius Mauritijs frater, Princeps militiæ arti-
bus omnique vrbinitate cultissimus, Ordinum fœderato-
rum voluntate adlectus est. Eo temporis intervallo, quo
Mauritio inferiæ datæ, quo nouus exercitui Imperator di-
ctus, multi Prouincialium nostrarum copiarum, militiæ

pœnitescentes, domum è statuis discessere. Equites quoque Virimque ab
vtriusque ca-
stris defectio
multorum
abnuentium.
veterani non pauci, militiæ duritiam abnuentes, prolati sti-
pendij tædio, ab signis abiêre. Sic & maiore indies numero

Galli à Mansfeldianis castris ad nos cateruatim deficiebant,
questi se deceptos esse spe inuadendi Palatinatus, neque se-
ptem mensium spatio vel vnicum stipendium fecisse. Ho-
rum ibi voces nonnullæ audiebantur, sese contra Marchio- Intuitu tu-
multus in
castris Mans-
feldianis.
nis Spinolæ exercitum non ituros, si ducerentur. Adolefcens
Gallus, arte Pharmacopœus, in castris Mansfeldianis depre-
hensus, compertus ciues suos ad defectionem sollicitasse, in-

ter pernices equos religatus, Metij Suffetij supplicio, viuendi finem fecit. Ad Bredam milites nostri, cum obsessis ex vigilijs colloquentes, factâ pactione, ne telum vllum interim traiceretur (vt vna castra ex binis iam facta viderentur) subinde iocis inuicem laceſcebant. Nostri illis tabaci paululum aut caſei; illi panis ſui fruſta noſtris adijciebant. Poſt paucos dies, reuerſo ad caſtra nouo belli Imperatore Henrico Naſſauio Arauſij Principe, obſeſſi auxiliorum vicinitate læti, globos liberaliùs in caſtra noſtra permiſêre. Vnus tabernaculo Spinolæ, tum fortè abſentis, per teſtum illapſus, lecti conopeum abſtulit, & cubiculi menſas duas fruſtatim diſcerpſit: vt lectica olim * Auguſti (tabernaculo egredi ab amico moniti) concurſu hoſtium conſoſſa atque lacerata eſt, quaſi ibi cubans remaniſſet. Vix quatuor dierum interuallo, cùm cognoscendî loci cauſâ Spinola equo albo vehens vrbe propiùs adequitaret, altera tormenti maioris pila frenum ei ſub ore equi abrupit, habenis in manu relictis. Vt credi poſſit, aut ſummos belli Duces certiore Numinis in tutelâ eſſe; aut quantò ſibi quiſque in prælio minùs parcit, tantò videri tutiorem. Spinola his periculis deſunctus, aduocatas vicinorum auxiliorum copias, diuerſis interni externique valli partibus præſidio diſpoſuit. Anholtinum extremis Barbanconij caſtris, contra Ooſterhautanam planiciem, quâ Manſfeldicus impreſſionem facturus credebatur, conſtituit; Beauuoxium nuperis Mauritij caſtris aduerſus Medenſem pagum oppoſuit, additâ legione Cæſariâ Ioannis Comitis Naſſauij: ipſum Comitem planicieî Chamenſi cum alterâ ſuâ Regiâ legione præfecit; Baronem d' Ainſium, Tribuni titulo, cohortibus Germanorum liberis præpoſitum, à tergo Ginekenſium caſtrorum ad tuendam equitatus ſtationem collocauit. Alios alijs locis diſtribuit. Equitum cohortes quotidie è ſtatiuis duplicato numero ad caſtrorum cuſtodiam in ſtationes venire iuſſit, multuſque deinceps ipſe ad nocturnas vigilias fuit, eâ præcipuè parte, quâ introrupturum hoſtem arbitra-

*Bredanorum
vigilum cum
noſtris collo-
quia.*

*Obſeſſorum
maiores ſpi-
ritus nomi
Imperatoris
aduertit.*

*Spinola hic
gravi pericu-
lo deſunctus.*

* Suetonius.

*Spinola va-
cantis in ca-
ſtra vicinis
copijs ſe mu-
nit.*

arbitrabatur, quò se noctibus singulis conferebat, donec hostis retrocessit.

Numquam aliàs magis se viri virtus ostendit. Nocturnæ ^{*Spicola in castris indole.*} vigilæ, aut interruptus per momenta somnus, numquam minùs affabilem effecere. Experrectus tam vegetis intuebatur oculis, tam præfenti attendebat animo, ut dormisse non videretur; somnum autem tam citò recuperabat, quàm abrumpebat, adeò curis omnibus procuratis dormiebat securus. In vestibus, omnis lenocinij negligens, cultusque incuriosus, intra tamen Ducis dignitatem. Circa cæli temporisque sæuitiam indifferens; & seu plueret, seu ringeret, seu gelaret, seu venti flarent, seu vesper seu nox esset, suisque deque habere. Inedia illi sæpè duos dies continuata. Lectus frequenter in rhedâ, aut aliquo militis tuguriolo. Nulla cibi, quietis, corporis proprii ratio. Perpetua grauissimorum negotiorum moles, & supra fidem labor. Animus difficultatum omnium victor, idemque ferè in aduersis ac prosperis vultus, in cuius pacatâ hilaritate militum spes acquiesceret. Consilia nec suo solius arbitrio probata, nec alijs communicata quàm necessarijs; non impetu præcipitata, sed quæ morâ valerent. Altum secreti silentium. Auditio nouorum consiliorum iuxta ac diffidentia, tamque lenta credulitas, quàm promptus anxiorum rumusculorum contemptus: nerui quippe atque artus sapientiæ sunt, nihil temerè credere. Prouidere, consultare, scribere, audire, imperare, castra obire, instar quotidiani lusus. Numquam fationem excusationi obtendere, numquam aditu prohibere. Affabilitas cum milite, cum agrestibus, cum exploratoribus, incorrupto semper Ducis honore; nec nisi quando opus. Cultus & beneficia erga infensos aut auersos, qui belli statum potentiâ corrumpere possent, maiora quàm in amicos; nullus cetera malevolentiae metus.

Capti Hagensi pago tres, qui fascem ingentem literarum, ^{*Tabelliones hostium eorum.*} tabaci quoque bonum numerum, lagenasque olei (quo secur-
bucum

bucum curaretur) vrbi inferre conabantur: ij literas Henrici Auriaci Principis Iustino inscriptas, in siluas abdiderunt, dum caperentur. Quæstio habita in vnum, qui aliàs sæpiùs ad urbem incuriosis vigilijs per castra penetrarat. Is tormenti dolore locum literasque indicauit. Scribebat Iustino Henricus:

Littera Henrici Nassauij ad Iustinum.

Mauritium fratrem suum fato concessisse. Eius se loco ab Ordinibus fœderatis Imperatorem exercitus creatum esse. Nihil eâ re moraturum suppetias: adfore cum exercitu (qui citiùs parari proficisci que non potuerat) post triduum, Dungeni in pago, secundo ab vrbe lapide, vnde vel è summa turri videri possent: facturum tentaturumque omnia soluendæ obsidionis causâ. Ipse tantummodò annonam, admetiendo minuendoque extraheret, suorumque patientiam, propositis tanti tam lecti exercitus studio ac voluntate, impendijsque maximis Ordinum, confirmaret. Illud etiam ad se scriberet, quâ parte, quid, quâve ratione faciendo, existimaret Spinolæ castra faciliùs perrumpi posse; quam in rem sibi cum suis suppetias venturo, studia vireque omnes coniungeret.

Varius obsessorum animus ob litteras acceptas.

Obsessi, qui eiusdem exempli literas perlatas ad se clam acceperant, hisce nuntijs mixtam dolori voluptatem capiebant. Lætitiâ suppetiarum nuntius, dolorem Mauritij prudentissimi vigilantissimi que Principis mors exprimebat. De summo turris culmine despectus latè in campos erat: visis auxilijs concurritur; fit gratulatio inter eos, atque omnium animi ad spem excitantur. Cornu, fugæ nostræ præcinere ex turri; de mœnibus, vt vasa colligeremus, vociferari: obliti seque & Bredam suam prædam nobis esse; nos autem, non ipsos, feræ huius venatores. Postquam Dungeni in pago hostilis exercitus confedisset, Henricus Nassauius copias suas nostris propiùs admoturus, turrim Oosterhautanam (quam ad speculæ vsum xxi. Burgundiones nostri custodiebant) præmisâ non parua peditum equitumque manu, adiectis ferue-

Obsessorum inane gaudium.

Henricus Nassauius frustra Oosterhautanam turrim tenet.

feruefactis pilis aliquot, oppugnatum venit. Admonitus eius rei Spinola, Petrum de Aguirre, equitum Præfectum, cum turmâ cognitum præmisit. Is, antecursoribus Henrici Nassauij fugatis, hosti suspicionem iniecit secuturi reliqui equitatus. Interea Burgundiones cum recusarent hostis sese arbitrio permittere, prius omnem fortunam experiri maluerunt, quàm turpem deditionem, nullis pactis conditionibus, facere. Hostes portis tormento suffractis, in turrim templumque iniecto igne (cum nihil ultra valerent) re infectâ discessere. Occisi Burgundiones quinque, septem incendij flammâ perstricti. Ex tanto hostium numero sauciati desideratique multi, quos nostri saxorum iactu obruerant, cum puluerem, incendij metu, prudenter fastigio turris deuoluissent. Ita minimâ manu non paruus exercitus impeditus. Burgundiones adustis vultibus, cerusâ atque vnguento delibutis, pulchra vulnera ostendentes, stipendij vnius representatione, perpetuoque augmento, à Spinolâ honorati sunt. Optio, qui vigilijs præfuerat, vexillo donatus.

Obsessi, cum iam neque literas acciperent, neque tutò rebelliones vrbe egredi possent, hirundinem, quæ schediolum pennis alligatum sublimè perferret, emisere. Isenburgici milites auem chartæ indicio obseruatam, funiculi que impedimento delapsam, capiunt, ac Comiti Isenburgico tradunt, qui deinde Marchioni Spinolæ transmissit. Hæ schedio notæ erant inscriptæ, 1 - 69 - 2 - 76. Iam summa orbe toto expectatio erat excitata noui alicuius ad Bredam euentus. Huc Regum Principumque omnium oculi, atque arrectæ aures. Ipse Turcarum Imperator pro vario belli exitu hanc illamve in partem videbatur arma conuersurus, aut pacturus pacem. Adeò non de Bredâ, sed de gloriâ, de existimatione, ob submissa tot vndeque auxilia, iam agi censebatur.

Idibus Maij, post noctis medium, Henricus Nassauius fortunam tentaturus, etsi accepto aliquo detrimento, tamen summâ exercitus saluâ, extrema Heydenfis pagi castra (loco

N

& ad

Viginti & unus Burgundiones hostium bonam manum sustinens, pellunt.

Burgundionum virtus premio ornata.

Hirundo cum schediolo à Bredamissa.

Henricus Nassauius castra nostra adiungit.

& ad committendum prælium & ad introrumpendum satis alieno) oppugnari fecit. Aggeribus nempe non amplius duobus Seuenbergano & Gertrudibergensi aditus ei patebat. Horum ille fluuio interlabente abscissus, valloque paruo extrorsum præfectus; hic fossis siccis duabus intersectus, turri, loricâ, & castello non vulgaris formæ munitus erat. Sed nimirum nouo belli Imperatori, nominis obtinendi cupidô, fraternæ felicitatis emulatione inflammata, iam facilia

Angli ducenti triarii impressionem suscipiunt.

Ordo agminis hostilis.

omnia ex difficillimis redegerat. Hoc igitur aggere Gertrudibergensi Anglos iaculatores lectissimos, hastatosque è triarijs ducentos antemittit, omnes cataphractos, ductore Tribuno Verio Anglo, quem ceteri Angli comitabantur, Gallis Germanisque subsequenter, vt Anglos sustentarent; vniuersi ad millia ferè vi. Tormenta maiora impedimentaque extremo in agminecerant. Equitatus à latere stabat. Ipse Henricus Nassauius in medijs copijs consistens, euentum operiebatur.

Spinola prodita hostium molitio.

Hostium aduentus expectatur.

Spinola eius molitionis indicio accepto, celerrimè ad Paulum Ballionium & Carolum Roma ijs castris dispositos misit admonitum, vt præstò in armis sint; hostem eâ nocte ijs castris, quid possit, experturum. Illi subito custodias procubitoresque; stationibus locare, militem disponere, Duces Præfectosque omnes admonere, ceteraque quæ ex vsu sunt procurare. Primo diei crepusculo Nassauius diuerso planè loco, ad fallendum nostros, haud procul Balanconij castris (quasi illac perrupturus) signis cani iubet. At hostile agmen haud procul Ballionij castris aberat, vt erat constitutum; celeriusque; stationarium militem pro castris excubantè oppressit, quàm

Italæ stationi prima prouisum.

Angli Italos inuicuiâ depellunt.

renunciare eius aduentum socijs à tergo posset. Prouisum ei vitio fuisset, si vel eques vnus in aggere excubasset; & fortè poterat tantillâ sollicitudine vniuersus ille hostium exercitus deleri: certè quin maior fuisset clades, dubitari non potest. Angli summâ animi fortitudine audaciaque; turriculam adorti, signiferum cum paucis qui inerant Italici, iactu feruefactarum pilarum depellunt, inque muros connituntur, nonnullis

lis interfectis. Deinde iaculatoribus post turrim locatis, & in fossas interfecti aggeris ad præeuntium tutelam depressis, brachio castelli foribus obiecto, eâdem audaciâ felicitateque succedunt, signumque ab latere castello inferre, & manibus pedibusque in muros adniti conantur. Scalæ nimirum & harpagones in extremo agmine ab aurigis metuentibus relictæ erant, cum vehicula promouere non ausi, diffugissent formidine tormentorum. Ita maximarum molitionum successus, res sæpè minimæ interpellant. Tum primum nos quoque turriculæ fossarumque nostrarum vitium experti sumus; quibus singulis si seps lignea iusto interuallo fuisset præfixa (vti fuerat constitutum, sed vel obliuione, vel materiæ aduehendæ molestiâ prætermisum) neque hostis tam facile penetrasset, neque fertefactas pilas adijcere potuisset, neque in fossis ipsis reclusus delituisse aduersus tormēta. Itali igitur qui Scuenbergani aggeris loriculam tuebantur, admissio iam propius hoste dilapsi, vacuam ei munitiunculam reliquere, cum tueri, hac parte apertam, omnino non possent. Angli hoc animo certabant, vt nullum aliud tempus ad conandum habituri videretur, neque res eis vlla deerat ad virtutem. Carolus Roma, Italicæ legionis pro Marchione Campolattario Legatus, suis laborantibus Camillum Phœnicem cum cohorte ad turriculæ tutelam subsidio summittit; sed is fugientes neque aduentu suo confirmare, neque ipse hostium impetum sustinere valuit. Ita quod subsidio additum, periculum augebat. Eum ergo vbi retrocedere, cum ceteris turri depulsis, Carolus Roma videt, scuto redeuntis brachio detracto (quod ipse eò sine scuto venerat) prior gladio stricto scutoque pugnam inclinatam instaurans, Anglos fortissimè obsistentes Cæsariannâ audaciâ adortus, generosiùs eò vnde venerant submouit, eorumque impetum retardauit. Tum præcipitare sese de turri aceruatim, qui nostros ipsi deiecerant. Alij paulatim se recipere. Multi vulnerati cæsi que cadere. Non pauci per paludes salutem sibi exitumque querere. Qui signum castel-

Angli loricam præ castris foribus insudant.

Vitium molitionum nostrarum animaduersum.

Itali alij in tempore se recipiunt.

Anglorum pugnantium fortitudo.

Caroli Romæ prudentia & illustris audacia facinus.

Hostium clades.

lo inferre conabatur, hastâ traiectus occubuit. Terni, qui proximum castello brachium inuaserant, præ castelli foribus cæsi; ceteri qui cominùs certabant, omnes, traiecto ferè capite ceruicibusque, tam pulchris vulneribus occubûere, quàm pulchram mortem pugnando fortiter merebâtur, digni vincere, nisi nostri etiam fortiùs meliori que pro causâ decertaissent. Qui eminùs iaculabantur, tormenti maioris perpetuis ictibus, plerique miserandum in modum discerpti laniatique, manibus, pedibus, capitibus mutilabantur; cùm nulla ferè in confertos pila frustra adijceretur, quæ non plures simul trucidaret, ob varios aggeris flexus. Extremi Angli Galli que ob angustias aggeris difficilè prioribus succedere, recessu dato, potuère; ita se constipauerant. Quo animaduerso, nostris eos vrgentibus, illi paulatim sese recepère. Tantum Henrici Nassauij præsentia valuit, ne terrore periculove turbarentur. Receptus igitur nihilo perturbator accessu fuit, ita ordines quisque suos tenuère. Præ ceteris eo prælio spectata Verij ductoris excellentissima virtus, primo in agmine stantis. Is inter confertas pilas, pari semper animi constantiâ, recedentibus novos, læsis integros, fessis recentes submittebat, donec certamen lento vtrimque receptu dirimeretur. quamquam apparebat, singulos ita prælijs exercitatos, vt quid fieri oporteret, non minùs commodè ipsi sibi præscribere, quàm ab alio edoceri possent. Ea pugna (cùm aduersus ventus aliò strepitum omnem tormentorum differret) neque ex vrbe, neq; ex alijs castris nostris, audita est. Nuntij duo, qui ad Spinolam dimissi, aut ignari aut perturbati, proximâ eum statione quot noctibus excubantem præteruecti, ab Ginekâ, è solito scilicet tabernaculo, accersitum currunt. Ita peracta priùs pugna, quàm vel Spinolæ nuntiata fuit. Manè visâ primùm miserandæ cladis facies. Agger constratus cadaueribus, nec aliud quàm mixtus puluere cruor, & infecta sanguine humus: effusa tormentis ilia, præfecta capita, manus pedesque dissipati, & laniata cæforum corpora, spectaculum horribile quaquà

*Eminùs
stantium dis-
crimen &
strages.*

*Hosium pul-
cher receptus.*

*Verij Angli
Tribuni con-
stantia.*


*Ipsorum
triariorum
exercitata
virtus.*


*Nuntiorum
in quærendo
Spinolæ esi-
stantia.*

*Quanta in
aggeri cadet.*

*Miseranda
corporum la-
mina.*







A. *Agger Gertrudibergensis.*

B. *Agger Seuenberganus.*

C. *Statio Caroli Romia.*

D. *Castra Pndli Ballionij.*

E. *Castra nupera Mauritiij
in pago Medensi.*

F. *Agmen hostile.*

G. *Stagna palustria.*

H. *Flumen Merka.*

I. *Sepes lignee quatuor
in ipso flumine.*


quà visus erat. Pars in paludes se præcipitauerant; pars semi-
uiui grauè suspirabant, qui à nostris in castra ducti, deinde
obiêre. Supra ducentos perijsse, Henrici Principis ad Iusti-
num literis cognitum; cùm quingentos omnino cefos eorum
perfugæ memorarent. Octoni denique inter eos Centuriones,
ordinumve ductores, alijque natalibus illustres. Cecidêre è <sup>Paucissimi à
nostris cefi.</sup>
nostris non amplius duodenis, denisque quinis. In his pedi-
tum Centurio Camillus Phœnix, castelli portam defendens.
Dexterâ mutilatus, dum fortissimè pugnat, Ioannes Bapti-
sta Vrsinus peditum Præfectus. Ita gens quæ Bredam olim
Regi malè seruarat, immanè quantum exarferit animis, vt
vitium virtute deleteret. Spinola, locis ijs, quæ hostis obtinue-
rat, inspectis, aggerem loricâ maiore, brachioque obiecto, <sup>Heydensia
castra nemis
operibus in-
struantur.</sup>
muniri, transuersis longiorum sepibus quaternis distingui,
vallo laterali ad castellum adiecto, ad vsque ripas fluminis
discludi, & hîc munitione quadratâ alijsque id genus operi-
bus firmari; tormenta denique plura disponi iussit. Val-
lum præterea vetus, quod myriceto Oosterhautano obiace-
bat, longitudine passuum ferè bis mille, muro crassiore fir-
mari aduersus ictum tormentorum imperauit, nouis muni-
tionibus aggeribusque nonnullis extrorsum adiectis, veteri-
busque mutatis. Atque vt ingens erat id spatium (quod Te-
teringam & Heydam inter vallo erat complexus) multo pe-
dite equitèque expleuit, magnis è stramine argillâque statio-
num domicilijs ædificatis. Huius victoriæ nuntios (ne ob-
sessi ignorarent) miles noster ex vicino vndique vallo publi-
cavit, suppetias vrbî missas, per iocum militarem exclaman-
do. Eâ famâ perculsi obsessi, cùm neque suppetias aduenire
viderent, & Mauritij recens amissi memoria obuersaretur,
& equinâ iam miles vesceretur, & reliqua annona ingraue-
sceret indies, adèd, vt butyri libra veniret florenis vi. vitu-
lus dies septemdecim natus XLVIII. porcellus CXV. taba-
ci libra florenis c. quòd granaria & arcæ omnium denuò
excuterentur, & quidam qui frumentum compressisse fue-

Planicijs
Oosterhaut-
ana proste-
rium.


Obsessis sua-
rum suppeti-
arum cedes
nuntiatur.

Annona Bre-
dana graui-
ssima.

Agger Oosterhautanae planicie impositus.



*Agger Castello Beauuoxiano adiunctus
aduersus planiciem Oosterhautanam.*



rat compertus, in custodiam esset abstractus: quòd pisto-
ribus sumptuariâ lege interdictum, panem vendere, nisi
militiæ Præfectis; Præfectis, nisi selibram panis militi in

*Annona per-
cussionis mi-
litem tergue-
re plus minus
accipit.*

integrum diutius seruari abdique posset) prohibitum esset:
has ob res, effractis pistorum domibus, seditio Gallos An-
glôsque inter coorta, Tribunos haud parum sollicitos ha-
buit; sed mox auctoribus tribus in vincula abductis, pristina-
que emendi panis licentiâ concessâ, compressa prius seditio,
quàm vagata fuit. Prætor Præfectique ceteros hortatu in of-
ficio continuêre; vitia præsidij omnia non aliter ac corporis
vulnera obtegentes. Post exiguum tamen temporis, cùm
granaria horreâque omnia excutere denuò inopia coëgisset,
ciuitate in classes triginta duas tributâ (nè vel tuguriolum
minimum præteriretur) non ampliùs vicenis quinis mensu-
ris siliginis repertum fuit.

*Seditio ca-
pta, septim.*

*Frateris
Præfectorum
diligentia.*

*Exiguum
frumenti
Breda reper-
tum.*

Henricus Nassauius, visâ Anglorum clade; perculsus, an-
cepssque quid ageret; dum suos in castra receptos continet,
multosque per fugam amittit, cum suis consilia capit, an
iterùm impressionem in nos faceret, an alio, an eodem adi-
tu, an potius abstineret. Spinola vicinis copijs omnibus ho-
stem diu noctuque expectans, id simul agebat maximè, vt
quid tandem Nassauius statuisset, indicio assequeretur. Ta-
bellio ille noster dexterrimus, visus rei huic opportunus, nisi
quòd Henrico Nassauio non item vt Mauritio esset notus.

*Henrici Nas-
sauy stultitia.*

*Spinola inde-
fessa vigi-
lantia.*

Igitur arte in notitiam ductus. Cùm in castris nostris clàm
retineretur, eius vxor ad Henricum Nassauium in castra
profecta, de morbo, quem maritus suus ferendis per hibernas
aquis Mauritij ad Bredam literis, contraxisset, multa cum
eo quæstâ, reliquum promissi præmij, sed insoluti, exegit. Ille
spe fidi tabellionis nanciscendi lætus, liberaliùs etiam solu-
turum recepit, si modò suas vnas, vt plures fratris, in urbem
maritus ferre velit. Vxor mariti morbum causari, & pericu-
lum. Tandem flecti vxor haud inuita, & inuitè tamen ope-

*Vxor rustica-
ni tabellio-
nis fraudem
orditur. &
Henricum
Nassauium
circumspicit.*

ram

ram ad persuadendum polliceri. Abit vxor: redit maritus semiclaudus, quasi pedibus hiberno gelu debilitatis. Paciscitur cum homine, vt putabat, fido, Henricus Nassauus, suafque Iustino in urbem perferendas tradit. Tabellio rem longè, vt aiebat, difficillimam tentare pollicetur, acceptisque cum stipendio literis discedit. Acceptas statim Spinolæ in castra adfert, perpetuoque stipendio donatus abit.

*Argumentum
Henrici
Nassauus ad
Iustinum.*

Monebat ijs literis Iustinum Henricus acceptæ nuper cladis, dum tentaret Heydensia castra. Ex eo die, firmiore etiam vndeque vallo nos videri cinctos, neque perumpi posse. Meminisse quàm in paucos dies obsessis iam suppeteret annona. Quare ne temporibus exclusus dedecoris aliquid cum socijs accipere, prolatando, tandem cogatur, tempestiuè prouideret, neque nimiam suam pertinaciam, omnium fortunas perturbari vellet. Indicium autem faceret hisce literis acceptis, exploso sub medium noctis triplici tormento, ignibusque post horæ interuallum, significatione de turri factâ, quot dierum cibaria etiamnum superessent obsessis. Securus interea, si qua se obtulerit ferendæ opis occasio, eam promptissime abs se atque à toto exercitu arreptum iri. Prius in urbem aduenerat aliud earumdem literarum exemplum, quàm aut Spinola suum accepisset, aut notis quibus literæ scriptæ essent, explicatis, eas intellexisset. Eques quidam Comitum Styrum, viarum omnium peritissimus, claro die per castra nostra in urbem euaserat, quem aduentantem Bredani nouem dispoſitionibus tormentorum læti accepere. Id igitur nocturnum indicium, præmisso trium tormentorum sono, prius factum erat, quàm quid eo significaretur, nos certum scire possemus, etiam si suspicaremur. Vndecies ignem ediderant, dierum totidem annonam superesse indicantes.

*Henricus
Nassauus litera
per castra
nostra à Io-
anne Han-
nen claro die
Breda inſe-
runtur.
Bredani ex
summa turri
ignibus signi-
ficationem
faciunt, quot
dies se susti-
nere possint.*

*In castra Spi-
nola venit
Serenissimus
VVolfgangus
VWilhelmus,
Bauaria, Iu-
lia, Clinia,
Montium
Dux.*

Per eos dies ex Hispaniâ redux in castra videndi studio venit Serenissimus VVolfgangus VWilhelmus, Bauariæ, Iuliæ, Cluiæ, Montium Dux. Occurrit aduentanti Spinola procul castris, proprioque discedens tabernaculo, Heroem tantum,

tum, quantâ potuit maximâ voluntatis significatione, accepit. Gratulatum ei machinarum omnium festo sono, ceteroque militaris lætitiæ plausu. Alijs deinde diebus opera omnia circumductus, obsidij magnitudinem firmitatemque est admiratus. Narrabat, sibi dixisse Galliæ Regem (cùm per eos redux haberet iter) credere se non posse, Bredam à Spinolâ eâ obsidione occupatum iri. Multa tamen id temporis felicem nobis obsidij exitum pollicebantur. Quotidiana Gallorum à Mansfeldico fuga, hostis in subueniendo mora, annonæ intra urbem penuria, obsessorum cum morbis conflictatio, medicamentorum caritas tanta, ut tabaci illati, quantum alibi constiterat scutis non amplius quatuor, venierit in urbe florenis mille ducentis; quo remedio scilicet aduersus scurbuci morbum utebantur. Octidui præterea intervallo hostilibus castris abacti equi supra sexcentos, ut malè custoditi pascebantur. Hanc prædam talione redhibere cùm sperasset Pro-præfectus equitum Marquettæ Dominus, sexaginta octo cohortium equestrium numero comitatum nostrum improvise aggredi parat. Sex igitur cohortibus Randvvickio Duce præmissis, ceteris in insidias abditis, vectores (qui incomitati aliud contra Bergij imperia iter inierant) inuadere, equos abigere, carros sarcinasque diripere, annonam effundere. Henricus Bergius, periculorum providus, etsi huius profectionis ignarus, iamdudum cohortes equestres aliquot excubare iusserat ad omnes viarum aditus, ne quâ hostes improvise introrumpere possent. Quod ut certius efficeret, in primis gravissimè sanxerat, ne quisquâ Ductorum, quando excubandum esset, à cohorte abesset. Præterea, uti quàm longissimè ab castris, cohors stationem collocaret. Deinde, uti procubitores aliquot bono ab statione intervallo cohortem præirent. Denique, ut stationarius eques aliquis ante procubitores vigilaret ad captandum hostis aduentum: quo audito, ille signum ederet, reciperetque sese ad procubitores. Hi, visâ maiore manu, retrocederent ad

*Opinio Gal-
liæ Regis de
obsidione
Bredanâ.*

*Ingeni tabaci
pretium.*

*Tentatur ab
hoste com-
mitatus ne-
scit.*

*Circumsp-
cit certam
stationem
collocanda-
rum ratio à
Bergio præ-
scripta.*

O

cohor-

cohortis reliquæ stationem. Cohors arma expediret, pugnarétque, nisi impar numero foret; tum ipsa demum ad castra rediret. Hoc modo nimirum & retardari hostis aduentus, & custodiæ, etsi procul positæ, sine periculo sese recipere, & castra tota armari in tempore posse videbantur. Fortè igitur eius diei custodiæ obuenerant Hermannò Comiti Bergio, Henrici Bergij filio, iuueni animi magni, patriæque virtutis imitatori. Is audito (vt propè aderat) tumultu, collectaque non magnâ suorum manu, interritus inuolat in plenum spoliantium agmen, semel, iterum per medios vectus, sternit nonnullos, perturbat terrétque ceteros. Hos in fugam agit.

*Hermannus
Bergij Comi-
tis virtus.*

*Hostilis equi-
tatus cõuer-
sio ex pau-
corum fugâ.*

*Nummus qui-
dã commea-
tus ab hoste
interceptus.*

*Henricus
Nassauius
incendia mo-
liunt.*

*Incendiarij
capti.*

*Henricus
Nassauius
desperatâ ob-
sisionis solu-
tioni descendit.*

*Henricus
Bergius no-
mine Spinola
deditionem
petit.*

Hi alios de totius equitatus nostri aduentu monent. Ita præoccupatus eorum animus, timore & fugâ primorum, nihil de resistendo cogitabat. Equos dimittunt, sarcinas projiciunt, relictâ prædâ discedunt. Ne vnum ergo commeatum hostes tantis aduocatis copijs, tam longo obsidionis tempore, tam iniquis longisque itineribus, vmquam intercipere valuère. Henricus Nassauius occasionum haud segnis, ne studij quidquam (vti dixerat) prætermitteret ad soluendam obsidionem, lixas rusticanosque vernas aliquot, nummis pollicitationibusque corruptos, ad ignem castris nostris, armamentarioque, si possent, inferendum submisit. Spinola, incendiarijs aliquot deprehensis, ne quid detrimenti sua castra acciperent, prouidit.

Henricus Nassauius, rebus omnibus frustra tentatis, castrisque Dungenſi in pago succensis, v. i. Kalendas Iunias in Langeſtratam noctu retrocessit. Receptum tot nominibus obscurum, noctis ipsius tempestas, ventorum turbine, densissimòque imbre insigniuit. Miles vix è vestigio progredi, tormenta in luto hære, ordines turbari.

Spinola, discessu accepto, Iustinum Nassauium Henrici Bergij literis (quod is & Nassauijs sanguine iunctus esset, & patrios gentis mores linguamque calleret) monendum duxit, quid de suorum auxilijs iam retrogressis sperare deberet.

Scribit

» Scribit igitur Iustino Bergius, promittitque Spinolæ verbis,
 » effecturum se vt honestis conditionibus in deditionem ac-
 » cipiantur, si de compositione agere velint: quare ad certum
 » tempus locumque, secum collocuturus, ex vrbe prodiret.

Iustinus (ne festinando quidquam peccaret in famam) <sup>Iustini Naf-
saei respon-
sum.</sup>
 » corniculario remisso respondet : De auxiliorum suppetijs
 » quid esset, à triduo se Henrici Nassauij literis esse edoctum.
 » Si quid amplius ipse sciret, id literis indicare ne grauaretur; se
 » febris affectum prodire non posse. Spinola postridie literas <sup>Spinola ipsa
quas inter-
ceperat lita-
ras Iustino
Nassauio
mittendae.</sup>
 » ipsas Henrici Nassauij autographas, notis (vt erant) perple-
 » xas, alterumque earum exemplum literis perscriptum, Iusti-
 » no mittendum, Henrico Bergio dedit, ne deditionem pro-
 » ferret. Iustinus cognito, quod res omnes suæ suorumque
 » paterent, Henrico Bergio, pro eius in se voluntate, gratias
 » egit, promisitque cum Spinolâ se compositurum, si is mo-
 » dō honestis conditionibus, quibus tot fortes sodales sui ci- <sup>Iustinus de-
ditionem
pollicetur.</sup>
 » uesque digni haud dubiè videbantur (quodque ipse verbis
 » eius scripserat) pacisci decreuisset. Henricus Bergius impe- <sup>Spinola Ber-
gium pro-
missa liberat,
et honestas
deditionis
conditiones
offert.</sup>
 » tratis Spinolæ literis, quibus Iustino, militibus, ciuibusque
 » Bredanis honestas deditionis conditiones pollicebatur, si
 » modo omni præcisâ morâ tractationem ordirentur, neque
 » diem postularent longiorem; eas statim Iustino misit: affir-
 » mans (vt iisdem literis scribebatur) arbitrio suo rerum om- <sup>Spinola Ber-
gio rerum
omnium a-
gendarum
licentiam
permisit.</sup>
 » nium agendarum licentiam esse permissam; quare postridie
 » obuios ex vrbe mitteret, itineris medio, suas nostrasque mu-
 » nitiones inter, qui, quas ipse peteret condiciones, scripto of-
 » ferrent; se contra eodem loci ex castris esse conuenturum.

Ad id usque temporis interioris valli nostri circulus per-
 petuo nauarum militumque studio perficiebatur, nec mul-
 tum operis addendum restabat, nondum plene perfectio;
 cum operæ Comitem Bergium fortè confisicet, militari fa-
 ctiâ cum appellant; eequid vallo perficiendo opus sit, si iam
 de compositione tractetur. Ille declinare eos vix iusserat, cum
 ligones abijciunt, exilientes latitij, ad otium haud paulo

Literis Spinola & Bergij lectis, decernitur componendi locus & tempus.

quàm ad laborem paratiores. Iustinus has utrasque Spinolæ & Bergij acceptas, Tribunis in belli concilium vocatis, proponit. Respondendum decernitur: Placuisse, quæ Spinola, quæ Bergius pollicentur. Quo Senatusconsulto concepto, missis literis rogatur Henricus Bergius, postridie post septimam è castris prodire, missoque corniculario, de aduentus sui loco monere; adfore ex vrbe, qui conditiones publico nomine petitori sint.

Henricus Bergius è castris prodit in colloquium cum obsessa.

Postridie, qui vltimus Maij dies erat, Henricus Bergius multâ Nobilitate stipatus, ad horam dictam è castris prodit, missoque buccinatore, Iustinum de aduentu suo docet. Egredientibus ex vrbe, quibuscum tractandum erat, Nobilitatem eminùs resistere Comes Bergius iubet, soloque Regis Marchionisque Spinolæ Secretario Routartio comitatus procedit. Medio itineris remanentem Legati accessere, Protribunus De la Caze, militari custodiæ Principis Præfectus de Dyden, Centurio Zouche, Prætor Aertsenius, Consul, paucique Senatores. Accessit denique Tribunus Hauteruius. Hi literis fiduciæ datis, pactiõis conditiones scripto conceptas obtulere. De ijs vtrò citroque actum, nec nisi capita duo reiectanea fuere, de tertio dubitatum. Conuentu soluto, in tertiam pomeridianam colloquium reiectum. De prandio nostri intra extimam munitionem sub tabernaculum eâ causâ expansum (spectantibus confertim omnibus de muro) admissi. Hic pertractari compositio

Obsessorum Legati ex vrbe obtinunt Bergio prodent.

Offerunt obsessi pactiõis conditiones, quas petunt.

Raditur in secundum colloquium.

Spinola & Bergius ad petitas conditiones accedunt, duobus tantum pugant.

Marobius Spinola in duobus libralis.

coæpta, negatumque quod displicuerat manè: de Religionis nimirum libertate hæreticis ciuibus concedendâ, eorumque cadaueribus in cœmeterio sepeliendis. Disputatum deinde de tormentis maioribus quatuor, mortariisque æneis duobus, vnâ cum præsidio educendis. Id parum obsessis, nimium Henrico Bergio visum.

Igitur Routartius ad Spinolam allegatus est, rogatum quid censeret. Respondit Spinola, nec tantillum se negare velle. Obsessi responso læti, gratias egere. Tum rebus eò addu-

adductis, merenda illata est. Mox Iustinus Nassavius vrbis Præfectus, ceterique Tribuni, præcipuaque quæ inerat Nobilitas, adueniunt. Nostri etiam, qui magno numero ^{Obsessorum nostrorumque} haud procul aberant, congressi, inuicem lætas miscuere gratulationes.

Kalendis Iunijs missus ad Spinolam Præfectus militari ^{Exemplum conditum} custodiæ Principis de Dyden, cum gemino pactionis exemplo, ut prior utriusque signum suum Spinola inscriberet, referretque mox ipse alterum, à Iustino signandum, remittendumque, altero retento. Tum currus MCC. nauesque LXX. ^{Curru nauesque concessa ad agros & suppellectilem auferendam.} petita ad agros sanosque, cum vasis, vniuersaque suppellectili exportandos. Currus concessi plures petitis, nauesque quot ^{Obsides dati.} quot Bredano in flumine erant. Obsides deinde utrimque dati. A Bredanis, Protribunus De la Caze, & peditum Anglorum Centurio Ogle. A Spinolâ, Optio Franciscus Lofanus, & Germanicæ cohortis Præfectus Carolus Philippus le Comte. Hæc autem capita fuere pactionis scripto editæ, quâ Regi Breda dedita est:

I.

BREDÆ Gubernator, Tribuni, Præfecti, Magistratusque ^{Capita pactionis petita à Gubernatore præfidiis Bredano.} reliqui militares, milites, seu equo seu pedibus mereant, vrbe egredi permittuntur. Consuetudo militiæ ritu armatis, inque ordines tributis, discedendi potestas esto. Pedites explicatis vexillis, pulsatis consueto sonò tympanis, pleno armorum apparatu, pilis in os insertis, incendiarijs funibus utrimque ardentibus, baltheis à puluere, fomite incendiario, glandiumque numero instructis: equites clangente tubarum ære, signis euolutis, armati, vehentisque (quo more in hostem tendere solent) abeunt. Nemo stipendiariorum (cuiuscumque fuerit gentis) vllâ omnino de causâ (ne quidem stipendij olim Hispano Regi aut Archiducibus aut Infanti Isabellæ facti) retinetor. Breuissimo commodissimoque itinere Gertrudibergam in Hollandiam, absque omni interpellatione,

latione, maleficio, iniuriâque, incolumi vitâ, corpore, armis, equis, vasis, sarcinisque (eâ fidei pactione, quâ conueniet) omnes proficiscuntur. Amplius, educendi vxores, liberos, familiam, supellectilem, vasa, equos, carros, arma militum seu mortuorum, seu ægrorum, seu fugitiuorum, nullâ inspectionis (per quemcumque prætextum admittendæ) obligatione, facultas esto.

I I.

Verbi-præcones, recognitores, publicani, eorumque scribæ, Architecti, honorarij rei machinariæ administri, Iudex Senatus militaris, artifices incendiorum, Præfectus cuniculariorum, iaculatores tormentarij, legionum cohortiumque chirurgi, opifices machinis addicti, nautæ, tabelliones, operum curatores, latrunculatores, fossores cunicularij, fabri lignarij ac ferrarij, annonæ structores, aliisque munitionum machinarumque opifices omnes, eorû vxores, liberi, serui, equi, arma, superiore capite continentur, eiûsque gratiâ fruuntur.

I I I.

Naues quæcumque Bredæ in præsentia reperientur, tam à Tribunis militaribus quàm alijs appulsæ, cum omnibus armamentis in Hollandiam dimittuntur. Et quidem à nautis gubernantur, oneranturque tam eorum familijs quàm re familiari, armis, supellectile, impedimentis quoque Tribunalium, Præfectorum, aliorumque Magistratuum militarium. Ægris præterea, eorumque curatoribus, reliquisque quibus per eam opportunitatem in Hollandiam nauigandi fuerit libido, complentur. Eâ re fluminis interclusi viâ patefunt; in dies deinde duodenos, à primo signatæ pactionis, prius quàm præsidium excedat, patefactæ seruantur; ut tunc dictæ naues cum oneribus, ceterisque quæ inerunt rebus, iter habeant, dum ad reliquas bellicas applicuerint in Blæc, unde sese, quò visum fuerit, recipiant, utpote quæ iure mobilium rerum accensæ dominis, quorum erunt, cedere debeant. Concesso duodecim dierum intervallo, naues ab omni iniuriâ,

riâ, laceſſitione, noxaque immunes ſunt; neque à curſu ſuo aut illæ aut earum vectores auertuntur aut interpellantur. Excutere eas quocumque demum prætextu, nefas eſto. Si autem, vel quia flumen non fuiſſet patefactum, vel quia navigari nequiſſet, earum iter fuerit retardatum, nihil eius mœræ de conceſſo duodenûm dierum ſpatio præſecator; ſed id omne vacuum, liberumque eis cedito; vt nautæ, alijque ſeu flumine ſeu propter flumen, (quibus id commodius foret) iter tutò capeſſant. Si verò ex his, quædam, eorum qui Bredæ remanere vellent, eſſent naues; eæ nihilominus ad exportandos vectores impedimenta que præſidij, quàm mox ad dominos reuerſuræ, commodantur.

I V.

Carrorum æquus numerus (quem Bredæ Gubernator poſtulabit) ad euehendas Gertrudibergam ſuas, Tribunorum, Centurionum, Magiſtratum militarium, reliquorumque præſidiariorum ſarcinas ac vaſa (qui que inde in Ginekenſia caſtra, fidei publicæ interpoſitione, reducentur) à Marchione Spinolâ ſubminiſtrator.

V.

Gubernatori fas eſto exportare vnâ cum præſidio machinas quaternas, & mortaria duo, quorum ei eligendorum optio data fuerit, adiuncto eorum apparatu, pilatumque ac pulueris numero tanto, quanto ad iaculandum ſexies opus cuique erit. Eas autem machinas cum omni curruli vectorioque inſtrumento educet aut terrâ aut flumine, arbitratu commodoque ſuo. Has ob res Marchio Spinola equos currules aliòſque vnâ cum curribus ductoribùſque (ſi fuerit à Gubernatore rogatus) ad trahendas machinas, mortaria currùſque machinario inſtrumento addictos, commodato.

V I.

Auriaco Principi fas eſto, res mobiles omnes, quas in arce aut vrbe habuerit, cum in locum regionémve, quò aut ipſe aut alius (cui earum curandarum cautio erit) voluerint, export-

exportare. Aut eæ in Bredanâ arce tantisper asseruantor, dum de ijs Auriacus Princeps constituerit, interuallo minimum semestri. Tum verò nauibus nautisque qui ex Hollandiâ ad eas euehendas venerint, liber commeatus, nullo oblato impedimento, præstator.

V I I.

Si fortè nonnulli eorum, qui duobus prioribus capitibus continentur, vrbe egredi, vnâ cum præsidio, ob inuacuetudinem nequirent, ijs, donec vires valetudinemque instaurarint, remanendi cum vxoribus, familiâ, seruitijsque sine noxâ in vrbe facultas esto. Tum primo quoque tempore, tabulæ pacati certi que commeatus, quibus tuti quò libuerit proficiscantur, ijs dantor.

V I I I.

Nullus militaris Magistratus, aut miles, aut cohorti Præfectus, siue is vnâ cum præsidio, siue post reparatas à morbo vires discedere pararit (perinde ac nullus superiorum paciorum capitibus comprehensus) retineri valeto, sed dictorum capitum gratiâ quisque liber abito. Creditores autem solis debitorum nominibus, aut æquis solutionum stipulationibus contenti acquiescunto.

I X.

Gubernator, Præfecti, Magistratus militares, milites iam dictis capitibus contenti, aut alij quicumque stipendijs seruitijsque fœderatorum Ordinum astricti, qui Bredæ haberint domicilia, fundos, hereditates aut res mobiles (comprehensis etiam Præfectis, administris, equitibus cohortium Comitum Culenburgici, Comitum Styrum, & Domini à S. Martino; vti & viduis & liberis quoque earumdem aliarumque cohortium quæ abhinc biennio vrbi fuerint præsidio dispositæ) annuum & semestrem spatium habento, numeratum à mense post signata pacta, quo res suas pro placito exportent, vendant, oppignerent, alienent, permutent, tractent iure moreque consueto. Præterea eo toto temporis interuallo fruun-

fruuntor pensionum vectigalibus, elocationum mercedibus, hereditatum suarum fructibus reliquis, partis aut pariundis: ad summam, rebus omnibus intra urbem ad eos attinētibus.

X.

Milites seu præfidiarij seu castrenses (qui etiamnum in urbe aut in castris capti detinentur) quamprimùm à conditionibus signatis, nullâ lytri mercede, solâ expensorum æstimatione ex conuentis factâ, remittuntur.

X I.

In præfidiarios nulla de spolijs actio esto repetundarum, sed præda omnis eorum instrumento familiari accensetor.

X I I.

Post compositionis capita signata, Gubernatori Bredano certum hominem, qui fide publicâ commect, ad Aurium Principem allegare fas esto.

X I I I.

Conditionibus latis, induciæ sunt. vtrimque tamen suis quisque munitionibus, vti antè, sese contineto, neque diu noctûve appropinquandi ius esto.

X I V.

Priùs obsides bini dantur quàm præsidium excedat. Ij cateruas comitantor vsque Gertrudibergam, ibidemque duodenûm dierum spatio, quo flumen patefactum iri, patetæque explenda conuenit, remanento. Eo spatio lapso, si nihil fuerit pactorum violatum, reuertuntur.

X V.

Pactione factâ obsides vtrimque numero conditioneque pares traduntor, nostrique nobis, urbe deditâ, restituntor.

X V I.

Amplius etiam concessum, vt obsides è præsidio Bredano dati, quàm citò præsidium fuerit deductum, remittantur, ad iter vnâ cum præsidio faciundum.

X V I I.

Gubernator præsidiumque Bredenfe spondet, Bredâ se egres-

P

suros

furos die Iouis proximo, quinto vertentis Iunij, benè manè.

Scriptum in imâ cerâ.

Nos Iustinus Nassavius promittimus effectum daturos, vt seruentur ea quæ superioribus pactionis capitibus continentur hætenus, quatenus ad nos spectant. Quâ fide, de Tribunorum militarisq; Senatus sententiâ, eam hodie signauimus, postridie Kalendas Iunias, M. D. C. XXV.

Iustinus Nassavius.

I.

*Capita com-
positionis pe-
rita à Sena-
tu populiq;
Bredano.*

VENIA & amnestia omnium quæ admissa fuerint ab ciuibus & inquilinis Bredensibus, cuiuscumque sint conditionis (seu ante seu post vrbis receptionem anno M. D. X. C. ea admissa sint) promittitor, præstatorq; In nullum quæritor, nullûve malum conciscitor, ne prætextu quidem læsæ Maiestatis, alteriûsve cuiuscumque noxæ.

II.

Ciuiibus & inquilinis omnibus, tam absentibus quàm præsentibus, cuiuscumque conditionis, siue ij obnoxij sint seruituti sacramentôve Ordinum, vel Auriaci Principis, vel ciuitatis, siue sint immunes, vrbem biennio proximo inhabitandi, vitâ incolumi, nullâ in eorum Religionem institutâ quæstione, nullâ in alia sacra iurandi lege (dum ipsi vitam modestè procul omni offensâ degant) potestas esto. Vteo biennij spatio deliberent, placeâtne domicilium figere, an migrare. Quòd si migrare decreuerint, arbitratu suo abire permittuntor. Bonorum quoque suorum liberè potiuntor, vt ea aut efferant, vendant, alienent, obærent, oppignerent pro voluntate; aut recipienda administrandaq; redemptoribus locent. Eorum verò fortunæ, qui intra extrâve vrbem testati aut intestati diem obierint, vel heredibus institutis, vel proximis sanguine obueniuntor.

III.

Cuilibet ciuium inquilinorumq; (seu iuramento seruituti-

uitutiq̃ue fuerit obnoxius, seu liber) cui post hæc pacta conuenientia placuerit aut migrandi domicilij aut alterius rei causâ vrbe excedere, id ei facere quocumque tempore, pro libitu, quâ terrâ quâ aquâ, cum vxore, liberis, familiâ, supellectile, mercibus, alijsq̃ue rebus mobilibus, liceto, nullo quamcumque in speciem oblato impedimento, nullâ aliâ atque harumce pactiõnum auctoritate. Ijs verò qui voluerint aut domicilium figere, aut recipere sese in Regna, regiones, Prouincias, loca, vel neutrarum partium, vel tributis obnoxia, perpetuò absque omni molestiâ commeandi, mercatus negotiorumve causâ, per vrbes, locaq̃ue Hispano Regi subdita, deq̃ue rebus suis mobilibus alijsq̃ue statuendi arbitratu bonoq̃ue suo ius fasq̃ue esto. Catholicis autem ad reuifendas occupandasq̃ue suas intra urbem domos, nullo alio atque præsentium conditionum præsidio opus sit.

I V.

Qui rerum curandarum causâ in fœderatas Prouincias proficisci voluerint, ijs quater quotannis eò contendendi, (præmonito Gubernatore, à quo commeandi auctoritatem necessariò accipient) copia fiat; quam is, nisi iustâ causâ, recusare non valeo. Ij deinde redeunto intra spatium biennij concessi ab hisce pactiõnibus ratis; vt aut pergant urbem deinceps incolere, aut domicilium locis immunibus vectigalibusve ponere. His autem in locis non aliter atque alij iam dicti, & dictâ commeandi facultate, & reliquo quocumque harumce pactiõnum fructu gaudento.

V.

Verbi-præconibus liberè discedendi cum vxoribus, liberis, familiâ, fortunis rebusq̃ue mobilibus, absque omni maleficio damnòve, cautio esto. Has ob res carri ijs aut naues, spatiumq̃ue iustum rebus suis procurandis præstantor.

V I.

Qui post urbem interceptam, aut Seniorum, aut Diaconorum ministeria administrarint, nec non ij qui munus ali-

quod Ecclesiasticum gesserint, hac iuxta compositione comprehenduntor.

VII.

Administri quoque, actores, substituti, Quæstores, alijque cùm ciues tum inquilini, qui aut ærarium, aut rationes, aut stipendiorum numerationem, aut aliud munus quodpiam tractarint, hisce conditionibus continentor. Libera autem cum rebus suis omnibus, cum supellectili & chartaceis instrumentis, excedendi copia, iusque vtendi prætereà conuentionis huius præsidio, perinde ac ceteris, esto.

VIII.

Eâdem immunitate, quotquòt in vrbe sunt nautæ, qui suas hîc naues habent, quas & deducere secum poterunt, fruuntor.

IX.

Si vrbi à nauibus curribusque, ad commodandum ciuibus & inquilinis (qui vnà cum rebus suis supellectilique discedere vellent) haud satis esset prouisum ; eis intra concessi biennij spatium, alias eâ causâ naues currusque ex Hollandiâ aut aliunde accerfere (qui deinde reuerti liberè harumce tabularum licentiâ possint) fas esto.

X.

Ciuibus huiusque vrbis inquilinis, nullæ indiçiones oneræ amplius, ijs quæ per vniuersam Brabantiam minoribus maioribusque vrbibus ex æquo imposita sunt, iniunguntor.

XI.

Præsidium cùm equestre tum pedestre, optimâ quâ fieri poterit ratione, quantoque minimo ciuium damno, per vrbem tribuitor.

XII.

Hac item conuentione continentor, quicumque abfuerint aut suâ aut vrbis causâ, vti liberè in vrbem redire, pacis-que conuentis gaudere possint. Agrestes quoque qui in vrbem perfugere, rus sese recipere tuto possunt.

Qui

XIII.

Qui aliorum sacrorum cultor, intra pacti biennij tempus, diem in hac vrbe clauferit, honorato loco terræ mandator in horto aliquo vrbano; aut pro illius confanguineorúmque arbitrio cadauer extra urbem effertor.

XIV.

Senatusconsulta, decretáq; omnia capitalis subfellij, quibus intercessum hugusque non fuit, rata sunt, & effecta dantor.

XV.

Quicumque antehac vrbi pecuniam mutuam dederint, & mutuum repetere, & versuram redhibere possunt. Quotannis verò à Senatu, quibus reditus pendendi sunt, sui fructus, eorúmque reliqua pensitabuntur.

Hæc omnia quæcumque hoc foedere sancta atque perscripta fuere; assensa, rata, atque conuenta ab Marchione Spinolâ, vrbisque Legatis, signata sunt; promittente eodem Marchione, se operam daturum vti fanciatur publicis quoq; Sereniss. Hispaniarum Infantis tabulis, maiore eius sigillo signatis, intra dies quindecim. Actum 11. Iunij, M. DC. XXV.

Multi, quibus pronumerat ad asperiora ingenium, auditis tam bonis lenibúsque conditionibus, mirari Spinolæ adversus hostem clementiam; nonnulli remissionem etiam criminari. Aiebant, oportuisse grauius decernere, & aut sub hastam obfessos mitti, aut non nisi armis traditis eos accipi in deditionem debuisse, qui præfractâ suâ pertinaciâ eò se periculi adduxissent, vt fame etiam enecti fuissent, si vel biduo amplius fuissent inclusi. Et cur vltro honestarum ijs conditionum optio offerretur, quibus vel concessa vita, beneficij nimij loco esse deberet? Saltem expectandum tantisper à Spinolâ fuisse, dum id eis euenisset, quod plerumque hominibus nimia pertinaciâ accidere solet; vti eò recurrant, atque id cupidissime petant, quod prius contempserunt. Orassent nimirum prius ipsi deditionem, quàm vltro eis fuisset oblata. Deinde, cur egredi prius deterior pars ciuium, incolumi su-

P 3

pelle-

*Quorumdã
obscuro
adversus cle-
mentiam
Spinolæ.*

*Cinium re-
manentium
querela.*

pellectili impedimentisque, sinatur, quàm ea pecunia ab Senatu Catholicis remanentibus esset soluta, quæ ad exstruenda opera, numerandaque stipendia, publico communiq̃ue fuerat sacramento extorta? Ita nimirum sapienter queri videbantur, qui priuatis rationibus assuefacti, res etiam Imperij maximas eodem pede metiri consueuere, nescientes Principum diuersam esse sortem, quibus præcipua rerum, ad famam dirigenda. At Spinola plus sapere cos intelligens qui lenius sequiunt, clementiæ quæ famam seueritatis nomine esse opportuniorem, cùm quantum publici interesset, tam diu districta ad Bredam Regis arma quàm citissimè expedire (ob Gallicos, Italicos, Germanicos, Danicosque motus) non ignoraret; maiore in lucro minimum etiam temporis compendium ponebat, quàm Bredæ totius non magna spolia, aut tantillum hostium (qui fortiter sese defenderant) pudorem; veteris illius memor, *Esse vbi damnum facere, quàm lucrum, præstet.* Et verò plus etiam Regis sui (quem hoc loco gerebat) Maiestati clementiæ quæ, quàm gloriæ suæ aut vindictæ consulendum existimabat. Sordidum, de tanto relictæ apparatus numero, nec tantillum abeuntibus, vel ad diuturnæ patientiæ suæ laudem, testimoniumque virtutis, concedi. Supererant quippe in vrbe tormenta maiora XLIII. fistulæ (quas musquetas vocant) CCCCL. de quibus CL. efferri quoque, fractarum loco, permissæ. Minores fistulæ (seu arcabusij) CCC. pulueris pyrei pondo millia CXXXV. funium ad incendendum puluerem, libræ millies XXXIV. pilarum maiorum millia II. mediocrium numerus ingens: plumbearum glandium libræ millies XL. matriculæ ad faciendas è plumbo glandes, xv. sphæræ minores è ferro excavato, ad incendia præparatæ, bis mille & centum; maiores (quibus bombarum nomen dedere) CCCXLIV. circuli incendio inferendo facti CL. pilæ ad incendenda opera XL. salis vasa C. picis, nitri, sulfuris, bituminis, vasa XXX. clauorum grandium vasa VI. pinna ferreæ oblongæ vndecies mille:

Alia priuatorum, alia Principum iudicia.

Clementia nomen huic tempori opportunius.

Plus lucri à compendio periculosi temporis quàm spolia hostium aut dedecore.

Summo Duci maiestatis ratio habenda præ priuata gloriâ.

Sordes auaritia Imperatori vitanda.

Apparatus belli in dedecus vrbe reliquus.

mille: stipitum, pinnis geminis armatorum, numerus im-
 mensus: ligonum millia IV. vnci seu rostra ad aperiendum
 humum, M. DC. vehicula, quæ manu trudentur ad molien-
 dam terram, M. scaphæ v. rudentum volumina VI. harpa-
 gones XL. equina iuga CXXX. funium currulium paria XC.
 tabulæ abiegnæ propè innumeræ: pons linteus vnus, gerræ
 seu crates, post quas tormenta collocantur, plurimæ, nec pau-
 ciores ad expediendum subitarium pontem. Horum om-
 nium syllabus scriptus datus Thomæ V Vingardio, tormen-
 tariæ rei Pro-tribunus.

Iam ciuium remanentium æs alienum credebat Spinola
 tam cordi Ordinibus ipsi foederatis esse debere, quàm suam
 ipsorum fidem atque auctoritatem: quæ penitus esset in Re-
 publicâ collapsura, si vel semel vrbis cuiuspiam obsessæ ciues
 fefellissent; quare nihil pro hac curâ sibi laborandum.

*Sapientissi-
 mum Spinola
 iudicium de
 æris alieni
 solutione non
 curandâ.*

Præsidio hostili educendo dies v. Iunij dictus erat. Ve-
 tuerat Spinola, ne quis per facetiam militarem, cuiquam
 egredientium conuiuium faceret; modestè adèò victoriâ
 vtendum reputabat. Ad eum diem curribus nauibusque ab-
 undè paratis, miles noster ad ternas vrbis arcisq; portas cu-
 stodiendas est distributus. Comes Hermannus Bergius e-
 questribus cohortibus v. egredientis præsidij agmen vsque
 Gertrudibergam est prægressus. Inter denos quosque cur-
 rus, parvæ equitum nostrorum additæ cateruæ, ad tutelam
 farcinarum. Agmen ordiebatur Bergaignij cohors eque-
 stris, altera item equestris claudebat. In his duabus vix equi-
 tum quidquam, præter ipsa signa; adèò defecerant equi. Pe-
 dites medium obtinebant. In his procedebat Iustinus equo
 vehens, obsidum vno comitante Carolo Philippo le Comte.
 Legionem quisque suam, Tribunus, Centuriones, cohortem
 præcedebant. Signa ferebantur explicata, permissio tympa-
 norum pulsus. Censa peditum millia ferè tria: nam ægri na-
 uigijs deuehebantur. Egregia sanè manus, seu corpora spe-
 ctatares, seu arma; maiorque quàm in nostris splendor. Nimi-
 rum

*Spinola præ-
 hibet conui-
 tium obsessis
 fieri.*

rum elegantius lautiusque nostris habiti fuerant hospitio & foco, neque panis defecerat ante egressus diem.

*Spinola in
egredientes
humanitas.*

Spinola insigni Nobilitatis coronâ stipatus, urbem inter & valli circulum interiorum triumphum sui pompam pulcherrimâ victor ipse spectabat. Ducum exeuntium singulos, Gubernatoremque in primis Nassauum, insigni canitie venerabilem, eiusque uxorem ac liberos, Emanuelis Portugalli filium, & duos Mauritij Principis nothos, humaniter salutans, eorum vicissim compositis in constantiam vultibus vocibusque, ac modestâ signorum submissione, resalutabatur. Vox nulla ignominiosa laceissentium inuicem audita, sed vultus taciti arridebant. Agmine prætergresso, gratulationibus adstantium accurrentiumque confertim omnium oppressus, communis benevolentia officia non hilarius quam modestius admisit, suâ cuique laboris operæque laude in tantis tam longæ obsidionis molestiis assignatâ.

*Spinola in
admittendis
gratulationi-
bus mod-
estia.*

*Ad Isabellam,
ad Regem,
ad Caesarem
nuntij victoria
missi.*

Ad Isabellam Archiducem, qui lætum præsidij discessum nuntiaret, Ioannes Medicæus Tribunus allegatus, cui Isabella insigne ex auro adamantibusque niceterium, Regiâ planè munificentia, donauit. In Hispaniam ad Philippum IV. cum iisdem nuntiis missus Ferdinandus Guzmannus, Hispanicæ legionis Tribunus. In Germaniam Cæsari Ferdinando Augusto, Theodorus Camargius Protribunus primos deditæ urbis nuntios tulit.

*Comes An-
holtinus cum
suis hanc
feldicum no-
thum subse-
quitur.*

Comes Anholtinus, auditâ Mansfeldici ab castris projectione, dimissus cum suis, præeuntem statim est subsecutus. Victoriæ fama in Galliam, Angliam, Italiam, Germaniamque perlata, fidem vix etiam apud amicos inuenit. Urbs fuit, ubi fabella fusi ab hostibus Bredani com-
meatus, voce circumforanei proclamabatur, libræque vendebatur excusa, eo ipso die, quo deditionis nuntij eodem perferebantur. Quin ex ipsâ Hispaniâ quoque ab Rege allatæ erant in Belgium litteræ, quibus admonebatur Isabella, videret etiam atque etiam, an non magis è re esset,

*Victoria ma-
gnitudo fidei
apud multos
superat.*

*In Hispaniâ
obsidio pro
desperata
habetur.*

fer, Spinolam tam longâ dubiaque obsidione auocari: adeo asperè scilicet multi ad necessarios suos, auctoritate pollentes, in Hispaniam scripserant, desperatione vr̄bis potiundæ.

Archidux Isabella ad victam vr̄bem, militemque victorem visendum, venire ipsa decreuit. Spinola solis vr̄bis portis custoditis, domibus, vicis, arce, temploque expurgari iussis, Isabellæ ad tertium ab vr̄be lapidem obuiam iuit. Equitatus propè omnis aut Antuerpiam ad ducendum præmissus, aut itineris medio ad excipiendum instructus, aduentantem festâ triplicique fistularum explosione excepit, tamquam thyasus hilaritatis. Peditatus varijs ordinibus partitus, non minore fremitus lætitiæque significatione allusit. Hagensi portæ, quâ Bredam Isabella inuehebatur, affixum Programma legebatur, quod inuidiæ verbulo dēmp̄to placuit emollire:

PHILIPPVS HISPANIÆ REX

GVBERNANTE ISABELLA CLARA EVGENIA

OBSIDENTE SPINOLA

HOSTIBVS FRVSTRA IN SVPPETIAS CONIVRANTIBVS
BREDAM

VICTOR POTITVR.

Machinæ vr̄bis maiores omnes semel, iterum, tertium è mœnibus sonuère. Festos ignes, aliamque lætitiæ publicæ significationem, pro suâ in Deum veneratione, fieri prius Archidux vetuit, quàm Deo, præcipuo victoriæ auctori, in summa æde postridie esset litatum. Postridie igitur Ill^{mus} Alphonsus Cardinalis de la Cueva, Regis Hispani Legatus, Sacris primùm operatus est, Isabellâ eiusque Gynecæo ac populo vniuerso præsentē. A Sacro, templum Isabella obiit, vetera Religionis (si quæ superessent) monimenta inspectura. Reverta hinc inde vacua sepulchralium imaginum loca, vestigia hæreticæ pietatis in Maiores vitâ functos. Integrum adhuc Engelberti Secundi Nassauij quondam Comitis insigne mausoleū, è marmore candido nigroque, ab Henrico nepote

Spinola vr̄bem expurgauit.

Archidux Isabella Bredam venit.

Pompa quâ Isabella excepita.

Programma chronicum porta Hagensi affixum.

Isabella Deo victoria auctori honoris prius decoris, quàm sibi lætitiæ ignes fieri mandat. Prius Sacris Breda operatur illustris. Alphonsus Cardinalis de la Cueva, Regis Hispani Legatus.

Qua in templo Bredano visenda.

Q

ædifi-

*Sibylla vixit
vix Boxhornij
audax
impetrix.*

ædificatum. Alterum, quod Engelberti Primi & Ioannis Nassauiorum erat, directâ Marianâ statuâ mutilatum. Id factum instinctu Sibyllæ, si Dîs placet fatidicæ Flaminicæque, Henrici Boxhornij Bredani Verbi-præconis, Flaminis Dialis, quondâ inter Pontificios Sacerdotis. Illa, Sibyllino nempe oraculo, post sextum Bredanæ obsidionis mensem, vaticinata, urbem hosti cessuram, nisi Virginis Matris statuam ad id tempus eo loci conservatam, demolirentur, quam tot retrò annis Maiorum sanctissimorum Religio eâ in urbe fuerat venerata; ceteri verò à Religione alieni nec ausi fuerant sartam ad id tempus testamque violare. Quâ in re, nescio quid amplius reprehendendum censeam; an torpentis Senatus populique in tanto proculcatæ antiquitatis flagitio tolerando patientiam, an in credendo stuporem; an mulierculæ audacissimæ impudentiam, aduersus statuam Matri Virgini consecratam ab Illustrissimis Nassauiorum Proceribus, impositamque tumulo suo ad memoriâ posteritatis. Parietibus templi Epigraphe vna alterâve, de captâ olim Bredâ inscriptæ, Deo Regique, Catholico ignominiosæ, fuere deletæ. Hæc earum loco affixa, ad signandum animum quo Breda recuperata:

*Program-
mata igno-
miniosa de-
leta, & ut
inscriptis.*

AMBROSI SPINOLAE

VIGILANTIA

BREDA

EXPUGNATA.

*Pyssi ignis
admirandi.*

Sacri cærimoniâ peractâ, templi turris sub noctem, accensis innumeris propè laternis ignibusque, vel ex ipsâ Hollandiâ ardere visa. Urbs tota facibus piceatisque dolijs luxit. Tum machinæ iterum omnes sonuere. Spectaculum verò longè pulcherrimum, corona perpetuorum ignium collucens ambitu xvi. millium per orbem valli interioris, quem Spinola, hastis stramine fascibusque præfixis, à milite iusserat confertim stipari incendiisque, intermicantibus perpetuis fistularum ignibus, qui eminens stellarum subito fulgentium evanescentiumque speciem iucundissimam referebant.

Eluxit

Eluxit autem Isabellæ Principis optimæ in Bredanam ædem duosque religiosos Ordines, Capuccinorum & Sacerdotum Societatis IESV, liberalitas, non minor quàm pietas in propitiando exorandoque Numine ad urbem eam obtinendam. Publica omnium vox fuit: Isabellæ, Aulæque eius, continuatis precibus, imperatis ad templorum omnium pulvinaria supplicationibus, effusis in miseros largitionibus, Bredam esse recuperatam, non armis. Et certè diuina adfuisse præsidia humanis stratagematibus præsentiora, negare nemo potest. Cui autem hæc accepta referemus, nisi illius notæ Pietati? cui vetus illud acclamare non iniuriâ possumus: *Una mulier fecit confusionem in domo Regis Nabuchodonosor.*

*Isabella in
religiosos
Ordines libe-
ralitas, pie-
tatis, in Deū.*

*Dei potius
quàm homi-
num victo-
ria.
Isabella Re-
ligioni post
Deum victo-
ria referenda.*

*Isabella in-
res sacras
largita.*

*Isabella in
res sacras
largita.*

*Urbani VIII.
Pont. Max.
ad Alphons-
sum Cardi-
nalem de la
Cueva li-
tera.*

*Urbani VIII.
Pont. Max.
ad Alphons-
sum Cardi-
nalem de la
Cueva li-
tera.*

In urbem ergo venit Isabella ut auitæ Religionis instauratrix, in castra, uti Ducis munia per eos dies obiret. Anniuersarium Sacrum in Augustissimi Sacramenti honorem (cuius peruiugio tractari primùm de deditione Bredæ cœpit, octauo autem die præsidium excessit) fieri decreuit. Capuccinis ad emendam Bredæ domum quatuor florenorum millia; Sacerdotibus Societatis IESV, qui quaternis castris diuisi, militum salutem toto obsidionis tempore procurarant, millia quinque ad subleuandos emendi Collegij sumptus, eleemosynæ nomine erogauit. Veteri Virginum cœnobio, ruinisque Ginekenis templi (quod Mauritius incendi fecerat) instaurandis, non exiguum pecuniæ numerum est elargita. Quæ omnia tam insignis Religionis argumenta, cum summo Religionis Præsidi Urbano VIII, Pontifici Maximo, Alphonsus Cardinalis de la Cueva, Hispani Regis Legatus, indicasset, has ei Pontifex literas reddidit.

» Dilecte fili noster, salutem & Apostolicam benedictionem.
» nem. Postremas literas tuas fuisse sensimus aureas illas phialas, plenas odoramentorum, quæ cælestium animos oblectant, & mortalium ægritudines consolantur. Respirauimus aliquantisper in altitudine sæuiantis maris fluctuantes, ubi in Bredensi urbe adspeximus triumphantem Religionem.

nem. Non obliuiscitur Deus misericordias suas, & Principibus cælum propugnantibus militant legiones Angelorum. Certè victoria ista inter tot coniurantis impietatis opes, & naturæ ipsius obluētantis difficultates quæsitæ est; vt quauis illustre in omnes ætates futura sit documentum bellicæ fortitudinis, omnipotentis tamen bellatoris beneficium habetur. Edomita enim est non solum hostium vis, sed etiam sæuitia fluminum. Nunc autem præclaros tanti triumphifructus Austriaca Princeps colligit, dum validis viribus Religionem munit. Neque sapientiùs id curari posse arbitramur, quàm Sacerdotum officijs, & artibus earum Religiosarum familiarum, quibus in recuperatâ vrbe Cœnobîa patefecistis. Tibi verò peramanter benedicimus, qui primus, plaudentibus Angelis, & gaudente Ecclesiâ, tremendum sacrosanctæ Missæ Sacrificium in ijs aris peregisti, quas nuper hæretica temeritas violarat. Porro autem laudamus pietatem tuam, cum Romanæ Purpuræ ornatus splendoribus, te ipsum in præsentî opportunitate dignum tanto Sacerdotio præbeas. Pia consilia possunt te in huius triumphalis gloriæ societatem adducere. Militum enim fortitudo, impietatem ex mœnibus urbium exterminat: Sacerdotum pietas, ex animis populorum. Tantum nomini tuo decus exoptantes, patrocinium nostrum tibi peramanter pollicemur. Datum Romæ apud sanctam Mariam Maiorem, sub annulo Piscatoris, die ix. Augusti, M. DC. xxv. Pontificatus nostri anno secundo.

*Isabella in
militis cura
& domesticis.*

*Isabella ca-
stra vbi.*

*Spinola in
urbem com-
munitum in-
uadi curat.*

*Præfatus
Breida datur
Baro Balan-
conius, vir
virtute no-
tus.*

Isabella Religionis officijs perfuncta, militi in castris stipendium mensis integrum persolui, vestes ad x. millia fieri donatiui nomine imperauit. Sequentibus deinde diebus, interna externaque valli vtriusque opera spectatum circumiuit, militiæ cultrix iuxta ac Religionis. Interea Spinola ingenti comœatu urbem diuturnâ obsidione exhaustam instruxit, domosque collocando præsidio descripsit. Isabella vrbi gubernandæ Præfectum Baronem Balanconium, Burgundicæ legionis Tribunum, constituit. Eius viri virtus, modestia, vi-

gilan-

gilantiaque tam erant supra inuidiam notæ, vt nulla militum natio non ei id munus iure meritoque diceret esse deferendum. Ciues, qui vel famâ probitatem eius acceperant, gubernacula ei destinabant, tradique obtestabantur. Aded virtus celari non potest, cognitaque amatur. Tum Senatus populo dictus. Creatus postliminiò Consul Henricus Montens, Iuris prudentiâ clarus, honestaque canitie grauis, qui id munus tum quoque administrabat, cum vrbs iam vltimùm Regi per fraudẽ onerariæ nauis eriperetur, Religionis patriæ semper tenax. Collega datus Dingemannus vander Lochr, pacato vir ingenio, auitaque Religionis custos. Senatores ceteri, quos virtus & fides sua Reipublice commendarat. Ciuibus eadem gubernationis ratio legesque constitutæ, quæ Siluæducenti vrbi. Quamquam initio multis de causis præstari omnia non potuere. Senatus, auspicato Magistratu, Gymnasium publicum Professoribus Societatis IESV moderandum dedit; quem ordinem scilicet Philippus Arscotanus Dux, Archiducis Isabellæ iussu (litteris eius in Curiam allatis) commendatum missus erat.

Senatus populo Bredano dictus.

Gubernationis norma Bredani ciuibus præscripta.

Gymnasium instituenda iuuentutis Bredanæ à Senatu Societatis IESV Professoribus delatum.

Rebus omnibus ita ritè constitutis, com meatibus expeditis, designato præsidio peditum millium 111. equitum cohortibus v11. vallos, fossas, operaque quibus urbem circumuenerat Spinola, prorui iussit: seruari ostendi que posteritati digna, nisi iam sui vsu, qui maximus fuerat victoriæ tantæ obtinendæ, immortalitatem essent consecuta. Exercitu deinde per intervalla præmissso, Archiducem Antuerpiam est comitatus. Pedites, agminibus Hooghstratam Bredamque inter partitis, præteruehentem militaris lætitiæ plausu salutarunt. Equitatus haud procul Hooghstratâ, maximâ in planitie ab Henrico Bergio explicatus, militares ludos bello serio simillimos præbuit. Turmæ quindenæ hinc inde è diuerso in alas dispositæ, mutuo occurso, simulataque dimicatione, dulcis illius belli faciem exhibuere, qualem inexperti ferè sibi cogitatione machinantur. Tubarum clangor, equorum

Quantum donno Breda præsidium impositum.

Opera, valli, fossæ, ædificia.

Archiducem cum exercitu descendis Breda.

Ludicrum equestre à Comite Bergio præbuit.

Q₃

rum

rum cursus atque receptus, pulueris ex humo excitatio, galearum loricarumque splendor, ferri districti fulgor, barritus concursantium, ignis & fumus, strepitusque explosarum fistularum, machinarum maiorum interludentium è longinquo sonus: omnia denique pugnae spectacula, præter sanguinem & cædem: atque omnium pulcherrimum, ipse Henricus Bergius cataphractus duos inter amicos Principes auxilio quasi accurrentes, VVolfgangum VVilhelmum Bauariæ, Iuliæ, Cliuiæ, Montiumque Ducem, & Ducem Saxonie Rudolphum Maximilianum; qui simul tres, ludo incruenti belli peracto, ad Archiducis Isabellæ victricis currum, submissis gladijs, salutabundi accurrere. Tum Spinola, castra tertio ab Antuerpiâ lapide metatus, lætissimis omnium qui eum quærebant oculis vocibusque, vnâ cum Archiduce acceptus, urbem inuectus fuit. Hooghstratæ cum suis Henricus Bergius relinquitur, ad reliquum com meatum Bredæ supportandum.

*Archiduci
& Spinola in
urbem Ant-
uerpiensem
ingressus.*

*Hooghstratæ
Bergius sup-
portando re-
liquo com-
meatus relin-
quitur.*

*Insidia hosti
à Bergio
structa eritis
euentu.*

Vltimo ergo com meatu, qui Bredam inuectus fuit, priusquam hostis in æstiuâ abiret, Bergius lemniscum laureæ Spinolæ appensurus, hostem in insidias elicere studuit, inuitatu emissariorum paucorum, quos ad castra præmiserat, ceteris in insidijs constitutis, qui tum subito existerent inuaderentque. Sed hostis, seu prudentiâ seu metu, cum castris non prodiret, Bergius re nullâ gestâ discessit.

*Isabella vi-
tricis icon
insignis à
Rubeno ex-
pressa.*

*David Tra-
gædia Ar-
chiduci dica-
ta à Collegio
Societatis
I E S V Ant-
uerpiæ.*

Isabella dum Antuerpiæ manet, Rubenij pictoris excellentissimi penicillo expressa, cæloq; in æs insculpta, se Ciuiçâ coronatam, augustâ sanè in tabulâ vidit. Digna sic pingi post nobilissimum triumphum, nec alterius atque Apellis illius manu. Victrici præbita in Scenam David à Gymnasio Societatis I E S V, nouo dramatis genere, quo post Actus singulos, tota simul rei gestæ historia mutarum personarum viuis imaginibus iucundissimè exhibebatur. Spectarunt pro Isabellâ, reliqui Aulæ Magnates. Paucos post dies quàm intellectum, mouisse hostem, suis in præsidia dimissis, noster quoque

que exercitus quaquaversus in æstiva discessit. Bruxellam
 verò ut Spinola cum paucis venit, novas iterum gratulationes
 (etsi celato aduentu vitaret) inuitus coactusque, accur-
 rentibus omnibus, admisit. Nuntiis interea in Hispaniam
 perlatis, Rex Philippus geminâ victoriâ lætus, Bredæ Baya-
 rumque Brasiliensium recuperatarum, Marchioni Spinolæ
 pro tot exhaustis laboribus, tot hostibus sine clade superatis,
 vrbe tam inexpugnabili subiugatâ, amplissimum Castellæ
 munus, summam Ordinis S. Iacobi Præfecturam admini-
 strandam dedit. Nimirum aut id præmium tantæ victoriæ
 esse debuit, aut liberalitas tanti Regis, maiora etiam quàm
 peti possent tribuentis. Urbanus autem Pontifex Maximus,
 rerum ad Bredam gestarum magnitudine excitatus, Isabellæ
 inprimis, deinde Spinolæ suâ fortitudine felicitateque, præ-
 stantissimis literis est gratulatus: quarum exempla cum ob
 singularem elegantiam, tum ob summam sapientissimi Pon-
 tificis auctoritatem, publicanda iudicavi. In hanc senten-
 tiam Isabellæ Archiduci scribit:

„ Eleuauit Dominus potens in prælio, brachium suum su-
 „ per gentes, quæ cogitabant seruis suis mala, & dextera Om-
 „ nipotentis glorificatur in vobis. Triumphantes gaudio ob
 „ clarissimam Bredæ expugnatae victoriam, eiusmodi elogio
 „ alloquimur Nobilitatem Tuam, quæ muliebris virtutis lau-
 „ des supergressa, ad propugnationem Religionis orthodoxæ
 „ feliciter conuertit arma Austriacæ potentiae. Dimicauit mi-
 „ litia cælestis exercitus in castris Tuis; & bellicæ fortitudinis
 „ constantia, docuit nobilissimas nationes, ad tam insignis ob-
 „ sidionis spectaculum commigrantes, nullam arcem in terris
 „ tam validis opibus ac propugnaculis muniti, quam cælesti-
 „ bus auxilijs armata castrensis virtus non expugnet. Decer-
 „ tatis cum hoste periculorum contemptore, & inauditi ter-
 „ roris artifice. Ipsum è carceribus suis immittere in Austria-
 „ cas legiones meditari videbatur Oceanum. Fluminibus sæ-
 „ uientibus maritima ostia occlusit, ut castra Nobilitatis Tuz

*Hoste in pra-
 sidia abeunte,
 exercitus no-
 ster missus in
 æstiva.*

*Honor Spino-
 la ab Hispania
 Rege de-
 latus.*

*Urbanus
 Pont. Max.
 littera ad
 Archiducem
 Isabellam.*

nouo veluti mari superfuso absorberent. Ceciderunt impij “
 in foueam quam fecerant, & Dominus regnauit. Auitis sedi- “
 bus tumultuantes fluctus cohibuit Oceanus, & abierunt in “
 sicco flumina. Gratulamur Tibi victoriam totius Ecclesiæ “
 votis expetitam, cui Roma Nationum omnium mater plau- “
 dit, quam historiarum testimonia consequentibus sæculis “
 ostentabunt. Eâ verò quàm benè vtatur Nobilitas Tua, ex “
 famæ voce & ministrorum nostrorum literis accepimus. “
 Nisi Dominus custodierit ciuitatem, frustrâ stationes mili- “
 tum in aggeribus excubant: ille verò Angelorum legionibus “
 eas vrbes armat, in quibus Catholica fides, custos publicæ “
 tranquillitatis, dominatur. Scimus quàm sollicitâ pietate, & “
 quàm prudentibus actibus cures, vt è Bredensibus populis “
 eliminetur hæresis, parens perfidiæ, & seditionum nutrix. “
 Quare cùm locum minimè relinquo Pontificijs hortatio- “
 nibus, meritò laudamus & extollimus nominis tui gloriam, “
 & accuratissimis precibus commendamus Deo Nobilita- “
 tem Tuam, vt ex tam salutari triumpho eos fructus perci- “
 pias, quos optat Ecclesia, & formidat impietas; Tibique A- “
 postolicam benedictionem peramanter impertimur. Da- “
 tum Romæ, apud sanctam Mariam Maiorem, sub annulo “
 Piscatoris, die ix. Augusti, M. D C. X X V. Pontificatus nostri “
 anno secundo. “

*Vrbani Pont.
 Max. littera
 ad Marchio-
 nem Spino-
 lam.*

Spinolæ verò ad hunc modum gratulatur: Triumphat “
 cælum in victorijs Nobilitatis Tuæ, cuius palmæ hæretico- “
 rum sanguine nutriuntur, & Catholicæ Religionis caput “
 coronant. Breda expugnata inonumentum erit Nationi- “
 bus atque ætatibus vniuersis bellicæ virtutis Tuæ. Discet or- “
 bis terrarum, hoc etiam tempore in Italiâ nasci eos Duces, in “
 quibus Cæsarum & Scipionum gloria reflorescat. Domuisti “
 hostes pollentes opibus, furentes irâ, & contemptores mor- “
 tis. Flumina oclusis ostijs iussa sunt cursum mutare, & ag- “
 mina indignantium aquarum in castra Nobilitatis Tuæ. “
 Perdomuit omnia fauor cæli, & fortitudinis constantia. “

Certè

Certè quam Austriacæ potentiaæ urbem præripuerat prodigio metuens lucis, & in dolosis latebris delitescens, eam per Nobilitatem Tuam recuperavit virtus & ingenium. Ibit in sæcula Bredenſis obſidionis memoria, atque ab eâ artes bel-
 landi, & exempla fortitudinis, diſcent Duces poſteritatis. Inter Italiae præſentes tumultuantis, & Principum diſſidentium procellas, è Bredâ receptâ, adeò lætus hic diuinæ clementiæ radius Pontificijs ſollicitudinibus affulſit, vt Te tanti auctorem boni, Apoſtolicarum literarum teſtimonio ornare decreuerimus, patrocinium noſtrum pollicentes Nobilitati Tuæ; cui diuturnæ vitæ robur precamur, & Apoſtolicam benedictionem peramanter impertimur. Datum Romæ apud ſanctam Mariam maiorem, ſub annulo Piſcatoris, die 1 X. Auguſti, M. D C. X X V. Pontificatus noſtri anno ſecundo.

Magnæ, ſed veræ laudes, Pontificio iam oraculo confirmatæ. Et certè, quàm magna ea victoria ſit, neque hoſtes adhuc ſentire, recente nimis plagâ; neque nos, nouitate lætitiæ, ſatis poſſumus æſtimare. Quod vnum aut par aut maius victoriâ quantauis maximâ duci debet; cùm non de Bredæ, ſed famæ honorisquæ iacturâ fuerit decertatum, eius urbis deditio, quam tantis Europæ motibus, tot Prouinciarum conuocatis auxilijs, tot ærarij exhausti ſumptibus, tuendam fruſtrâ fœderati Ordines ſuſcepere; Hiſpano Regi, Iſabellæ Archiduci, Marchioni Spinolæ, nomen peperit immortale.

*Hæc vna eſt
 Bredâ, Ordinum fœderatorum exiſtentiæ lapſa.*

Chronographicum:

REX
 BREDAM CEPIT
 QUINTA
 IVNII.

APPRO-

APPROBATIO.

OBSIDIO Bredana, descripta à R. P. HERMAN-
NO HVGONE, verè sine fūco refert, quàm
potenter Deus omnipotens faucat Catholicis
castris: vtpote, Auctor ferè in omnibus tam-
quam oculatus testis, doctè & cum fructu osten-
dit quàm mirabilis sit Deus in operibus suis.
Bruxellæ, x. Nouembris, M. DC. XXV.

*Henricus Smeyers S. Th. Lic. Scholasticus
Bruxellensis, Librorum Censor.*

CVM Priuilegio PHILIPPI IV. Hispaniarum
& Indiarum Regis Catholici, & Potentissi-
mi Belgarum Principis, ad sexennium,

Signat.


J. Cools.

INTRODUCTIO
LIBRI
IV
IIII

APPRO

OBSIDIO BREDÆ
PERFECTA.





ANTVERPIÆ,
EX OFFICINA PLANTINIANA
BALTHASARIS MORETI.
M. DC. XXIX.

